


পথের শেষে

সামাজিক নাটক



মনোমোহন থিয়েটারে অভিনীত

প্রথম অভিনয় রজনী—২৯শে অগ্রহায়ণ, ১৩৩৫ বাল

স্বর্গীয় নিশিকান্ত বসু রায় বি-এল্

গুরুদাস চট্টোপাধ্যায় এণ্ড সন্স,
২০৩/১১, কর্ণওয়ালিস্ স্ট্রীট, কলিকাতা

প্রথম সংস্করণ—পৌষ, ১৩৩৫ সাল
দ্বিতীয় সংস্করণ—ফাল্গুন, ১৩৩৫ সাল
তৃতীয় সংস্করণ—ভাদ্র, ১৩২৬ সাল
চতুর্থ সংস্করণ—আষাঢ়, ১৩৩৭ সাল
পঞ্চম সংস্করণ—কার্তিক, ১৩৩৮ সাল
ষষ্ঠ সংস্করণ—ফাল্গুন, ১৩৩৯ সাল
সপ্তম সংস্করণ—বৈশাখ, ১৩৪২ সাল

এক টাকা

গুরুদাস চট্টোপাধ্যায় এণ্ড সন্সের পক্ষে ভারতবর্ষ প্রিন্টিং ওয়ার্কস্ হইতে
ঐশোবিন্দ্রনাথ ভট্টাচার্য্য দ্বারা মুদ্রিত ও প্রকাশিত
২০৩১১, কর্ণওয়ালিস স্ট্রীট, কলিকাতা

প্রাণাধিক


নির্মলকুমার—

মহু,

কত আদার তোমার পূরণ ক'রতে পারি নি। সে সব এখন মনে হয় আর আমার মর্শ্ম পুড়ে ছাই হ'য়ে যায়।

আজ তুমি কত দূরে—সর্বপ্রকারে আমার নাগালের বাহিরে—একেবারে পথের শেষে চ'লে গিয়েছ। আর ত হাতে তুলে তোমাকে কিছু দিতে পারব না। তাই বুকের কয়েক কোঁটা তাজা রক্ত যা তপ্ত-অশ্রু হ'য়ে বেরিয়েছে, তাই তোমার উদ্দেশে পাঠাচ্ছি—তুমি গ্রহণ করো—

তোমার—বাবা.



চরিত্র

দুর্গাশঙ্কর রায়	...	জমিদার
নলিনী	...	ঐ পুত্র
যোগেশ	...	ঐ ভাগিনেয়
অনাদি	...	ঐ দেওয়ান
নিবারণ	...	ঐ কর্মচারী
যজ্ঞেশ্বর	...	ঐ কর্মচারী
শ্রামা	...	ঐ ভৃত্য
গোবিন্দ	...	নলিনীর ভৃত্য

শশীবাবু, শশীবাবুর বন্ধুগণ, নিধুখড়ো, খাজাজি, জগা পাগল,

ডাক্তার, ইন্স্পেক্টর ইত্যাদি

সুখদা	...	দুর্গাশঙ্করের ভগিনী
পারুল	...	নলিনীর স্ত্রী
রাধা	...	ভিখারিণী
ললিতা	...	নিবারণের শ্রালিকা

পথের শেষে

প্রথম অঙ্ক

প্রথম দৃশ্য

জমিদার দুর্গাশঙ্কর রায়ের বাটী—

মুমজ্জিত কক্ষ

প্রাচীর-পাত্রে দুর্গাশঙ্কর রায়ের মৃতা পত্নীর নিজের

ও পুত্রের তৈলচিত্র বিলম্বিত

দুর্গাশঙ্কর রায় একখানি আরাম কেদারায় বসিয়া গড়গড়ায় তামাক খাইতেছেন ;

তাহার উদাস দৃষ্টি গবাক্ষপথে দূরে প্রান্তরে নিবদ্ধ। পাশে ঠাড়াইয়া

প্রবাণ দেওয়ান অনাদিনাথ কথা বলিতেছেন। নিম্নতল হইতে মাঝে

মাঝে প্রাণখোলা হাসির 'হো' 'হো' শব্দ শুনা যাইতেছে।

দ্বিপ্রহর তপনও অতীত হয় নাই।

অনাদি। বামো হ'তেই সরোজবাবু বৃদ্ধিতে পেরেছিলেন যে, এ বাত্মা তাঁর আর রক্ষা নাই। সংসারে আপনার ব'ল্‌তে এক বয়স্কা বিবাহ-যোগ্য্য ভগ্নী ; তাই রোগের বাতনার চেয়েও ভগ্নীর ভবিষ্যৎ চিন্তা তাঁকে বেশী কাতর করেছিল। শেষে যখন বৃদ্ধিতে পান্সলেন যে আর রক্ষা নেই, তখন অনলোপায় হ'য়ে থোকাবাবুকেই তাঁর ভগ্নীকে বিয়ে ক'রতে এমন পীড়াপীড়ি ক'রতে লাগলেন যে, থোকাবাবুর স্বীকৃত হওয়া ভিন্ন আর গত্যস্তর ছিল না। সে অবস্থায়, প্রিয় বন্ধুর অন্তিম শয্যার সেই কাতর অনুরোধ কেউই উপেক্ষা ক'রতে পারে না—(দুর্গাশঙ্করের মুখ হইতে গড়গড়ার নল খসিয়া পড়িয়াছে। তিনি অপলক দৃষ্টিতে অনাদিনাথের মুখের দিকে চাহিয়া আছেন।)

তাড়াতাড়ি সব যোগাড় ক'রে গোষ্ঠুলি লগ্নে যেমন বিয়ে হয়ে গেল
অমনি সরোজবাবুর দেহত্যাগ হ'ল—

দুর্গাশঙ্করের মুখ দিয়া অশ্রু-টভাবে “এঁয়া” শব্দটি উচ্চারিত হইল। বজ্রাহতের স্তায়
নিজের অজ্ঞাতসারে আরামকেন্দ্রারা হইতে উঠিয়া অধীরভাবে কয়েকবার
কক্ষনবো পাদচারণা করিয়া তিনি দূরে গবাক পথে চাহিয়া
রতিলেন। নিম্নতল হইতে প্রাণখোলা উচ্চহাসির ‘হো’
হো’ শব্দ শোন। গেল। এক দেওয়ান কয়েক
মুহূর্ত্ত নতদৃষ্টিতে শুক থাকিয়া পুনরায়
বলিতে লাগিলেন :—

বৌমাকে নিয়ে আজ খোকাবাবু ক'লকাতা রওনা হ'লেন। বাবার
সময় আমায় বললেন, যে বাবাকে আমার প্রণাম জানিয়ে বলবেন যে
আমি তাঁর অধম সন্তান। তাঁর চরণে মার্জনা ভিক্ষা ক'রছি! কি
ক'রব—আমার উপায় ছিল না। আপাততঃ আমি ক'লকাতায়
বাচ্ছি—বাবার কাছে বাবার আমার আর মুখ নেই—তবে যদি
তিনি এ অভাগাকে ক্ষমা করেন, তবে আবার তাঁর পদধূলি মাথায়
ক'রে ধন্য হব।

নিম্নতল হইতে পুনরায় উচ্চহাসির ধ্বনি উদ্ভূত হইল। কয়েক মুহূর্ত্ত কক্ষটি শুক
থাকিল। ধীরে দুর্গাশঙ্কর দেওয়ানের দিকে ফিরিলেন—দেওয়ান অনাদিনাথ
ভীতিবিম্বল দৃষ্টিতে দেখিলেন যে প্রভুর চক্ষুদ্বয় ত মুখমণ্ডল
আরক্তিম, নাসারন্ধ্র কোণে কম্পিত হইতেছে।

দুর্গা। শুনছ অনাদি, ঐ যে নীচের তলা থেকে প্রাণ খোলা উচ্চহাসির
শব্দ আসছে—শুনছ তা? এ কেন জান—ও হাসির শব্দ কার জান?

২. অনাদি। আমি ত নোকা থেকে উঠে সোজা আপনার কাছেই এসেছি।

দুর্গা। তবে শোন। আমার বালাবন্ধু শশীকমলকে জান। দু'বছর
পূর্বে তার মাতৃশ্রদ্ধে শশীদের বাড়ী গিয়েছিলেম মনে আছে?

৩. অনাদি। আছে হাঁ।

দুর্গা। সেখানে শশীর মেয়েটা দেখে আমার ভারী পছন্দ হয়েছিল।
 যেন পটে আঁকা একখানি দুর্গা-প্রতিমা। এখাও তার সেই ঢলঢলে
 স্নন্দর মুখখানি আমার চোখের সামনে ভাসছে। আর কি তার
 গুণ—পাঁচ দিন ছিলাম আমি অনাদি—কুদ্র বালিকা মায়ের মত
 নিপুণহাতে আমার কি সেবাটাই না ক'রল—আর কি মধুর তার
 মুখের জ্যোঠামশাই ডাক—আমি মুগ্ধ হ'লেম—বুঝলে অনাদি, আমি
 একেবারে মুগ্ধ হ'লেম। আসবার পূর্বে মেয়েটিকে পুত্রবধু ক'রবার
 জন্তু শশীর নিকট চাইলেম—আমি চাইলেম—বুঝলে? শশী অবশ্য
 সানন্দে সম্মত হ'ল। আমার কাছে বেশী কিছু ছিল না—পাঁচ খান
 মোহর, হাতের হীরের আংটি আর ঘড়ির চেন—এই দিয়ে তাকে
 আশীর্বাদ ক'রে এসেছিলাম—সে আজ নয়, দু'বছর পূর্বে। বৈশাখ
 মাসে—হাঁ, এই ঠিক দু'বছর।

। অনাদি। আজ্ঞে সে ত শুনেছি।

দুর্গা। হাঁ, ~~আমি~~ বাড়ী এসেই তোমাদের সবাইকে সে কথা বলেছি।
 খেঁকাও জানে—শুধু জানা কেন, কতবার এই দু'বছরে শশীর স্ত্রী
 ভাবী জামাই জেনে তাকে নিমন্ত্রণ করে নিয়ে গিয়েছে—তার বাড়ীর
 মেয়েছেলেরা অবাধে তার সঙ্গে মেলানেশা করেছে। কবে এতদিন
 এ বিয়ে হয়ে যেত—শুধু খোকার পড়ার ক্ষতি হবে ব'লে আমি
 ব'লে ক'য়ে শশীর স্ত্রীকে নিরস্ত রেখেছি। আর বেচারী শশী, তার
 বয়হা কল্যাণ—বাগদত্তা—আমার কথার উপর নির্ভর ক'রে নিশ্চিন্ত
 হ'য়ে বসে আছে। ~~আজ~~—আজ সে এসেছে আশীর্বাদ ক'রতে—
 আমিই তাকে সংবাদ দিয়ে আনিয়েছি—

। অনাদি। সে কি!

দুর্গা। এক ঘণ্টা পূর্বে ২০শে তারিখে আমি বিয়ের দিন স্থির ক'রে
 দিয়েছি। আমি, বুঝলে অনাদি, আমি নিজে পাণ্ডী দেখে দিন

ঠিক করে দিয়েছি। বে'তে কি খরচ হবে, কত লোক থাকবে, কাকে কাকে নিমন্ত্রণ ক'রবে,—~~পুত্রের সংসার-জ্ঞান~~ ত কোন দিনই বড় একটা নেই—নিজের হাতে তাকে সব লিষ্টি ক'রে দিয়ে বাড়ীর ভেতর থাকার কি ব্যবস্থা হ'চ্ছে তাই দেখতে এসেছি, এর মধ্যে তুমি এসেছ। ~~(কপাল স্তব্ধ থাকিয়া পায়চারি করিয়া পুনরায় বলিতে লাগিলেন)~~ হতভাগার আসতে দেবী দেখে তাকে আনতে তোমাকে পাঠিয়েও নিশ্চিন্ত হ'তে পারিনি—পাছে তোমাদের আসতে দেবী হয়, পাছে ঠিক সময় তোমরা পৌছিতে না পার, তাই যোল দাঁড়ের বজরাখানা রাধানগরের ঘাটে পাঠিয়ে দিয়েছি ~~(পুনরায় ক্ষণকাল স্তব্ধ থাকিয়া পাদচারণা করিতে লাগিলেন ও ক্ষণেক পরে বলিতে লাগিলেন)~~—কল্যাদায় আজকাল কত বড় দায় জানত। আমার কথার উপর নির্ভর ক'রে নিশ্চিন্তমনে বন্ধুবান্ধবদের নিয়ে বেচারা আনন্দ-উৎসবে মেতে আছে—নীচের তলায় ব'সে মহাশাস্তিতে কি প্রাণখোলা হাসিটাই হাসছে—কোন প্রাণে তার বুকে এখন আমি বজ্র হানব। কোন মুখে তাকে এখন আমি বলব যে, এ বিয়ে হবে না তুমি ফিরে যাও—কেমন ক'রে এ পোড়া মুখ এখন আমি তার সামনে বের ক'রব—কেমন ক'রে—বল—বল—বল—~~(নিজের মুখে চপেটাঘাত করিতে লাগিলেন)~~ কুলান্দার সব জেনে শুনে আমায় অপদস্থ ক'রলে—আমার এই উচু মাথা হেঁট করালে—আমাকে মিথ্যাবাদী, ~~প্রভাবক~~ জোচ্চোর, প্রতিপন্ন ক'রলে—~~(নিজের মুষ্টিবদ্ধ হস্ত দংশন করিতে লাগিলেন ও অধীর-ভাবে পাদচারণা করিতে করিতে বলিতে লাগিলেন)~~ পিতার সম্মানের চেয়ে বন্ধুর অহুরোধ বড় হ'ল! অধম সম্মান—অধম সম্মান—কমা ক'রব—~~কমা ক'রব~~—পদধূলি! (সহসা অনাদির দিকে ফিরিয়া) জান অনাদি এর পরিণাম কি! এমন শাস্তি তাকে আমি

দেব—এমন শান্তি, যা স্মরণ ক'রে কোন দিন কোন পুত্র পিতার
ইচ্ছার বিরুদ্ধে কোন কার্য না করে—পিতার অবাধ্য না হয়—
পিতাকে অপ্রবঞ্চ ক'রতে গ্রাহ্য না করে—হাঁ এমন শান্তি—
অনাদি। খোকাবাবুর উপায় ছিল না—সে অবস্থায়—

দুর্গা। উপায় ছিল না। কেন? সরোজকে সব খুলে ব'লে, অত্যা কোন
সুপাত্র—তার চেয়েও সুপাত্র দেখে সরোজের অনাথা ভগ্নীর বিবাহ
দিলেই হ'ত—বত টাকা লাগত আমি হাসতে হাসতে দিতাম। তা
হ'লেই সরোজ সম্ভষ্ট হ'ত। না অনাদি, তুমি যা ভাবছ তা নয়—এ
জেনে শুনে আমাকে অপদস্থ করা—জেনে শুনে। আচ্ছা, অনাদি,
শশীকে ডাক—

অনাদি। এখনই—

দুর্গা। কঠোরস্বরে যাও—

অনাদির প্রস্থান

ওঃ—এই ছেলেকে কি ভালটাই না বেসেছি! কেন এতদিন ছাইএর
উপর রেখে বলি দিইনি—(মৃত্যুপঙ্খীর তৈলচিত্রের দিকে সহসা দৃষ্টি
পড়ায় স্তম্ভিত হইয়া দাঁড়াইলেন ও পরে বলিয়া উঠিলেন) হবে না—
তা কখনই হবে না—হাত জোড় ক'রলেও না—কুলদ্বারকে আমি
কখনই ক্ষমা ক'রব না। না—না—না—

শ্রামার প্রবেশ

শ্রামা। বাবু খাবার জায়গা কি পাশের ঘরে ক'রব।

দুর্গা। কে? হাঁ—কি?

শ্রামা। খাবার জায়গা কোন্ ঘরে—

দুর্গা। ন—না—কিছু ক'রতে হবে না—সব আগুনে ঢেলে দে, রাস্তায়
ছড়িয়ে দে—জলে ভাসিয়ে দে—

শ্রামা। বাবু—

দুর্গা। আবার বাবু! আমার কথা শুনে পাসনি হারামজাদা।

আমাকে চপেটাঘাত। গ্রহায় খাইয়া অপ্রতিভভাবে আমার গ্রহান। অস্ত্র দ্বারা বন্ধুগণসহ শশী ও অনাদি প্রবেশ করিলেন। দুর্গাশঙ্কর তাঁহাদের দেখিয়া দুই হাতে মুখ ঢাকিয়া গবাক্ষের দিকে সরিয়া গেলেন

শশী। কই দেওয়ানজী, এই বেলা থোকাকে ডাক—শুভ আশীর্বাদটা সেরে ফেলি—এর পর ত বারবেলা হবে ;—কই দাদা কোথায় ?

অনাদি। আহুন বাবু, বহুন।

দুর্গাশঙ্কর সহসা ছুটিয়া আসিয়া শশীকমলের হাত হু'পানি ধরিয়া বালকের স্তায় কাঁদিয়া উঠিলেন ও বলিলেন—

— শশী, শশী—ভাই আমায় ক্ষমা কর—আমি জোচ্চোর—
মিথ্যাবাদী—প্রতারক—চণ্ডাল।

নিজের চুল জিঁড়িতে লাগিলেন

শশী। এ কি! তুমি ক'রছ কি দাদা—কি বলছ—তুমি কি পাগল হ'লে!

দুর্গা। পা থেকে জুতো খোল—আপনারাও খুলুন—তারপর এই মিথ্যাবাদীর পিঠে—এই জোচ্চোরের মাথায় দমাদম্ মারুন—কষে মারুন—রক্ত পড়া চাই—এই রক্তে কুলাঙ্গারের জন্ম হ'য়েছে কি না!

শশী। ব্যাপার কি দেওয়ানজী! থোকা ভাল আছে ত?

দুর্গা। ভাল নেই! থাকা আছে—বাপের মুখে চূণকালী দিয়ে সাধের বো নিয়ে কোলকাতায় মধুচন্দ্র ক'রছে!

শশী। বো নিয়ে!

দুর্গা। হাঁ, বো নিয়ে। কুলাঙ্গার আদর্শ বন্ধু-প্রীতি দেখিয়েছেন!
পিতাকে অপদস্থ ক'রে—পিতার মুখে চূণকালী দিয়ে প্রাণের বন্ধুর অনাথা ভগ্নীকে উদ্ধার করেছেন!

শশী। এঁ্যা! (থপ্ করিয়া মাটিতে বসিয়া পড়িলেন) তবে আমার

উপায়! আমি যে তোমার কথার উপর নির্ভর করে নিশ্চিত হইব
ব'সে আছি। আমার বয়স্হা মেয়ে—বাগ্‌দত্তা—আমার উপায়!

১ম বন্ধু। আর উপায়! কেমন, পূর্বে বলেছিলাম না! এখন
আহাম্মকির ফল ভোগ কর। বলেছিলাম না, যে অন্তর্ভা বাড়াবাড়ি
ভাল নয়।

২য় বন্ধু। এ রকম যে হইবে এ তোমার আগেই বোঝা উচিত ছিল।
মুখের কথার উপর নির্ভর করে এই কলিকালে কেউ এমন নিশ্চিত
হ'য়ে বসে থাকে! হাঃ হাঃ হাঃ—এটা যে কলিকাল হে—

শশী। দাদা—দাদা—আমার রেণুর মুখের দিকে চেয়ে আমায় দয়া
কর। বাড়ী গিয়ে কি ক'রে আমি এ কথা ব'লব! তারা যে
সবাই জানে, রেণু তোমার পুত্রবধূ! দোহাই তোমার—তোমার
পায় পড়ি দাদা—আমার উপর দয়া কর—

হুগা। ওঃ—অনাদি—অনাদি—আমি কি উত্তর দেব—কি বলব—আমি
কি ক'রব—

শশী। দাদা, দাদা, যদি উপায় না কর আমি তোমার পায়ের উপর
মাথা খুঁড়ে ম'রুব—আজ দু'বছর আসা যাওয়ার কি রকম জানা-
জানি হ'য়েছে তুমি ত সব জান—আমি কি ক'রে বাইরে মুখ দেখাব!

হুগা। শশী, ওঠ ভাই, তুমি আমার আবাল্য সহচর, প্রাণের বন্ধু! আমি
নরাদম, আমায় ক্ষমা কর—দয়া কর। পিতার মুখ যে পুড়িয়েছে—
পিতাকে যে অপদস্থ ক'রেছে—এমন অপদার্থ কুলদ্বারের হাতে যে
তোমার রেণু পড়েনি, সে তোমার পরম সৌভাগ্য। ভেবেছিলাম,
ওঃ, কত সাধ আমার মনে ছিল—আমার মাকে ব'ল যে, আমি তার
অভাগা ছেলে—আর—আর—আমি বড় অভাগা, আমায় তোমরা
ক্ষমা ক'র। (কণ্ঠস্বর রুদ্ধ হইয়া আসিল)

শশী। ওঃ—

১ম বন্ধু। আর এখানে দাঁড়িয়ে থেকে কি হবে! চল হে—নৌকায় উঠি গে'। ~~বুথেষ্ট~~ হ'য়েছে—আর কেন!

দুর্গা। আমার একটা অমরোদ্ধ—আমি আমার বা কিছু আছে—
স্বাবর অস্বাবর সম্পত্তি তোমার মেয়ের নামে দানপত্র ক'রে দিচ্ছি—
সেখানি আমার মায়ের বে'র সময় আমার হ'য়ে তাকে তুমি যৌতুক
দিও।

১ম বন্ধু। হাঃ হাঃ হাঃ হাঃ।

~~২য় বন্ধু~~। এইবারই হাসিয়েছেন মশায়। গাছের গোড়া কেটে আগায়
বেশ জল ঢালছেন ত! আপনার বাহাহুরী আছে!

~~১ম বন্ধু~~। শশী বাবুর মেয়ের বে দেবার টাকা যদি না জোটে, তবে
আপনার কাছে ভিক্ষা ক'রতে আসবেন বৈ কি! চল হে।

২ অনাদি। বাবু—বাবু—এই অসময়ে, এই অবেলায় যাবেন! রান্না বান্না—

~~২য় বন্ধু~~। সব হ'য়েছে। না? বাপু, তোমরা দেখছি কাণ কেটেও স্তব্ধ
নও, আবার ভুণের প্রলেপও দিতে চাও! চমৎকার ব্যবস্থা ত
তোমাদের! চল—

শশীকে টানিয়া লইয়া প্রস্থান করিল

দুর্গা। অনাদি—অনাদি—আমি কি ক'রব—বল! আমি কি ক'রব,
'দেওয়ালের গায়ে মাথা খুঁড়বো, না জানালা ভেঙ্গে লাফিয়ে পড়ব।
ওঃ, এমন অপমান—

দুই হাতে মাথাটা চাপিয়া ধরিলেন

৩ অনাদি। বাবু—বাবু—যা হ'বার হ'য়ে গেছে—এখন স্থির হ'ন—স্থির
হ'ন—

দুর্গা। অনাদি—অনাদি—আমার মাথা ঘুন্সছে—পা কাঁপছে—

অনাদি দুর্গাশব্দকে ধরিয়া বসাইলেন

৪ অনাদি। পাখা—পাখা একখানা—জল—জল—শ্রামা—শ্রামা—

প্রথম দৃশ্য

পথের শেষে

শ্রামা পাখা ও জল লইয়া আসিল। অনাদি দুর্গাশঙ্করের মাথায় জল
দিতে লাগিলেন এবং শ্রামা বাতাস করিতে লাগিল

দুর্গা। (কিছুক্ষণ পরে) শ্রামা—

শ্রামা। বাবু!

দুর্গা। (পুত্রের তৈলচিತ್ರের দিকে অঙ্গুলি নির্দেশ করিয়া) ঐ ছবিখানা
নামিয়ে আনত। (শ্রামার তথাকরণ) এখনই ওখানা আগুনে দিয়ে
পোড়াবি আর সেই ছাই এনে আমায় দেখাবি।

শ্রামা। যে আজ্ঞে।

শ্রামা অনাদির দিকে চাহিল। অনাদি ইঙ্গিত করিলেন

ছবি লইয়া শ্রামা প্রস্থান করিল

দুর্গা। শোন অনাদি আমার আদেশ, আজ থেকে আমার বাড়ীর
ত্রিসীমানার মধ্যে বা আমার জমিদারীর মধ্যে কেউ যেন সে
কুলদ্বারের নাম উচ্চারণ না করে। সে এ পরিবারের কেউ নয়—
আমার বংশের কেউ নয়। আমার পুত্র নেই—মরেছে মরেছে—

(টলিতে টলিতে প্রস্থান)

অনাদি। কি সর্বনাশ হ'ল! ত্রিশ বছর এ সংসারের নিমক খাচ্ছি।
যদি পিতা-পুত্রে আবার মিলন ঘটাতে পারি তবেই সে নিমকের
মর্যাদা রাখলুম, নইলে আমার জীবন ব্যর্থ। দেখি এখন বাবুকে যদি
কিছু খাওয়াতে পারি—এ বয়সে এত বড় আঘাত—সামলে উঠতে
পারলে হয়।

(অতি নম্রপণে যোগেশ ও তৎপশ্চাতে তাহার মাতা সুখদা প্রবেশ করিলেন)

যোগেশ। শুন্লে সব ?

সুখদা। হাঁ।

যোগেশ। কেমন, এই স্মরণ ?

সুখদা। স্মরণ ত—কিন্তু—

যোগেশ। কিন্তু!

সুখদা । তার সন্ধ্যাবহার ক'রবে কে !

বোগেশ । কেন আমি ?

সুখদা । তুমি ! এমন একটা জমিদারী তোমার ছিল না ! তুচ্ছ একটা স্ত্রীলোকের জন্ত এমন তুমি মেতে উঠলে যে, এক সর্ব্বনেশে মকদ্দমায় দু'দিনে তোমার সব ফাঁক—পথের ফকির হ'য়ে আজ তুমি মাতুলের অন্নদাস । আর তোমার গর্ভধারিণী আমি—আমি ভাইয়ের সংসারে বাদীর বাদী ।

বোগেশ । জমিদারী গিয়েছে বটে কিন্তু যে অভিজ্ঞতা পেয়েছি তা' দিয়ে এখন এমন বিশটে জমিদারী ক'রতে পা'রব মা ।

সুখদা । অভিজ্ঞতায় পেট ভরে না—অভিজ্ঞতায় পেট ভরে নি—অভিজ্ঞতায় পেট ভয়ছেও না । পেট ভয়তে চাই টাকা—বৈঁচে থাকতে চাই টাকা—শুধু টাকা ।

বোগেশ । আচ্ছা, এবার তুমি দেখে নিও । এবার একটা হিল্লো না লাগিয়ে আমি ছাড়ছি না—

সুখদা । দিনরাত নেশা ভাঙ্গে ডুবে থেকে ! ওঃ—বোগেশ, মামার দোরে দু'মুঠা ভাতের জন্ত পড়ে থাকতে তোর লজ্জা হয় না ! ভোর মা আজ দাসী বাদীর অধম হ'য়ে—তিন বেলা ভাইয়ের সংসারে হৈসেলের হাঁড়ী ঠেলছে—তোর শরীয়ে কি মানুষের রক্ত নেই !

বোগেশ । সে ত বা হবার হ'য়ে গেছে মা । এখন দাঁওটা বাতে লেগে যায় তার ব্যবস্থা কর ।

সুখদা । আমি ব্যবস্থা ক'রব !

বোগেশ । হাঁ মা তুমি । তুমি ইচ্ছা করলে দিনকে রাত ক'রতে পার । তোমার পায় পড়ি মা, এ সুযোগ যদি সরে যায়, তবে আমি প্রাণে বাঁচব না । চমৎকার সুযোগ মা, শুনলে ত মামাবাবু এ জন্মে আর নলিনীদার মুখ দেখবেন না—

দ্বিতীয় দৃশ্য

হুর্গাশঙ্করের কলিকাতার বাটী । দ্বিতলের একটা কক্ষ

উন্মুক্ত-দ্বারপথে ভিতর-বাটীর দিকে রেলিং দেওয়া বুল-বারান্দা

দেখা যাইতেছে । পার্শ্বের পড়বাড়ির জানলা বন্ধ আছে ।

অপর পার্শ্বের জানলা খোলা আছে—সে জানলা

দিয়া নিম্নের রাজপথ দেখা যায় । কক্ষটীতে

কয়েকপানা চেয়ার আছে—বেলা

নয়টার বেশী হয় নাই

পারুল ও তৎপশ্চাৎ তাহার অঞ্চল টানিতে টানিতে নলিনীর প্রবেশ

পারুল । ছাড়—ছাড়—আ হা হা—কি যে কর—

নলিনী । (সহাস্তে) কি করি ?

পারুল । এই দিনের বেলা—

নলিনী । আমি কি বলেছি যে এখন হুপুর রাত্রি—

পারুল । কেউ দেখবে—

নলিনী । ওঃ, তাই বল ! এই জন্ত আজ দু’দিন পাড়ার যত লোক

তোমার জানলার গোড়ায় আড়ি পেতে পড়ে আছে—

পারুল । কেন বিন্দে কি নেই—গোবিন্দ নেই—

নলিনী । থাকে থাক । আমি স্পষ্ট উত্তর চাই । তুমি তোমার ঐ

মাক্কাতার আমলের পচা পুরানো সাড়ে পাঁচ হাত ঘোমটা সহজে

খুলবে, না আমি লোকজন ডেকে জোর ক’রে খোলাব ?

পারুল । লোকজন ডাকবে কি—ও মা, সে কি !

নলিনী । কি ক’ল্প বল—তোমার ঐ ঘোমটা-রাক্সসীকে দেখে দেখে

আমার হৃদরোগ হ’বার উপক্রম হয়েছে—আজ ওকে গঙ্গাপার ক’রে

তবে আমার অন্ত কাজ ।

পারুল । ওগো তোমার পায়ে পড়ি—আমার যে ভারী লজ্জা করে—

নলিনী । বে'র আগে এ লজ্জা কোথায় ছিল—তখন ত—

পারুল । যাও—আমি কিছু চলে যাব—

নলিনী । যাও দেখি—

পারুল । ধরে রেখেছ যে—

নলিনী । দেখ, এখনও ঘোমটা খোল বলছি । তা' না হ'লে—

পারুল । আমার বড় লজ্জা করে—আমি পারব না ।

নলিনী । পারবে না ? আমি আজ কিছুতেই ছাড়ব না । ঐ বিন্দেকে

ডাকব,—গোবিন্দকে ডাকব—

পারুল । ওমা ! সে কি !

নলিনী । খুললে না এখনও ! ডাকি—তবে ডাকি ! ও—ও—ও—

পারুল । কর কি ! কর কি ! তোমার পায়ে পড়ি ।

নলিনী । পায়ে পড়লে কি হবে । আজ আমি একটা কাণ্ড বাধাবই ।

ওরে—ও বিন্দে—ও—

পারুল । না—না—এই যে—এই যে—

নলিনী । এই দেখ দেখি । এমন মুখখানি কি ঢেকে রাখ'বার !

পারুল । যাও—তুমি বড় দুষ্ট—

নলিনী । পারুল !

পারুল । কি ?

নলিনী । তোমার দাদার জন্ত বড় মন কেমন করে—না ?

পারুল । তুমি কাছে না থাকলে আরও বেশী ক'রত ।

নলিনী । স্বর্গের দেবতা সে, স্বর্গে গিয়েছে । তার কথা ভাবলে তার

আত্মা কিছু কষ্ট পাবে । মহা-শাস্তিতে সে গিয়াছে—দেখেছিলে

না, ম'রবার সময় কি শাস্তির হাসি তার চোখে মুখে কুটে

উঠেছিল—

পারুল । সে হাসি ত তাঁর মুখে তুমিই স্কটিয়েছিলে ।

নলিনী । আমি !

পারুল । হাঁ—তুমি । তুমি যদি এ অভাগিনীকে চরণে স্থান না দিতে তবে
মরণের পরপারে গিয়েও কি তাঁর আত্মা শাস্তি পেত ! ও, কথায় ভুলিয়ে
আমায় এতক্ষণ আটকে রেখেছ—কি হুঁতু তুমি ! ছাড়—ছাড়—

নলিনী । ছাড়তে পারি এক সৰ্ত্তে—

পারুল । কি ?

নলিনী । আর কখনও আমার কাছে অত বড় ঘোম্টা দিয়ে আসবে না—

পারুল । সে কিন্তু যখন আমরা একলা থাকব ।

নলিনী । হাঁ, যখন আমরা দু'জনে একলা থাকব । কি রাজী ?

পারুল । হুঁঃ—

নলিনী । ঠিক ত ?

পারুল । খুব ।

নলিনী । আচ্ছা যাও । কি, হাঁফ ছেড়ে বাঁচলে ? ওকি, উহুঃ, না
না অতখানি নয়, এদিকে এস, আমি দেখিয়ে দিচ্ছি । এইটুকু, এর
বেশী নয় কিন্তু—

পারুল । তাহ'লে এইবার ছুটি—

নলিনী । আচ্ছা, মঞ্জুর । আমিও একবার বেরোব—

পারুল । এত বেলায় আবার কোথায় বেরোবে ! রান্না কিন্তু হ'য়ে গেল
—কালকের মত দেরি ক'র না—সকাল সকাল এস ।

নলিনী । এই ত ! লজ্জার বাঁধ ভেঙ্গে দিয়ে ত ভাল করি নি । এই ত
শাসন শুরু হ'ল—

পারুল । যাও ।

হাসিতে হাসিতে নলিনী কক্ষের বাহিরে গেল ও বারান্দায় দাঁড়াইয়া পাথের গবাক্ষের
খড়খড়ি খুলিয়া পারুল কি করে দেখিতে লাগিল । পারুল নলিনীর
গমনপথে ক্ষণকাল চাহিয়া থাকিয়া বলিল—

১. দেবতা, তুমি যদি দয়া ক'রে চরণে স্থান না দিতে, তবে শ্রোতের তৃণের
মত ভাসতে ভাসতে কোথায় যেতাম কে জানে !

ও গড় হইয়া নলিনীর উদ্দেশে প্রণাম করিল

নলিনী । (হো হো করিয়া উচ্চ হাসিয়া উঠিয়া বলিল) আমি সব
শুনেছি—সব দেখেছি—

পারুল । (থতমত হইয়া) এঁয়া—এ সব কিন্তু ভারী অশ্রায়—

নলিনী । (বাহিরে দাঁড়াইয়া দরজার ভিতরে মুখ বাড়াইয়া) বাঃ—

রাগ্লে যে আরও চমৎকার দেখায়—

পারুল । যাও, সত্যি বলছি কিন্তু—

নলিনী । এবার সত্যি যাচ্ছি কিন্তু—

প্রস্থান

পারুল । কি লজ্জা ! সব দেখে ফেলেছেন—আর এত দুষ্টু!—আজ
আমি কিছুতেই কথা বলব না—কাছেও যাব না—

নেপথ্যে রাধা গাহিয়া উঠিল—

ব্রজরাজ নন্দন পদ্মাবন ধন

মণ্ডিত মালতী মালে—

কে গাইছে ?

(নেপথ্যে—নলিনী । ওরে ও ~~কি~~, বষ্টুমীকে ~~উপরে~~ পাঠিয়ে দেত ।

একা আছে ।

~~কিন্তু~~ । এমন অসময়ে বেরুচ্ছ বাবু ?

নলিনী । এখনই ফিরব রে ~~কিন্তু~~ ৫৫.

~~কিন্তু~~ । ওগো ও বষ্টুমী, ~~কিন্তু~~ যাও—

রাধা । কোন পথে গা ?

~~কিন্তু~~ । ঐ সোজা চলে যাও—

পারুল । এতক্ষণ রাত্তায় বেরিয়েছেন—জানালা দিয়ে ত দেখা যায় ।

(জানালা খুলিয়া দেখিয়া)—ওমা ! ছি ! ছি ! আমি কি জানতুম
যে তিনিও পেছন কিরে তাকাবেন ! দুই দুইবার ধরা পড়লেন—

দ্বার সম্মুখে আসিয়া রাধা বলিল—

কই গো গিন্নীমা—গিন্নীমা গেলেন কোথায় ? কই গো বি,
তোমাদের গিন্নীমা কোথায় ? (পারুল রাধার কথা শুনিয়াই
লম্বা ঘোমটা টানিয়া দিয়া একপাশে সরিয়া দাঁড়াইয়াছে ।)

(নেপথ্যে—~~স্বামী~~) ঐ ত উপরেই আছেন । ~~কোন্না~~ ~~সাজা~~ ~~দাঁড়া~~ ~~না~~ বাছা)

রাধা । তুমি এই বাড়ীর গিন্নী নাকি ? নূতন গিন্নীপনা বুঝি—তা' বুঝেছি,

তা' ভাই আমি মেয়ে মানুষ তায় ভিখিরি—আমার কাছে অত লজ্জা

কেন ? (পারুল ঘোমটা খুলিল) বাঃ—বড় সুন্দর ত তোমার মুখখানা—

পারুল । নিজের মুখখানা আরশীতে বুঝি কখনও দেখ নি ! তুমি

দোরগোড়ায় দাঁড়িয়ে রইলে—ভিতরে এস না ভাই—

রাধা । না ভাই, এই বেশ আছি ; তুমি গান শুন্বে না ?

পারুল । গাও—

রাধার গীত

ব্রজরাজ-নন্দন

বৃন্দাবন ধন

মণ্ডিত মালতী মালে ।

অগুরু চন্দন

তম্বু ঘন লেপন

শিরে শিখণ্ডক দোলে ॥

খঞ্জন গঞ্জন

কমল লোচন

চন্দ উজোরি লহ হাস ।

অবণে চকল,

মকর কুণ্ডল,

পিকান পিণ্ডল বাস ॥

বিদ্বাধর পর,

মুরলী উচর

সাধা রাধা বুলি বুলে ।

রাজা উৎপল,

চরণ যুগল,

মঞ্জুল মঞ্জলি খেলে ॥

পারুল। বাঃ কি মিষ্টি গলা ! তোমার বৈষ্ণবও এসেছেন না কি ?

রাধা। আমি নিজেই যে বৈষ্ণবী নই—বৈষ্ণব পাব কোথায় ?

পারুল। আচ্ছা ভিখারিণী, তোমার ভিখারী আছেন ত ?

রাধা। আমার স্বামীর কথা জিজ্ঞাসা ক'রছ—তিনি ভিখারী হবেন কেন ? তিনি যে রাজ-রাজেশ্বর ।

পারুল। তোমার কথা ত আমি বুঝতে পারছি না। এস না ভাই ঘরের ভিতর ।

রাধা। আমার যে জাত গিয়েছে—

পারুল। তা বাক্, আমার ঘরে এমন কিছু নেই যা তুমি এলে অপবিত্র হবে। এস—

রাধা। দেখ ভাই গিন্নী, বাড়ী বাড়ী যাই—দোরগোড়ায় দাঁড়িয়ে গান গাই—কেউ অনুগ্রহ ক'রে একটা আধটা কথা বলে, কেউ মুখ ফিরিয়ে চলে যায়—দয়া ক'রে যে যা দেয়, নিয়ে চলে আসি। তোমার মত এমন জুলুম ক'রতে ত কাকেও দেখি নি—

পারুল। আমি যে ভাই নূতন গিন্নী, এখনও ত গিন্নীপনা শিখতে পারি নি—

রাধা। যদি না শিখতে পার,—শিখ না ;—প্রাণটা এমনি কাঁচা থাক্। গরীবের উপর এমনি দরদ চিরকাল রে'খ ।

পারুল। কই তুমি এলে না ।—

রাধা। তবে এ ভিক্ষের ঝোলাটা দোরগোড়ায় রেখে আসি। এটা সঙ্গে থাকলে ত আমি তোমার সঙ্গে মন খুলে আলাপ ক'রতে পারব না। ও কেবলই খোঁচা দিয়ে আমায় মনে করিয়ে দেবে যে, তোমাতে আমাতে স্বর্গ মর্ত্য পার্থক্য—তুমি স্বামী সোহাগিনী—স্বামীর আদরিণী—গৃহের অধিষ্ঠাত্রী দেবী, গৃহিণী—আর আমি অনাগিনী, কান্ধালিনী—পথের ভিখারিণী—

রাধা দ্বারের নিকট ঝুলি রাখিয়া ঘরের মধ্যে প্রবেশ করিল আর পারুল একখানি

আসন পাতিয়া তাহাকে বসিতে দিল ও অপরখানায় নিজে বসিল

পারুল। এখানে ব'স—

রাধা। তুমি যে আমায় জামাইয়ের আদর আরম্ভ ক'রলে—

পারুল। মনের কথা ব'লবার একটা লোক না পেয়ে এ ক'দিনে প্রাণটা

আমার হাঁপিয়ে উঠেছে—ভগবান আজ তোমায় মিলিয়ে দিয়েছেন

বদি, তোমায় আমি সহজে ছাড়ছি না—

রাধা। আমি ভিখারিণী আর তুমি রাজরাণী ; এ তুমি ব'লছ কি !

পারুল। রাজরাণী হ'য়েছি ত আমি মাত্র আজ ক'দিন—আমিও যে ভাই,

গরীবের মেয়ে—গরীবের বোন। দেবতা দয়া ক'রে, পায়ে ঠাই

দিয়েছেন তাইত—নইলে আমারও যে কি অবস্থা হ'ত—কে জানে !

রাধা। অতীত কথা কি কার' মনে থাকে, না কেউ মনে রাখে ! তুমি

যে ভাই অদ্ভুত ! গরীবের মেয়ে রাজার ঘরে পড়লে আগেকার কথা

সে যে ইচ্ছা ক'রে ভুলে যায়, গরীব দুঃখীদের সে যে স্মরণ করে।

পারুল। তা কি হয় !

রাধা। তার মনে সদাই থাকে একটা ভয়, পাছে সে যে গরীবের মেয়ে

এ কথা কেউ জানতে পারে বা বলে ফেলে !

পারুল। তোমার বয়স কি ভাই ?

রাধা। এই ষোল। তোমার ?

পারুল। এই চৌদ্দ। তাহ'লে ত আমরা প্রায় সমবয়সী। ভাবটা বেশ

জমবে। কি বল ? তোমার নামটা কি ভাই !

রাধা। রাধা। তোমার ?

পারুল। পারুল।—আমি ভাই তোমায় কিন্তু রাধা ব'লে ডাকব,

কি বল ?

রাধা। যা তোমার ইচ্ছা। আমি কিন্তু তোমায় নূতন গিন্নী ব'লে ডাকব।

পারুল। আবার ও ‘গিন্নী’ কেন! তুমি আমার নাম ধরেই ডেক—
রাধা। তা কি হয় ভাই—চাকর চাকরাণী সব র’য়েছে—তারা কি মনে
ক’বে—আমি যে ভিখারিণী।

পারুল। হাঁ ভাই রাধা, এই কাঁচা বয়সে, এত রূপ নিয়ে ভিক্ষা ক’রতে
বেরিয়েছো—তোমার ভয় করে না?

রাধা। ভয়! একদিন সে আমায় বড্ড ভয় দেখিয়েছিল, এখন আমার
সাহস দেখে, সে নিজেই ভয় পেয়ে পাণিয়েছে।

গীত

আমার নাই ভয়ের বালাই।

অভয়ার পদ হৃদে ধরি,

ভয়কে কি আর আমি ডরাই ॥

ঝড় তুফানে বেজায় নাকাল,

মাঝ দরিয়ায় ছেড়েছি হাল,

(তারপর) কালী ব’লে দিয়ে ঝাপ, (আমি) ভয়ের মুখে দিছি ছাই ॥

পারুল। এমন গান আমি কখনও শুনিনি—

রাধা। তোমার মত এমন সমজ্জদার শ্রোতাও আমার আর জোটে নি।

—তুমিইত দেখছি গিন্নী, তোমার স্বপ্তর শাস্ত্রী নেই?

পারুল। শাস্ত্রী নেই—স্বপ্তর দেশে আছেন। আমার খবর ত সবই
নিলে, তোমার কথা ত আমায় কিছু বললে না—

রাধা। আমার কথা! সে যে এক উপভাস—বলতে ত অনেক সময়
লাগবে।

পারুল। তা লাগুক না—আমার ত কোন কাজ নেই। তিনি বাইরে
গেছেন—বতকণ না ফিরছেন—আমার ছুটি।

রাধা। আচ্ছা, তবে শোন। তোমরা কি জাত?

পারুল। কায়স্থ। তোমরা?

ধা। আমিও কায়স্থের মেয়ে। আমারও শাক বাজিয়ে উলুধ্বনির মাঝে বিয়ে হ'য়েছিল—আমিও স্বামীর ঘর ক'রতাম—আমারও গোলাভরা ধান ছিল—গোয়ালভরা গরু ছিল। শান্তুড়ী মেয়ের অধিক ব্রহ্ম ক'রতেন, ননদেরা বোনের মত ভালবাসত। আর স্বামী?—তঁার সোহাগ পেয়ে, আমার এ নারী-জন্মও সার্থক হ'য়েছিল। ভোরে ঘুম থেকে উঠতাম, আমার ছোট উঠানখানি মেজে ঘষে ঝকঝকে ক'রতাম—নিজের হাতে রেঁধে সকলকে খাওয়াতাম—শান্তুড়ীকে রামায়ণ পড়ে শুনাতে শুনাতে অশোক-বনে রাক্ষসী বেষ্টিতা মা জানকীর দুঃখে অশ্রু বিসর্জন ক'রতাম—বিকালে আমার ছোট বাগানখানিতে দোপাটী ফুলের চারায়, গাঁদার চারায় সন্নেহে জল দিতাম, ননদদের চুল বেঁধে আদর ক'রে টিপ পরাতাম আর সন্ঝের বেলায় প্রদীপ জ্বলে তুলসীতলায় স্বামীর মঙ্গলের জন্য দেবতাকে প্রণাম ক'রতাম। চোখের পলকে এমনি সুখে জীবনের দু'টা বৎসর আমার কেটে গেল। (রাধা থামিল)

ক্ল। তারপর? (রাধা স্তব্ধ হইয়া রহিল—তাহার মন যেন কোন স্বপ্নরাজ্যে বিচরণ করিতেছে) তারপর কি হ'ল? (রাধা পূর্ববৎ নিরুত্তর) রাধা—ও রাধা—

ধা। হাঁ—(দীর্ঘশ্বাস) এমনি সুখে এ অভাগিনীর দু'টা বছর কেটে গেল। অত সুখ, অত শান্তি, অত তৃপ্তি, অত আনন্দ—বা স্বয়ং ক'রতেও আজ আমার দেহ মন পুলকিত হয়—আমার এ অভিশপ্ত জীবনে সহিবে কেন? এইমাত্র তুমি আমার কাঁচা বয়সের কথা বললে না—ঐ বয়সই আমার কাল হ'ল। এই ছার রূপ আর যৌবন আমাকে বৈকুণ্ঠ ভ্রষ্ট ক'রল—আমার উপর আমাদের দুঃচারিত্র মাতাল জমিদার-নন্দনের কুপাদৃষ্টি প'ড়ল। সঙ্গে সঙ্গে আমার কাছে দু'চারখানা উড়ো চিঠি আসতে আরম্ভ হ'ল—পদী নাগেন্দ্রী টাকার

খতি নিয়ে টাকা বাজিয়ে বাজিয়েও কয়েকদিন চলাফেরা ক'রল ; অবস্থা গুরুতর দেখে আমি আমার স্বামীকে ও শাশুড়ীকে সব বলে দিলাম । তাঁরা পদীকে একদিন খুব শাসিয়ে দিলেন । কয়েক দিন তারা কোন উচ্চবাচ্য ক'রল না—আমরাও মনে ক'রলাম যে মেঘ বৃষ্টি কেটে গেল । কিন্তু মেঘ ত কাটেনি—সে শুধু ভিতরে ভিতরে জমাট বাঁধছিল—পিতার মৃত্যুর পর জমিদারী হাতে পেয়েই একদিন রাত্রে সেই নর-পিশাচ আট দশ জন পাইক নিয়ে বেড়া কেটে আমাদের ঘরে ঢুকে আমার সেই স্নখনীড় থেকে আমাকে জোর ক'রে ছিনিয়ে নিয়ে গেল—স্বামী বাধা দিতে গেলেন—একজন পাইক তাঁর মাথায় লাঠি মারল—তিনি অজ্ঞান হ'য়ে পড়ে গেলেন ।

পারুল । সর্বনাশ ! শুনতেও যে গায়ে কাঁটা দেয়—তারপর—তারপর ?
রাধা । পাইকেরা ঘাড়ে ক'রে আমায় এক মাঠের মাঝখানে নিয়ে গেল—আমি মূর্ছিত হ'য়ে প'ড়লাম—

পারুল । আ হা হা !—

রাধা । জ্ঞান হ'লে দেখলাম, আমি আমার বড় সাধের উঠানে শুয়ে আছি—স্বামী দাওয়ার উপর মাথায় হাত দিয়ে বসে আছেন—শাশুড়ী বুক চাপড়ে আর্তিনাদ ক'রছেন—ননদেরা ফ্যাল ফ্যাল ক'রে আমার দিকে কাতর-নয়নে তাকাচ্ছে আর চোখের জল ফেলছে, আর গ্রামের মাতব্বর মশাইরা উঠানের চারিপাশে জটলা ক'রছেন ; কিছুক্ষণ পরে আমাকে হাঁসপাতালে নিয়ে গেল—মকর্দমা হ'ল । জমিদারের ছেলে প্রথমে জমিদারী বন্ধক দিলেন—পরে বিক্রী ক'রলেন—হাজার হাজার টাকা জলের মত বিতরণ হ'ল—দিন রাত হ'য়ে গেল—সাক্ষীদের পেট ভ'রল—আর সঙ্গে সঙ্গে প্রমাণ হ'য়ে গেল যে আমি জন্ম জন্ম ভ্রষ্টা, দুশ্চরিত্রা, স্বেচ্ছায় পরপুরুষের সঙ্গে গৃহত্যাগ ক'রেছি ।

পারুল । এঁ্যা ! সে কি !

রাধা। বিচারক ঘটনাটা বুঝেছিলেন—তঁার বিশ্বাসও হ'য়েছিল—কিন্তু
প্রমাণ কোথায়? আসামীর খালাস পেল—আমারও স্বামীর ঘরের
দরজা চিরদিনের জন্য বন্ধ হ'ল।

পারুল। সে কি! কেন—কেন!

রাধা। মকদ্দমার সময় লোকজন নিয়ে একটা বাড়ী ভাড়া করে আমার
স্বামী জেলায় থাকতেন। হাঁসপাতাল থেকে বেরিয়ে এসে আমিও
কয়েকদিন সেখানে ছিলাম—মকদ্দমা শেষ হ'লে তঁার বাড়ী যেতে
হ'ল। যাবার সময় আমায় বল্লেন—“সবইত বুঝতে পারছ—বুড়ো
মা গলায়, কতকগুলো অবিবাহিতা ভগিনী—গায়ের সবাই তোমায়
বাড়ী নিতে অমত ক'রছেন। সংসারে বাস ক'রতে হ'লে সমাজকে
ত আর অমান্য করা যায় না।” কথাটা শুনে আমার মাথা ঘুরে
গেল—ব'সে পড়লাম—তারপর তঁার পা ছ'খানি জড়িয়ে ধরে কেঁদে
ব'ললাম—কি অপরাধে আমায় ত্যাগ ক'রে যাবে—অন্তে না জাহ্নুক,
তুমি ত জান, আমার কোন দোষ নেই।

পারুল। তিনি কি ব'ল্লেন?

রাধা। ঘুরিয়ে ফিরিয়ে ঐ একই কথা। বুড়ো মা গলায়—অবিবাহিতা
ভগ্নী, সমাজকে কি ক'রে অমান্য করি।

পারুল। তারপর—

রাধা। তঁারা সব নোকায় উঠলেন—আমি একবস্ত্রে রাস্তায় দাঁড়ালাম।

পারুল। বিনা অপরাধে তোমায় ত্যাগ ক'রলেন?

রাধা। বিনা অপরাধে! পরপুরুষে অঙ্গস্পর্শ ক'রেছে—ধর্মনষ্ট হ'য়েছে
—আর কি অপরাধ চাও!

পারুল। তুমিত স্বেচ্ছায় আত্মদান কর নি—

রাধা। সে কথা কে ভাবে! কে দেখে! সমাজ গম্ভীর হয়ে ব'ল্লেন
—‘ত্যাগ কর’—স্বামী লক্ষ্মীছেলের মত ত্যাগ ক'রলেন।—বাস্।

পারুল। আর একটা জন্ম তোনার ব্যর্থ হ'ল।

রাধা। ব্যর্থ হবে কেন! ইচ্ছা ক'রলেই সার্থক ক'রতে পারি—

পারুল। কি ক'রে?

রাধা। কেন? বাজারে রূপের পশরা খুলে যদি বসি, তাতে স্বামীর মুখ উজ্জল হবে না—সমাজের মেরুদণ্ড সুদৃঢ় হবে না—আমার জীবন সার্থক হবে না! আত্মহত্যা বা বেষ্ট্রাবৃত্তি এ ভিন্ন আমার যে আর কোন পথ নেই, এ ত সমাজও জান্তেন,—স্বামীও জান্তেন—তবুও একবস্ত্রে আমার রাস্তায় দাঁড় করিয়ে নিরুদ্বেগে তাঁরা নৌকা ভাসালেন।

পারুল। অথচ স্ত্রীকে রক্ষা ক'রবার শক্তি এদের নেই।

রাধা। স্ত্রীকে ত্যাগ করা বত সহজ, রক্ষা করা ত তত সহজ নয়। তাতে প্রয়োজন হয় পুরুষত্ব—দেহের তাজা টকটকে রাস্তা রক্ত।

পারুল। তারপর তুমি কি করলে?

রাধা। মনের দুঃখে ভাই ম'রতে গিয়েছিলাম—গলায় ইট বেঁধে গলাজলে নেমেছিলামও—ডুব দেব দেব ভাবছি, এমন সময় পাড় থেকে কে ডেকে ব'ললে—“মরেছিষ্ কি হেরেছিষ্ মা, জিততে যদি চাস্, যদি কিছু জমা ক'রে যেতে চাস্—আমার সঙ্গে আয়।” পেছন ফিরে চেয়ে দেখি জগা-পাগলা—

পারুল। জগা-পাগলা! কে সে?

রাধা। মাঝে মাঝে সে আমাদের গাঁয়ে আসত; কোথায় থাকতো কি করত—তা কেউ জানে না। সবাই তাকে জগা-পাগলা ব'লে ডাকত! ঝি বৌ সবাই তার সঙ্গে আলাপ ক'রত—আর সে সকলকে মা ব'লে ডাকত। তার গান শুন্তে পেলে লোকে জান্ত যে, সে গাঁয়ে এসেছে, আর সবাই ঘরে বা কিছু ভাল থাকত, তাই তাকে খাওয়াত।

পারুল। তারপর?

ন—আমি গোবিন্দকে পাঠিয়ে দিচ্ছি—তাড়াতাড়ি চান কর। আমি
থাবার জায়গা ক'রছি—

নলিনী। তার জন্ম ~~মন্ডল~~ আছে—ঠাকুর আছে—তুমি শুধু আমার
কাছে থাকবে।

পারুল। তা বৈ কি ! তার চেয়ে এক কাজ কর—আজ্ঞার মত বকে
পিঠে তুলো দিয়ে মোড়ক ক'রে আমায় তোমার পকেটে তুলে
রাখ ! রাঁধতে ত দেবে না—পরের রাঁধা দু'টা শুছিয়ে সাজিয়ে
তোমার সামনে থালা থানা দেব, তাতেও যদি বাদী হও তবে আমি
তোমার পায়ের উপর মাথা খুঁড়ে মরব ; আমি কিন্তু তা ব'লে দিচ্ছি।
আমি গরীবের মেয়ে—অত বাবুয়ানা আমার সহিবে না। প্রস্থান

নলিনী। শোন—শোন। বেজায় রেগেছ ! সরোজ আমায় কি অমূল্য
বস্তু দিয়েছে ! রেণুকে বিবাহ করিনি বলে বাবা অসন্তুষ্ট হ'য়েছেন,
কিন্তু পারুলকে একবার দেখলে বাবা নিশ্চয় পারুলকে ভালবাসেন !

মানের উপকরণ তেল, সাবান, তোয়ালে প্রভৃতি নইয়া

গোবিন্দের প্রবেশ

নলিনী। কি গোবিন্দ ?

গোবিন্দ। দিদিমণি ব'লে দিয়েছে, যে ভাত ঠাণ্ডা হ'য়ে বাচ্ছে ; তোমাকে
এখনই তেল মাখতে হবে।

নলিনী। (স্বগত) এ যে বড় কড়া শাসন দেখছি। কি আহান্নাকিই
ক'রেছি লজ্জাটা ভেঙ্গে দিয়ে। (প্রকাশে) কি বল্লে গোবিন্দ,
তোমার দিদিমণি ব'লে দিয়েছে—তবে ত তেল মাখতেই হবে।

তবে আর দাঁড়িয়ে কেন, এস—লেগে যাও, তেল মাখাও—

গোবিন্দ। গায়ে যে জামা র'য়েছে—তেল মাখাব কি ক'রে !

নলিনী। ওঃ—তাই বল। তোমার দিদিমণি বুঝি জামার উপর তেল
মাখাতে ব'লে দেয় নি—

গোবিন্দ । (~~অপ্রতিভভাবে~~) না—

নলিনী । তবে জামাটা খুলে ফেলি—কি বল ? (~~জামা খুলিতে~~
 ~~ঝাঙ্কিলেন ও বসিলেন~~) গোবিন্দ—ডাক এসেছে ?

গোবিন্দ । ডাকওয়ালা এসেছিল—চিঠি নেই ।

নলিনী । এঁ্যা—আজও চিঠি নেই ! তাইত—পারুলকে একবার
 দেখেও যদি বাবা রাগ ক'রতেন ? শশিকমলবাবুর কন্ঠাকে বিবাহ
 না ক'রে আমি অপরাধী সন্দেহ নেই । কিন্তু সরোজের সেই অন্তিম
 প্রার্থনা যদি আমি না রাখতাম, তবে আমার পক্ষে সেটা কত বড়
 হৃদয়হীনতার কার্য্য হ'ত—

গোবিন্দ । তেল মাখাব ?

নলিনী । এঁ্যা—ওঃ, হাঁ—

নেপথ্যে—যোগেশ । বাড়ীতে কে আছ ?

নলিনী । কে ডাকলে ? যোগেশ না ? যোগেশ !

নেপথ্যে—যোগেশ । হাঁ, আমি । ~~উপরে~~ আসব ?

নলিনী । হাঁ—এস—। তাই চিঠি আসেনি । চিঠি পেয়েও পাছে
 আমি লজ্জায় বাড়ী না যাই, তাই আমাদের নিয়ে যেতে যোগেশকে
 পাঠিয়েছেন । আমি হাজার অপরাধ ক'রলেও বাবা কি আমার
 উপর রাগ ক'রতে পারেন ।

যোগেশের প্রবেশ

এই যে—এস । কতক্ষণ এসেছ ?

যোগেশ । এই ত আসছি ।

নলিনী । এই আসছ ! তোমার যে একঘণ্টা আগে আসা উচিত ছিল ।

Train কি আজ এতটা late ?

যোগেশ । Train ঠিক সময়ই এসেছে ।—

নলিনী । তবে ? এতক্ষণ কোথায় ছিলে ?

যোগেশ। সে গেরোর কথা আর বল কেন! আসব আমি একা,
দেওয়ানজী বায়না ধ'ল্লেন, তিনিও আসবেন।

নলিনী। বেশ ত, কাকাকে সঙ্গে ক'রে এনেছ ত! বুড়ো মানুষ,
গন্ধান্নান ক'রে যাবেন।

যোগেশ। না এসে কি আর ছেড়েছে—সারাটা পথ বিড়ির বিড়ির
ক'রে আমার হাড় মাংস চুষে খেয়েছে। তারপর এই শিয়ালদহ
ষ্টেশনে নেমে আমাকে ব'ল্লে যে দাঁড়াও আমি আসছি! আমি
দাঁড়িয়ে আছি ত দাঁড়িয়েই আছি—বুড়োটার আর খোঁজ খবর
নেই। ঘণ্টা খানেক দাঁড়িয়ে দাঁড়িয়ে পায়ে বখন খিল ধ'রে গেল,
তখন আস্তে আস্তে রওনা দিলেম।

নলিনী। তাঁকে কোথায় রেখে এলে?

যোগেশ। কে জানে গিয়েছে কোন চুলোয়!

নলিনী। তাই ত, এখনও তিনি আসছেন না! হাঁ যোগেশ, বাবা
ভাল আছেন ত?

যোগেশ। হঁ।

নলিনী। তাঁর পায়ের সে বেদনা সেরেছে ত?

যোগেশ। হাঁ—

নলিনী। খাওয়াটা বড় কমে গিয়েছিল—আবার ছুটি খেতে পারছেন ত?

যোগেশ। হঁ।

নলিনী। বিয়ের কথা শুনে প্রথমটা বুদ্ধি বাবা খুব রেগেছিলেন?

যোগেশ। দেওয়ানজী আসছেন, তার মুখেই সব শুনতে পাবে।

নলিনী। কই, কাকাতো এখনও এলেন না! ভাবনার কথা হ'য়ে

দাঁড়াল—বুড়োমানুষ! তুমি বস, বিশ্রাম কর, আমি একবার ঘুরে

দেখে আসি! (উঠিয়া জামা পরিবার উদ্যোগ করিতেছেন ঠিক সেই

—সময় নেপথ্যে অনাদি—‘খোকাবাবু বাড়ী আছ?’)

দ্বিতীয় দৃশ্য

পথের শেষে

নলিনী। ঐ যে কাকা এসেছেন। আছি—কাকা, ^{হুঁত}~~কাকা~~ আনুন।
গোবিন্দ শীগ্গির যা, কাকাকে ~~কাকাকে~~ নিয়ে আয়—না, আমিই যাচ্ছি।

বাস্তু ভাবে প্রস্থান

যোগেশ। (পকেট হইতে সিগারেট বাহির করিয়া তাহা ধরাইয়া)
এখন শুভম্ভ শীঘ্রং ক'রে কাজটা সেরে মামাবাবুকে তার ক'স্মতে
পারুলে বাঁচি। আমার তার না পেলো আবার তিনি জলম্পর্শ
কস্মবেন না।

অনাদির হাত ধরিয়া নলিনীর প্রবেশ

নলী। 'আমায় একটা সংবাদ দিলেন না কেন, আমি ষ্টেশনে
থাকতাম। কত কষ্ট হ'য়েছে আপনার! গোবিন্দ, শীগ্গির পাখা
আন, দে আমার কাছে। (~~গোবিন্দের নিকট হইতে পাখা লইয়া~~
~~অনাদিকে বাতাস~~)

১ অনাদি। দাও বাবা আমায় দাও।

নলিনী। কেন কাকা, আপনি শ্রান্ত, আমি না হয় একটু বাতাস করি।
তাতে দোষ কি? আপনি বসুন।

২ অনাদি। (স্বগত) কি মহৎ অন্তঃকরণ! এই সোণার চাঁদ ছেলে, ওঃ,
কোন প্রাণে আমি সে সব কথা বলব!

নলিনী। একথানা গাড়ী ক'রে এলেন না কেন! এই রোদে—আপনার
মুখখানা একেবারে শুকিয়ে গেছে, বড় কষ্ট হ'য়েছে।

৩ অনাদি। এইটুকু পথ ত, এর জন্ত আবার একথানা গাড়ী ক'রে খামকা
কেন কতকগুলি পয়সা খরচ ক'রব।

নলিনী। জামাটা খুলে ফেলুন! (জনাস্তিকে) যোগেশ, তুমি কাকার
সামনে সিগারেট টানছ? তোমার হ'ল কি! ছিঃ ছিঃ ছিঃ—

যোগেশ। (জনাস্তিকে) রেখে দাও তোমার ছিঃ ছিঃ ছিঃ! ও সব
ভক্ত বিটেলি আর ভণ্ডামী আমার ধাতে নয় না।

নলিনী। (জনান্তিকে) ভণ্ডামী কি ব'লছ তুমি ! তোমার কি মাথা
খারাপ হয়েছে !

যোগেশ। (স্বগত) তোমার মাথা খাব কিনা তাই। (প্রকাশ্যে) বেশ
মশাই, খুব ভদ্রতা শিখেছেন বা হ'ক !

নলিনী অবাক হইয়া যোগেশের মুখের দিকে তাকাইয়া রহিল

১৭ অনাদি। কেন বাবাজী ?

যোগেশ। আমায় ষ্টেশনে দাঁড় করিয়ে রেখে, নিজে গিয়ে ঘণ্টাখানেক
ব'সে বেশ চা রুটীর আদ্ব ক'রে এলেন।

১৮ অনাদি। নারায়ণ ! নারায়ণ !

নলিনী। যোগেশ রাত্রে বোধ হয় তোমার ঘুম হয় নি ! যাও, চান
ক'রে এস। কাকা কি কোনদিন চা রুটী স্পর্শ করেন ! তাঁর
আহ্নিকও ত এখনও হয় নি !

১৯ অনাদি। বাবু, আমার মা লক্ষ্মী কই ?

নলিনী। গোবিন্দ বলগে' যা কাকা এসেছেন, শীগ্গির তাঁর আহ্নিকের
বায়গা ক'রে দিতে হবে। কাকা, বাসায় একজন ভদ্রবরের বাঙ্গালী
বায়ুন আছে, তার হাতে থাকেন ত ?

২০ অনাদি। বাবার আগে গঙ্গায় একটা ডুব ত দিয়েই বাব ! নেহাত
উড়ে টুড়ে না হয়—

নলিনী। গোবিন্দ শীগ্গির যা।

গোবিন্দের প্রস্থান

—রাত্রে ত থাওয়া হয় নি—এত বেলায় কি গঙ্গায় যাবেন ? আজ
বাড়ীতে চান ক'রে কাল গঙ্গায় গেলে চ'লবে না ?

২১ অনাদি। নাঃ আজ আর গঙ্গায় যেতে পারছি কই !

নলিনী। তবে আর দেবী না ক'রে, চান্টা সেরে নিন—যোগেশ, তেল
মাখ ভাই।

যোগেশ। দেওয়ানজী মশাই, তেল ত খুবই মাখ্ছেন! তারপর?
১২ অনাদি। সময়ে সব হবে।

যোগেশ। সময়ে সব হবে! মুখে ত বেশ ব'ল্ছেন—সময়ে সব হবে। কাজ
যে কিছুই দেখ্ছি না। ঘণ্টা দেড়েক কোথায় ঘুরে যদিই বা দয়া ক'রে
এলেন—তা ও ঘণ্টাখানেক ত বাতাস থেয়ে কাটালেন! ওদিকে একটা
লোক যে না থেয়ে উপবাসে মারা যাচ্ছে, সে থেয়াল আছে কি!
১৩ অনাদি। আছে বাবাজী, খুব আছে। একটু থাম না—কেন ব্যস্ত
হ'চ্ছ!

যোগেশ। কেন ব্যস্ত হ'চ্ছি তা আপনি কি ক'রে বুঝবেন! আপনি
ত মাইনের চাকর বই আর কিছুই নন। উঃ! অসুস্থ শরীরে কাল
সমস্ত দিনটে উপবাসে কেটেছে—আজ এত বেলা হ'ল এখনও তারটা
দেওয়া হ'ল না। এই তার বাবে তবে তিনি জলস্পর্শ ক'রবেন।
ব্যস্ত কি মশাই সাথে হই!

নলিনী। কিসের তার কাকা? ব্যাপার কি, আমি যে কিছু বুঝতে
পারছি না।

১৪ অনাদি। কিছু না বাবাজী, ~~সেই~~ ~~কেন~~ ~~না~~।

যোগেশ। কিছু না! তবে ব'ল্বেন না আপনি। বেশ তবে আমি
বল্ছি! দেখ দাদা এ বাড়ীতে—

১৫ অনাদি। যোগেশবাবু—যোগেশবাবু—ক্ষান্ত হও—ক্ষান্ত হও—সর্বনাশ
ক'র না—

যোগেশ। রাখুন মশাই আপনি! আমি সব চাপাচাপির কেউ নই।
এই বাড়ী থেকে তোমাদের এখনই বের হ'য়ে যেতে হবে।

১৬ অনাদি। যোগেশ বাবু, দোহাই তোমার—আমি বৃদ্ধ—আমি ব্রাহ্মণ,
তোমার হাত ধ'রছি—এই পৈতে দিয়ে তোমার হাত ধ'রছি—ক্ষান্ত
হও—এখনও ক্ষান্ত হও—

যোগেশ। কেন মশাই বার বার বাধা দিচ্ছেন। নামাবাবুকে মেরে ফেলাই কি আপনার উদ্দেশ্য।

নলিনী। যোগেশ, আমি যে কিছুই বুঝতে পারছি না—

যোগেশ। কেন এ ত পরিষ্কার কথা। এখনই তোমাদের এই বাড়ী ছেড়ে যেতে হবে। এই মামাবাবুর আদেশ।

নলিনী। এঁ্যা! বাড়ী ছেড়ে যেতে হবে—এই বাবার আদেশ!

যোগেশ। হাঁ, আর যদি সহজে না যাও, তবে দারোয়ান দিয়ে তোমাদের বের ক'রে দেবার আদেশ দিয়েছেন।

নলিনী। এঁ্যা।

পড়িয়া যাইতেছিল—একখানা চেরার ধরিয়া সামলাইল

যোগেশ। তোমাদের বের ক'রে দিয়ে তাঁকে তার ক'ল্পতে হবে।

নলিনী। বাবার আদেশ—যোগেশ, আমার বাবার আদেশ?

যোগেশ। হাঁ, তোমাদের এ বাড়ী থেকে বের ক'রে দিয়ে তাঁকে তার ক'ল্পতে হবে। সেই তার পেলে তবে তিনি জলম্পর্শ ক'রবেন।

নলিনী। তবে কি তিনি উপবাসী আছেন?

যোগেশ। হাঁ—কাল থেকে।

নলিনী। এঁ্যা! বল কি! এতক্ষণ আমায় বল নি কেন? তাঁর যে মোটেই ক্ষুধা সহ হয় না। ওঃ—কত কষ্ট পাচ্ছেন তিনি আমার জন্ত। কাকা, বাবা অভূক্ত আছেন জেনেও কেন আপনি এতক্ষণ এ কথা আমায় বলেন নি। যোগেশ, তুমি এখনই তার কর, আমি বাবার আদেশ মাথায় ক'রে এই মুহূর্তে এ বাড়ী থেকে বেরিয়ে যাচ্ছি।

প্রস্থানোত্তত

যোগেশ। দাঁড়াও—আরও কিছু বলবার আছে—

নলিনী। যা বলবে সম্বর বল। আমার বাবা আজ দুইদিন উপবাসী।

আমার এখানে নিশ্বাস আটকে আসছে।

যোগেশ । তুমি তাঁর ত্যাজ্যপুত্র—

নলিনী । ত্যাজ্যপুত্র ! কারণ ?

যোগেশ । সম্ভবতঃ এই বিয়ে । তাঁর সঙ্গে তোমার কোন সম্বন্ধ নেই ।

তুমি তাঁর বংশের কেউ নও—

নলিনী স্থির হইয়া দাঁড়াইতে পারিতেছে না, নিকটের

একপানা চেয়ার ধরিয়া দাঁড়াইল

নলিনী । বেশ, তাঁর আজ্ঞা আমার শিরোধার্য্য ।

যোগেশ । তোমার মায়ের নামে ব্যাঙ্কে যে পাঁচ হাজার টাকা আছে,

তা তোমার । তাঁর স্থাবর অস্থাবর সম্পত্তিতে তোমার কোন
অধিকার নেই—

নানা দি । যোগেশবাবু—যোগেশবাবু—আর কেন—এতেও কি তোমার
তৃপ্তি হয় নি ! দোহাই তোমার—আর বিষ ঢেল না—আর বিষ
ঢেল না— ।

যোগেশ । থামুন না মশাই । তাঁর অস্থাবর বা স্থাবর সম্পত্তিতে তোমার
কোন অধিকার থাকবে না, তা তুমি পাবে না । তবে তুমি তাঁর
বংশে জন্মে কোন নীচ কাজ করলে তাঁরই কলঙ্ক হবে ; এইজন্য
তিনি তোমায় এই দশ হাজার টাকার চেক দিয়েছেন । আর তাঁর
জমিদারীর আয় থেকে মাসিক একশত টাকা ভাতা পাবে । আমার
কোন দোষ নেই, নামাবাবু যা বলতে বললে দিয়েছেন আমি তাই
বলে খালাস । এই নাও ভাই তোমার দশ হাজার টাকার চেক ।
ভাল করে দেখে শুনে নিও—

নলিনী কণকাল চেকখানি মাথার উপর ধরিয়া রাখিলেন, পরে বলিলেন

—বাবার দান আমি মাথায় করে নিলাম । যোগেশ তাঁকে আমার
প্রণাম জানিয়ে বল, আমি তাঁর অধম সন্তান হ'লেও তাঁরই রক্তে
আমার জন্ম হ'য়েছে । আমি যখন তাঁর স্নেহ হারিয়েছি, তখন

তাঁর করুণার দান আমি নিতে চাই না। আমি রেব না। তাঁর
টাকা তাঁকে ফিরিয়ে দিও। গোবিন্দ তোর দ্বিধামণিকে ডাক্।

গোবিন্দের প্রস্থান

অনাদি। খোকা, বাবা, আমার একটা অনুরোধ, আমি বৃদ্ধ—আমি
ব্রাহ্মণ—আমার মিনতি—

নলিনী। আমার বাবা যে আজ দুই দিন উপবাসী কাকা! আর কি
আমি দেরি ক'রতে পারি?

অনাদি। আমি ঠেগনে নেমেই তার ক'রেছি, সেই জন্তই আমার দেরি
হ'য়েছিল বাবা—

নলিনী। তার করেছেন! বাক্, লিখেছেন ত বে আমি বাড়ী ছেড়ে গিয়েছি।
অনাদি। হাঁ—

নলিনী। কাকা, আজীবন প্রাণপণে সত্যকে আঁকড়ে ধরে পড়ে আছেন,
আর আজ মৃত্যুর তীরে দাঁড়িয়ে আমার জন্ত বাবার কাছে আপনি
মিথ্যাবাদী হবেন—আমার জন্ত! না কাকা, এ দেহে বিন্দুমাত্র রক্ত
থাক্তে তা হবে না। তবে আমার দুঃখ এই যে, বাবা একবার
পারুলকে দেখলেন না। বাক্, এই যে—(পারুল ও গোবিন্দের
প্রবেশ) পারুল, কাকাকে প্রণাম কর। (পারুলের তথাকরণ)
পারুল, এ বাড়ীতে আমরা আর থাক্তে পাব না—বাবার আদেশ।
চল। গোবিন্দ! তবে আসি দাদা, কত বকেচি—কত মেরেচি,
আমি যে তোর ছোট ভাই, কিছু মনে করিস্ না দাদা—

গোবিন্দ। তুমি পাগল হ'য়েছ দাদাবাবু! আমি তোমার মামাবাড়ী
থেকে তোমার মায়ের সঙ্গে এসেছিলাম। আমি তোমার মাতুল
সম্পত্তি। তোমার বাবার হুকুম ত আমার উপর চ'লবে না।
গোবিন্দকে তুমি কেলে যাবে! হাঃ হাঃ হাঃ! আচ্ছা তোমরা
এগোও, আমি বাস বিছানা বেঁধে ছেঁদে নিয়ে আসছি। প্রস্থান

নলিনী । কাকা, বাবাকে আমার প্রণাম জানিয়ে বলবেন যে, শ্রীকৃষ্ণকে
জীবন-সঙ্গিনী পেয়ে আমি সুখী হয়েছি । তাঁর শাস্তি আমি সানন্দে
মাথা পেতে নিলাম—তবে আসি—(অনাদিকে প্রণাম) এস পারল—

প্রস্থানোত্ত—অনাদি ছুটিয়া গিয়া তাহার হাত ধরিলেন

১১ অনাদি । না—না—আমি যেতে দেব না—মুখের ভাত ফেলে কোথায়
যাবি—

নলিনী । অবুঝ হবেন না কাকা—শেষে আমার জন্ত আপনি বাবার কাছে
মিথ্যাবাদী হবেন ।

১২ অনাদি । হই হব মিথ্যাবাদী—যাক্ ইহকাল—যাক্ পরকাল—যাক্
ব্রাহ্মণত্ব, শুধু তুই থাক্—তাকে যে আমি কোলে ক'রে মানুষ
ক'রেছি । না, আমি যেতে দেব না—কিছুতেই যেতে দেব না—

নলিনীকে জড়াইয়া ধরিলেন

নলিনী । যোগেশ কাকাকে ধর ভাই ।

১৩ অনাদি । না—না—ধর না—ধর না—তোমার পায়ে পড়ি যোগেশবাবু
আমায় ছেড়ে দাও—আমায় ছেড়ে দাও—আমি যেতে দেব না ।
খোকা ! ওরে, বাস্নে বাবা—বাস্নে—বাস্নে—মুখের ভাত ফেলে
বাস্নে—ওরে বাস্নে—(যোগেশ অনাদিকে টানিয়া রাখিল—নলিনী
পারুলের হাত ধরিয়া কাঁদিতে কাঁদিতে প্রস্থান করিল) এ্যা ! চলে
গেল—সত্যি চলে গেল—নারায়ণ ! কি ক'রলে—কি ক'রলে—
ও হো হোঃ—(মুর্ছিত হইয়া পড়িয়া গেলেন)

যোগেশ । (ললাটের ঘর্ষ মুছিয়া) প্রথম বোড়ের কিস্তি ।

পকেট হইতে মদের ফ্লাস্ক বাহির করিয়া ঢক্ ঢক্ করিয়া গিলিতে লাগিল

দ্বিতীয় অঙ্ক

প্রথম দৃশ্য

দ্বিতলে দুর্গাশঙ্কর রায়ের শয়ন-কক্ষ

রজনী দ্বিপ্রহর পালঙ্কের উপর

দুর্গাশঙ্কর নিদ্রিত

পার্শ্বের কক্ষ হইতে ধীরে ধীরে দরজা খোলা হইল। অতি সমুপর্ণে উন্মুক্ত দ্বারপথে সুখদা আসিয়া দাঁড়াইল। দুর্গাশঙ্করের কক্ষের স্তম্ভিতপ্রায় আলোকে একবার কক্ষের চারি পার্শ্ব দেখিয়া লইয়া পা টিপিয়া টিপিয়া সুখদা দুর্গাশঙ্করের শয়ন-কক্ষে প্রবেশ করিল ও পালঙ্কের নিকট গিয়া দাঁড়াইয়া ভ্রাতার নিদ্রিত মুখের দিকে চাহিয়া রহিল। দ্বারপথে যোগেশকে দেখা গেল। সে যেন নিজের নিখাসে চমকিয়া উঠিতেছে। তাহার চোখে মুখে গভীর উৎকণ্ঠা ফুটিয়া উঠিয়াছে। যোগেশের দিকে তাকাইয়া সুখদা অতি সাবধানতার সহিত দুর্গাশঙ্করের বালিসের নিম্নে হস্ত দিয়া কি পুঁজিতে লাগিল। দুর্গাশঙ্কর একবার নড়িয়া উঠিলেন, তাহা দেখিয়া নিখাস রুদ্ধ করিয়া সুখদা দ্বির-দৃষ্টিতে তাহার দিকে তাকাইয়া সোজা হইয়া দাঁড়াইল এবং যোগেশ কক্ষমধ্যে প্রবেশ করিয়া যেন মরিয়া হইয়া হস্ত উত্তোলন করিল। তাহার হস্তে একখানি তীক্ষ্ণধার ছোরা দেখা গেল। সুখদা কটনট করিয়া যোগেশের দিকে তাকাইল। যোগেশ নতদৃষ্টিতে কক্ষ হইতে নিজস্ব হইয়া দ্বারপথে গিয়া দাঁড়াইল। সুখদা পুনরায় বালিশের নিম্নে চাবীর জন্ত হাত দিল এবং ক্ষণপরে সিক্কের চাবী বাহির করিয়া আনিয়া ও পা টিপিয়া টিপিয়া দরজার নিকট আসিল। চাবী দেখিয়া যোগেশের চক্ষুস্থির আনন্দে জ্বলিয়া উঠিল। সুখদা যোগেশের হস্তে চাবী দিলেন—যোগেশ নিঃশব্দে প্রস্থান করিল। সুখদা দরজার চৌকট ধরিয়া নিদ্রিত দুর্গাশঙ্করের মুখের দিকে অপলক দৃষ্টিতে চাহিয়া দাঁড়াইয়া রহিল।

দ্বিতীয় দৃশ্য

দ্বিতলে দুর্গাশঙ্করের শয়ন-কক্ষ

প্রবাক দিয়া নদীতীরে পথ ও প্রশস্ত প্রায়ুর দেয়া যাইতেছে। দুর্গাশঙ্কর পালঙ্কের

উপর অর্দ্ধশায়িত—পার্শ্বে অনাদিনাথ দণ্ডায়মান। প্রভাত

তখনও অতীত হয় নাই

অনাদি। কেমন আছেন আজ ?

দুর্গা। আজ অনেকটা ভাল। তবে শরীর বড় দুর্বল। কথা বলিতেও যেন কষ্ট বোধ হচ্ছে।

অনাদি। কোলকাতা থেকে এসে যে অবস্থা দেখেছিলাম। আমার ত ভয়ই হয়েছিল। আবার যে আপনি সেরে উঠবেন এ আশা ছিল না। নারায়ণ খুব রক্ষা ক'রেছেন।

দুর্গা। এ প্রাণ কি অত সহজে যাবে অনাদি ! পূর্বজন্মার্জিত কৰ্মফল—কার ভরা ডুবিয়ে এসেছি—ওঃ—যাক, তুমি না কি আজ জেলায় যাচ্ছ ?

অনাদি। আজ্ঞে হাঁ। কাল সেই চরের মকর্দ্দমা—শুনলাম ধনগার তরফ থেকে হাইকোর্টের বড় ব্যারিষ্টার আসছে।

দুর্গা। তাই নাকি ! তা হ'লে—মকর্দ্দমাটা বড় জেদের। শিবনারায়ণ বড় দস্ত ক'রে বলেছিল যে সে ও চরটা নেবেই, আমিও বলেছিলাম যে একখানা ইট থাকতে নয়। শেষে কি—

অনাদি। আপনি ভাববেন না বাবু—বড় ব্যারিষ্টার ত আর দলীলের লেখাগুলো উন্টিয়ে দিতে পারবে না। দলীলের জোরেই আমরা জিতে যাব।

দুর্গা। দেখ গিয়ে কতদূর কি ক'রতে পার। হাঁ, অনাদি, যোগেশ বলছিল যে সে একটু জমিদারীর কাজ-কর্ম শিখতে চায়—বেকার

বসে আছে। তোমারও শরীর ভাল নয়—তাতে আমি পড়ে থেকে তোমার খাটুনিও বড় বেড়ে গেছে—এ সময় একজন সহকারী হ'লে তোমার সুবিধা হবে। আমার ইচ্ছা যে তুমি সঙ্গে রেখে ওকে কিছু কিছু কাজ-কর্ম শেখাও—

অনাদি। আপনার ইচ্ছা!—বেশ! (স্বগত) তবে আর বেশী দিন এ সংসারে আমার অন্ন নেই। তাতে দুঃখ ছিল না—যদি ছেলেটার একটা উপায় ক'রতে পারতাম! আহা—সোণার চাঁদ ছেলে! কিন্তু আর বুঝি পারলেম না—কেমন ধাপে ধাপে এগুচ্ছে—ধাপে ধাপে গ্রাস ক'রছে—
দুর্গা। আচ্ছা অনাদি, এখন তুমি যেতে পার—

অনাদি। যে আজ্ঞে—

অনাদি দ্বার পর্যন্ত অগ্রসর হইলেন—আবার কয়েক পদ ঘরের দিকে গেলেন—

আবার ফিরিয়া দ্বার পর্যন্ত অগ্রসর হইয়া দাঁড়াইলেন—

দুর্গা। কি অনাদি? তুমি কি কিছু আমায় বলতে চাও—

অনাদি। বাবু—

দুর্গা। কি অনাদি?

অনাদি। থোকা বালক—তার শাস্তি বথেষ্ট হ'য়েছে।

দুর্গাশঙ্কর দুর্গাশঙ্কর মুখ ফিরাইয়া বসিয়া রহিলেন—কোন উত্তর দিলেন না

অনাদি কিছুক্ষণ দাঁড়াইয়া আপন মনে বলিলেন—বড় আশা ক'রে আমার তার পেয়ে সে আসছে। নারায়ণ! মুখ রেখ ঠাকুর।

ধীরে ধীরে গ্রন্থান করিলেন

দুর্গাশঙ্কর ক্ষণকাল শুক হইয়া বসিয়া রহিলেন, তারপর বলিলেন—

—পুত্রের দিক থেকে পিতার নিষ্ঠুরতা তোমরা সবাই দেখছ। একবার পিতার দিক থেকে পুত্রের পানে তাকাও দেখি—অপরাধী পুত্রের নিকট পিতার কি কিছুই প্রাপ্য নেই—পিতার প্রতি পুত্রের কি কোন কর্তব্যই নেই! শাস্তি—শাস্তি—শাস্তি!!! কার এ শাস্তি—কার!

যোগেশ ও সুখদার প্রবেশ

যোগেশ। এই যে আজ উঠে বসতে পেরেছেন। যাক, বাঁচা গেল। কি দুর্ভাবনায়ই এ ক’টা দিন গিয়েছে!

দুর্গা। আজ অনেকটা ভাল বোধ ক’রছি। তোমাদের সেবা-যত্নে এ যাত্রা দেখছি বেঁচে গেলাম।

সুখদা। সেবা-যত্ন! ছেলের এ ক’দিন কি চোখে ঘুম ছিল না পেটে অন্ন ছিল! দিনরাত কেবল—“মামাবাবু—মামাবাবু।” কোলে ভাত দিয়েছি কি—একগ্রাস মুখে দিতেই অমনি উঠে পড়েছে। ওরে ওরে উঠিস্ নি—উঠিস্ নি—আর হু’টো গ্রাস মুখে দিয়ে যা—কে কার কৃথা শোনে! একেবারে সটান এই ঘরে। মুখে সর্বদাই এক বুলি—আমরা না ক’রলে কে আর ক’রবে। মামাবাবুর আর আছে কে! রক্তের সন্ধকে ত আর কার সন্ধে নেই—আর ঘারা, তারা ত মাইনের চাকর।

দুর্গা। না, যোগেশের মতিগতি পরিবর্তন দেখে আমি বড় খুসী হ’য়েছি।

সুখদা। সে তোমার আশীর্বাদ দাদা—ঐ যে কথায় বলে, “সৎসঙ্গে স্বর্গবাস, অসৎসঙ্গে সর্বনাশ।” আমি ওকে বরাবর বলছি যে, দাদার কাছে গিয়ে কিছুদিন থাক—দাদা আমার সাক্ষাৎ মহাদেব—তাঁর কাছে থাকলে তুই মানুষ হবি। তা মানুষের দুঃসময়ে ত বিপরীত বুদ্ধি হবেই। ছেলে আমার কথা কাণে তুললে না। তারা সব মাতাল, গেঁজেল, নেশাখোর—অমন দুশ্চরিত্রের সন্ধে কি ঐ কাঁচা ছেলে এঁটে উঠতে পারে। কি চক্রটাই না ক’রল। বাছাকে আমার নাকানি চোবানি খাইয়ে বিষয়-আশয়টুকু গ্রাস ক’রে, পথের ফকির ক’রে তবে ছাড়ল। নইলে ওর অন্ন আজ থায় কে! তখন যদি আমার কথা কাণে তুলতিস্, তবে কি আজ তোর এই দশা হয়, না দেওয়ানজীর মত লোকে তাকে

মামাবাড়ীর ভেতুড়ে ব'লে গালাগাল দিতে পারে। (সহসা ক্রন্দন)
এত লোকের মরণ হয়—যম কেবল আমাকেই ভুলেছে, আজ এ-ও
আমায় শুনতে হ'ল।

যোগেশ। এখন সে সব কথা কেন তুলছ মা! দেখছ নামাবাবুর এই
অসুখ! শুনলে উনি কষ্ট পাবেন—আবার হয়ত অসুখটা বেড়ে
উঠবে।

দুর্গা। কি যোগেশ?

যোগেশ। আজ্ঞে সে বিশেষ কিছু নয়। আপনি সেরে উঠুন, তারপর
সময় মত একদিন ব'লব। একটু গরম দুধ খাবেন কি এখন?

দুর্গা। একটু আগেই ত খেয়েছি বাবা—আর কত খাব!

সুখদা। হাজার হ'ক ছেলে মানুষ ত! ভাবে নে বত বেশী ক'রে
আমার মামাবাবুকে খাওয়াতে পার্বে—তত তাড়াতাড়ি সেরে উঠবেন।

যোগেশ। না না, ডাক্তার বলে দিয়েছেন যে দিনে অন্ততঃ ছ'সাতবার
পথ্য খাওয়াতে হবে। শক্ত ব্যামো থেকে উঠেছেন কিনা।

সুখদা। শক্ত ব'লে শক্ত! পরশু রাত্রে যে রকম হ'য়েছিল, বাপরে—
মনে হলেও গা কাঁপে!

দুর্গা। আমার কিন্তু কিছু মনে পড়ে না। কথা বলতে বলতে মাথাটা
কেমন ঝিম্ ঝিম্ ক'রে উঠল, চোখে যেন অন্ধকার দেখলাম,
তারপর আর কিছু মনে নেই।

যে সময় দুর্গাশঙ্কর কথা বলতেছিলেন, সে সময় যোগেশ দূরে গব্যাক্ষপথে ইসারা করিয়া

সুখদাকে কি দেখাইল এবং ইঙ্গিতে বলিল “এইবার সব মাটি।” গব্যাক্ষের

দিকে চাহিয়া সুখদার মুখ ছাইএর মত শাদা হইয়া গেল—মূর্ছভর্তে তাহার
নয়নের নরকান্ধি ঝক্ ঝক্ করিয়া অগিয়া উঠিল—হস্ত মুষ্টিবদ্ধ হইল।

দন্তে দন্তে অধর দংশন করিতে লাগিল। পর মুহূর্ত্তে সে ভাব

বিদূরিত হইল। সুখদা সহজ দৃষ্টিতে পুত্রের

দিকে তাকাইয়া একবার হাসিল।

সুখদা। মনে থাকবে কি ! তোমার কি তখন হুঁস ছিল ! দিন-রাত কেবল প্রলাপ—কেবল প্রলাপ—“থোকা ফিরে আয়—থোকা ফিরে আয়।” ভাবতাম সর্ব্বশেষে ছেলেটার জন্তে প্রাণটা বুঝি এবার গেল। হারে ছেলে ! এমন মায়ার সমুদ্রের বাপকে চিনলি না ! একবার এসে পা দু’খানি জড়িয়ে ধ’রে ক্ষমা চাইলেই ত সব রাগ জল হ’য়ে যেত। হাঁ দাদা, একবার যদি ছেলেটা এসে তোমার পা দু’খানি জড়িয়ে ধ’রে কঁদে পড়ত—তাকে তুমি তাড়িয়ে দিতে পারত ? কখনই পারতে না। তোমার যে দয়ার শরীর। প্রাণ ত নয় যেন মায়ার সমুদ্রের ! তা না ক’রে, তুই বাছা উকিল বন্ধুদের পরামর্শ শুনে বাপ পাগল হয়েছে ব’লে মকদ্দমা ক’রে জমিদারী নিবি—এত বড় তোর বৃকের পাটা ! একটা চক্ষুজ্জাও কি নেই ! বুড়ো বাপ—একটা ধর্ম্ম ত আছে ! বাপ হ’ল তোর পাগল ! বাপের সঙ্গে মকদ্দমা !

হুর্গা। সে কি সুখদা ?

সুখদা। কেন—তুমি শোন নি সে সব কথা ? যোগেশ, তোর মামাবাবুকে বলিস্ নি ?

যোগেশ। মামাবাবুর অসুখ, তাই—

সুখদা। অসুখ তাতে হয়েছে কি রে মুখপোড়া হতচ্ছাড়া ! তোর এ ঝুঁকি ঝুঁকড় রাখ’বার দরকার কি ! আদালতের প্যাদা নিয়ে যখন জমিদারী দখল ক’রতে আসবে, তখন কি পার্শ্ববি তুই সে তাল সামলাতে ! আমাদের কি বাপু,—দু’মুঠো ভাতের কাঙাল—দশ জনের দশ কথা শুনেও পেটের দায়ে পড়ে আছি, বলে খালাস হওয়াই ভাল। তারপর যার ঝুঁকি সে বুঝুক গে’।

হুর্গা। যোগেশ, ব্যাপার কি ?

যোগেশ। আজ্ঞে—(স্বগত) কি বলি ? মা’র মত অত মেধা ত আমার নেই। শেষটা কি ধরা পড়ে যাব—(সুখদার দিকে করুণদৃষ্টি নিক্ষেপ)

দুর্গা। চুপ করে রইলে যে—বল—

সুখদা। (স্বগত) হতভাগা ছেলে—এই বুদ্ধি নিয়ে জমিদারী হাত ক'র্বে! (প্রকাশ্যে) ও মুখচোরা ত তোমায় সবই ব'লবে। ও পারে কেবল রান্নাঘরে গিয়ে আমার কাছে ভেউ ভেউ ক'রে কাঁদতে—‘আমার মামাবাবুকে অপমান করেছে!’ আমি বলছি শোন। ঐ যে ওদের কলকেতায় পাঠিয়েছিলে—তাই যোগেশ খোকাকে বলেছিল, যে বাড়ী চল—সবাই মিলে মামাবাবুর হাতে পায়ে ধ'রে ক্ষমা চাইব—তঁার রাগ জল ক'র্বে কতক্ষণ। শুনে তোমার গুণনিধি ছেলে মানওয়ারী গোয়ার মত গর্জে উঠে বলে যে—‘পায় ধ'রে জমিদারী নেব—কেন আইন আদালতের দোর চিনি না—বুড়ো ভেবেছে কি—আদালতে আমি তাকে পাগল সাব্যস্ত ক'র্ব—পাগলা গারদে পাঠাব—’

দুর্গা। এঁা, আমি জেগে আছি ত! দুর্বল শরীরে শুনতে ভুল করিনি ত—আবার—আবার বলত সুখি—কি বলছিলি—(শক্ত হইয়া, বিছানার উপর বসিলেন)

সুখদা। কি আর বলব দাদা! বলতে বুক ফেটে যায়। খোকা তোমার সঙ্গে মকদ্দমা ক'রে জমিদারী নেবে—তোমায় পাগল সাব্যস্ত ক'রে পাগলা গারদে পাঠাবে। কলি—কলি—সাক্ষাৎ কলি—

দুর্গা। এঁা—খোকা—খোকা—সেই খোকা—আমার চোখের দিকে চেয়ে যে কোন দিন কথা বলেনি—এ ও সম্ভব—সম্ভব হয়! যোগেশ, অনাদি এ সব জানে?

যোগেশ। আজ্ঞে হাঁ—

সুখদা। জানে না! মুখপোড়া ত কিছু বলবে না—কাজেই আমায় সব বলতে হচ্ছে। ঐ কথা শুনে যোগেশ নলিনীকে দু'চার কথা বলেছিল। বলবে না! হাজার হ'ক তুমি ত আর পর নও—মায়ের

দ্বিতীয় দৃশ্য

শাতা মোড়া ও হুতোর মধ্যে পুথের শেষে

সহোদর ভাই—মামা ;—তোমার অপমান ও কি চূপ ক'রে স'য়ে থাকতে পারে ! তাতে দেওয়ানজী রেগে মেগে যোগেশকে “ছোটলোক—মামাবাড়ীর ভেতুড়ে” আরও কত কি কটু-কাটব্য ব'লে গাল মন্দ দিলে । ছেলেটা আমার কাছে এসে ভেউ ভেউ ক'রে কেঁদেছে—ছ'দিনের মধ্যে একটা দানাও দাঁতে কাটে নি—বলে, যে মামার অন্ন আমি আর ছোঁব না—আমার গ্লানি হ'য়েছে । তারপর কত বুঝিয়ে সুঝিয়ে তবে শান্ত ক'রেছি ।

হুর্গা । অনাদি ! চির বিশ্বাসী অনাদি ! এ ও কি হয় !

সুখদা । বিশ্বাসী কে কেমন তা ক্ষেত্রে পড়লেই বোঝা যায় । বলে যে ‘যতক্ষণ ধরা না পড়ে ততক্ষণ সাধু ।’ বুঝলে না, খোকার হাতে জমিদারীটে গেলে সে ত আর কিছু দেখবে শুনবে না—নূতন বয়স নূতন বো—আমোদ আহ্লাদেই কাটাবে—তা'হলে লুটবার সুবিধাটা ভাল রকম হয় । তুমি থাকতে ততটা সুবিধে হচ্ছে না কি না ।

যোগেশ । (স্বগত) মা'র কি সাফ মাথা—বেড়ে লাগিয়েছে ত ! ওঃ, একেবারে ঘোড়ার কিস্তি গজের কিস্তি এক সঙ্গে ।

হুর্গা । হুঃ—অনাদির কথায়ও আমি বুঝতে পেরেছি, যে সে যোগেশের উপর সন্তুষ্ট নয় । সে এই জন্ত ।

সুখদা । ছেলেটা হ'য়েছে দাদা সবার চক্ষুশূল । তুমি একটু আদর ক'রে যখন তখন ডাক কি না—

হাঁপাইতে হাঁপাইতে শ্রামার প্রবেশ

শ্রামা । বাবু—বাবু—দাদাবাবু এসেছেন ।

হুর্গা । দাদাবাবু—

শ্রামা । আজ্ঞে হাঁ—দাদাবাবু—

হুর্গা । ফটক বন্দ ক'রে দে—তার ছায়াও যেন আমার বাড়ীর মধ্যে না

পড়ে ;—যদি জ্বরদস্তি ক’রে, দারোয়ান দিয়ে গলা ধাক্কা দিয়ে বের
ক’রে দিবি—

শ্রামা। বাবু বৌদিদিও সঙ্গে আছেন।

সুখদা। ওঃ বাবা—একেবারে পাকাপাকি বন্দোবস্ত ! কি সাহস !
ধস্ত ছেলে বা হ’ক !

শ্রামা। বাবু, বৌদিদিও এসেছেন—

দুর্গা। এসেছেন তা তোর কি—তোর বাবার কিরে হারামজাদা—
(বালিস ছুঁড়িয়া মারিলেন) যদি ভাল চাস্ ত যা বললাম তাই
কন্। তাড়িয়ে দে—গলা ধাক্কা দিয়ে বের ক’রে দে—

শ্রামা। বাবু—(নতদৃষ্টিতে দাঁড়াইয়া রহিল)

দুর্গা। হুঁঃ—আচ্ছা। যোগেশ ! পাড়েকে ডাক্ত—

শ্রামা। না—না—বাবু আমিই যাচ্ছি—

প্রস্থান

দুর্গা। নাঃ, আর কাকেও বিশ্বাস নেই—সব নেমকহারাম—সব সয়তান।

সুখদা। যা ব’লেছ দাদা, মানুষ যদি চিন্তে পারতেন, তবে কি আজ
আমাদের এ হাল হয়।

যোগেশ। এত শীঘ্র ! বড় বড় লোক পিছনে আছে—তার উপর
নিজেও কিছু লেখাপড়া জানে—জজ-ম্যাজিস্ট্রেটের সঙ্গে মামাবাবুর
পরিচয় দিয়ে যখন তখন দেখা ক’রতে পারে—

~~দুর্গা~~। ঝাঁটা মারি অমন লেখাপড়ার মুখে—বাপের এই অবস্থা—
মরার মুখ থেকে ফিরে এসেছে—একটা মানুষের আত্মা-ও কি নেই !

দুর্গা। কে উপরে আসছে ?

যোগেশ। (একটু অগ্রসর হইয়া দেখিয়া) দেওয়ানজী—

সুখদা। বোধ হয় একটা আপোষ রফার কথা বলতে—

দুর্গা। আপোষ রফা ! আচ্ছা।

সুখদা। তুই এ দিকে আয় বাছা। এ সব কথায় আমাদের থাকবার দরকার নেই। তোর দোষ ত লেগেই আছে।

সুখদা ও যোগেশ প্রস্থান করিল যাইতে যাইতে যোগেশ নিম্নস্থরে সুখদাকে বলিল—

“ভাগ্যিস জানালা দিয়ে ওদের আসতে দেখেছিলেম।”

সুখদা। মা কালী আছেন।

যোগেশ। তোমাকে কি বলব মা—তোমার জুড়ি নেই।

সুখদা। উ হুঃ—এখনও কিছু হয় নি। দেওয়ানটা আসছে। এই ফাঁড়া যদি কাটাতে পারি তবেই—

বিপরীত দ্বার দিয়া অনাদির প্রবেশ

দুর্গা। কে? অনাদি! কি, একটা নিম্পত্তি, না।

অনাদি। আজ্ঞে হাঁ। তা হ’লে এ বুড়ো ব্রাহ্মণের গয়া কাশীর ফল হয়। আমার তার পেয়েই ছুটে এসেছে! বালক—

দুর্গা। হুঃ—তুমিই তার ক’রে আনিয়েছ—না!

অনাদি। আজ্ঞে হাঁ—আপনি একেবারে বেহুঁস হ’য়ে ছিলেন—

দুর্গা। আমি বেহুঁস হয়ে ছিলাম, তাই তার ক’রে আনিয়েছ। কেমন? অনাদি। আজ্ঞে হাঁ।

দুর্গা। অনাদি, আমার কি কচি ছেলে পেয়েছ যে চোঁখ রাঙিয়ে, আইন-আদালতের ভয় দেখিয়ে—হু’পাতা ইংরাজী বিজ্ঞার ধমক দিয়ে—জ্ঞান অনাদি, এই দুর্গাশঙ্কর রায়ের প্রতাপে সাত-সাতটা পরগণার লোক ভয়ে জড়সড়—জ্ঞান অনাদি, এই দুর্গাশঙ্কর রায় এ জমিদারীর ভার নেবার পর এ দেশ থেকে চোর-ডাকাত, বদমায়েস ভিটে ছেড়ে পালিয়েছে—ভেবেছ কি দুর্গাশঙ্কর রায় মরে গিয়েছে! না, সে মরে নি—আজও বেঁচে আছে। হাঁ, বেঁচে আছে, বুড়ো হ’য়েছে কিন্তু বেঁচে আছে। অনেকে তার পরিচয় নিয়েছে—ইচ্ছা হয়, তুমিও একবার নাও—

অনাদি। নারায়ণ—নারায়ণ—বাবু আপনি ব'লছেন কি ?

দুর্গা। হাঁ ঠিকই বলছি।

অনাদি। বাবু, আপনি ভুল বুঝেছেন—মিথ্যা কথা শুনেছেন। অনাদি চক্রবর্তীকে আজ ত্রিশ বছর দেখেছেন—সে নিমকহারাম নয়। নিজের ছেলে-পুতে নেই—আপনার ছেলে ঐ খোকাকে পুত্রের অধিক ক'রেছি—জানেন ত, আপনি বিরক্ত হয়েছেন—কাজের ক্ষতি হ'চ্ছে ব'লে কত সময় রাগ ক'রেছেন—তবুও আমি তাকে কোল থেকে নামাইনি—(অনাদির চোখ দিয়া দর-দর-ধারে অশ্রু পড়িতে লাগিল)—ইচ্ছা ছিল—

সুখদা যোগেশকে এক রকম ঠেলিয়া ঘরের মধ্যে প্রবেশ করাইয়া দিল

যোগেশ। হাঁ দেওয়ানজী, আপনি সে ছবিখানি পোড়ান নি—

অনাদি। এসেছ বাবাজী! রক্তগত শনি—আমি কি কস্ব! কোন্ ছবিখানা বাবাজী ?

যোগেশ। যে-খানা মামাবাবু শ্রামাকে পোড়াতে ব'লেছিলেন।

সেখানা দেখলাম আলমারির পেছনে কাপড়ে মোড়া রয়েছে—

অনাদি। সেখানেও তোমার নজর গিয়েছে ?

বেগে সুখদার প্রবেশ

সুখদা। হতভাগা হতচ্ছাড়া, জানিস, সব কথাতেই তোর দোষ, তবু মুখপোড়া অপমানি হ'তে কেন সব কথায় থাকতে বাস! ভগবান মেয়েছেন, ভাতের কাঁদাল হ'য়ে এসেছি—দশজনের ঝাঁটা লাগি খেয়ে বাকি গজনা স'য়ে মুখ বুজে থাকতে পারিস্ থাক, না পারিস্ দূর হ'য়ে যা। পোড়াক না পোড়াক সে খোঁজে তোর দরকার কিরে বাছা। ‘আমার মামাবাবু অসুখে পড়ে আছেন, তাই তাঁর কথা আর কেউ গ্রাহ্য করে না’। ওরে তাত ক'স্ববেই না—কেউই ত করে না—দেখছি, চোখের উপর দিনরাত দেখছি—বুকের মধ্যে

ধূ ধূ ক’রে আগুন জ্বলছে, কিন্তু মুখে রাটি কাড়িনি—তেমন বাপের মেয়ে নই। তুই যে ‘মামাবাবু মামাবাবু’ করে অজ্ঞান—তোরা কিছু ক’রবার ক্ষমতা আছে !

সুখদা ঝড়ের মত এক নিশ্বাসে বলিয়া প্রস্থান করিল। ক্ষণকাল কক্ষটি

নীরব রহিল। তারপর অনাদি ধীরে ধীরে বলিলেন—

“যোগেশবাবু, নলিনীর ছবিখানি পোড়াতে আমিই জ্বালিয়ে নিষেধ করেছিলাম—আমিই বন্ধ ক’রে সেখানে কাপড় ঢেকে আলমারির পেছনে রেখেছিলাম—কারণ আমি জানি, আবার একদিন ঐ ছবির খোঁজ হবে। আমার দুর্ভাগ্য যে, সেখানেও তোমার নজর গিয়েছে। যাক আমি যতদিন এ সংসারে আছি ততদিন আমার চোখের সামনে ও ছবিতে কেউ আগুন দিতে পারবে না—তোমার মামাবাবুও না—এই তাঁর সামনে ব’লে যাচ্ছি! চরের মামলাটা সেরে জেলা থেকে এসে আমি বিদায় নেব, তখন আর কেউ তোমাদের নিষেধ ক’রবে না—তখন যা ইচ্ছা তোমাদের ক’র—ইচ্ছা হয়, আগুনে দিও—ইচ্ছা হয়, ছুরি দিয়ে ফাল ফাল ক’র—যা তোমাদের খুসী। ওঃ—হবার নয়—হবার নয়—নারায়ণ—নারায়ণ—মুখ রাখলে না ঠাকুর—

ধীরে ধীরে প্রস্থান

সুখদার পুনঃ প্রবেশ

সুখদা। দেখলে—দেখলে অহঙ্কারটা! যার খাচ্ছে তাকেই আবার চোখ রাজাচ্ছে। দাদাকে দয়ার সাগর পেয়ে বড় বাড় বেড়েছে সব! দুর্গা। যোগেশ, নিধু খুড়োকে একবার আমার এখানে ডেকে দাও ত—এখনই—

যোগেশের প্রস্থান

সুখদা। এখন খাবার যোগাড় ক’রব কি দাদা?

দুর্গা। আর খেতে ইচ্ছা নেই ভাই—

সুখদা। যা হ'ক দু'টো পেটে ত দিতে হবে। প্রাণটা ত বাঁচাতে হবে!

দুর্গা। হাঁ তা ত হবে। আচ্ছা একটু পরে।

সুখদা। তবে আমি সব গুছিয়ে গাছিয়ে রাখি গে, যখন তোমার ইচ্ছা হয়, আমাকে ডেক। (যাইতে যাইতে) ওহো হোঃ—দাদার দশা দেখলে বুক ফেটে যায়—ওহো হোঃ—

চোখে কাপড় দিয়া গ্রন্থান

দুর্গা। সব আবছায়া—সব আবছায়া—বেন একটা ছায়ার মাহুষ হ'য়ে গেছি—ওঃ—

শ্রামার ধীরে ধীরে প্রবেশ

কে ?

শ্রামা। আমি শ্রামা—

দুর্গা। কি ?

শ্রামা। বাবু আমি দেশে যাচ্ছি—

দুর্গা। দেশে যাচ্ছি! বেশ—যা। একে একে সব যা—পড়ে থাকবে শুধু একটা ককাল, আর তাই আঁকড়ে ধ'রে থাক এই ত্রিকালজ্ঞ ভুগুণ্ডি কাক—

দুই চকু হইতে দু' ফোঁটা জল গড়াইয়া পড়িল

শ্রামা। আমি ত আজ যাচ্ছি না বাবু—আপনি ভাল ক'রে সেরে উঠলে বাব।

দুর্গা। প্রভুভক্ত ভৃত্য—আমার সুখ দুঃখের চিরসাথী। শ্রামা! আমার কাছে আয়। তারা গিয়েছে রে ?

শ্রামা। হাঁ বাবু—

দুর্গা। কোন গোলমাল ক'রেছিল ?

শ্রামা। কিসের গোলমাল বাবু! পাষাণে বুক বেঁধে যেমন আমি

ব'ল্লাম যে বাবু দেখা ক'রবেন না—দাদা বাবুর দু'চোখ বেয়ে
ধারায় জল পড়তে লাগল—হাউ হাউ ক'রে তিনি কেঁদে উঠলেন—
কাঁপতে কাঁপতে ব'সে পড়লেন—আমি গিয়ে ধরলাম। তারপর
অতি কষ্টে ব'ললেন—“শ্রামা—আমি অভাগা। বড় অভাগা।
বাবার পাছ'খানি বুঝি আর এ জীবনে দেখতে পাব না।” তারপর
কাঁদতে কাঁদতে বোমার হাত ধ'রে চলে গেলেন—

দুর্গা। (নিম্নস্বরে—যেন ভয় পাচ্ছে কেহ শুনিতে পায়) তোর বোমাকে
দেখেছিস্ রে ?

শ্রামা। হাঁ বাবু। কি সে রূপ, যেন সাক্ষাৎ লক্ষ্মীঠাকরুণ। চোখ
ফেরান যায় না—আর কি মিষ্টি কথা! আমায় ব'ললেন—লক্ষ্মী
দাদা, আমায় একবার বাবার কাছে নিয়ে যেতে পার ?

দুর্গা। তার পর তুই কি বল্লি ?

শ্রামা। কি আর বলব বাবু—ব'ল্লাম যে “তোমায় আর একদিন নিয়ে
যাব বোমা।” (দুর্গাশঙ্কর দীর্ঘনিশ্বাস পরিত্যাগ করিলেন, এক বিন্দু
অশ্রু তাঁহার চক্ষু হইতে তাঁহার অজ্ঞাতে ঝরিয়া পড়িল) বাবু—
বাবু—দেখবেন—ঐ যে, ঐ যে তাঁরা নোকায় উঠে আপনার ঘরের
দিকে চেয়ে হাত জোড় ক'রে প্রণাম ক'রছেন—

দুর্গা। এঁরা—কৈ—কৈ ? (একলক্ষ্যে যুবকের মত ছুটিয়া গবাক্ষের
দিকে অগ্রসর হইলেন ও সহসা মধ্যপথে থামিয়া বলিলেন) বন্দ কর
—জানালা বন্দ কর—

শ্রামা। বন্দ ক'রব ?

দুর্গা। কর—শিগু'গির বন্দ কর—আমায় শক্ত ক'রে ধর—(কাঁপিতে
লাগিলেন) না—না—আমায় বাঁধ—বিছানার চাদর দে—খাটের
সঙ্গে আমার হাত-পা বাঁধ—বাঁধ—

শ্রামা। বাবু—বাবু—

হুর্গা। বাঁধ—বাঁধ হারামজাদা—দীত্ৰ বাঁধ—

শ্রামা অপ্রতিভের স্তায় প্রভুর আদেশ পালন করিতে লাগিল

আরও—আরও জোরে—আরও শক্ত ক’রে—

শ্রামা। এখন খুলে দি বাবু—এতক্ষণ তারা নোকা খুলেছেন—

হুর্গা। নোকা খুলেছে! আচ্ছা দে—খুলে দে।

বাঁধন খুলিয়া দিয়া কাঁদিতে কাঁদিতে শ্রামার প্রস্থান

কিন্তু—না—এতগুলি মিথ্যা কথা কি যোগেশ আর সুখী আমাকে
ব’লতে পারে! ভগবান! তুমি সব জান—বিচার করো—দণ্ড
দিয়ে—যে জালায় আমি—ওঃ—

নিধু খুড়োর প্রবেশ

নিধু। কি বাবা, এ অসময়ে ডেকেছ কেন? ধাত্তেশ্বরীর আরাধনা ক’রে
যেমন একটোক গলায় ঢেলেছি, অমনি তোমার ডাক গিয়ে হাজির।
কি করি বাবা, তুমি ডেকেছ, আঁধার রেতে এসে হাত পাতলেও
দেবীর ভোগের জন্ত, তোমার কাছে টাকাটা-সিকেটা পাই—কাজেই
বোতলবাহিনীকে আপাততঃ মাচায় তুলে বিরহ-ব্যথায় জ’লতে
জ’লতে মনের দুঃখ মনে চেপে, চ’লে এসেছি।

হুর্গা। খুড়ো, বড় জালা, একটু মদ দিতে পার—একটু মদ।—দশ টাকা
নাও—বিশ টাকা নাও—একশ’ টাকা নাও আমার একটু মদ দাও
—আমায় বিন্ধুতি দাও—বিন্ধুতি দাও—আমায় বাঁচাও—মদ দাও
—মদ দাও—

নিধু। হুর্গাশঙ্কর! বড় ঘাটা খেয়েছ বাবা—বুঝেছি। ঘাটে ছেলেটা
আর বোঁটাকে দেখলাম। ব’স বাবা—আমার কাছে ব’স—

বিছানার উপর হুর্গাশঙ্করকে বসাইলেন ও নিজে নিকটে বসিলেন

দেখ বাবা, কলেরায় মাতৃহারা ছেলে দু’টো যখন একদিন আগ
পাছ মারা গেল—বুকের ভিতর রাষণের চিতা লক্ লক্ ক’রে জলে

উঠল—কি তার দাহ—কি সে জ্বালা ! তারপর বাতনা সহিতে
না পেরে অনেক ভেবে চিন্তে, মদ খাওয়া ধরলুম—ভাবলুম মদে সব
ভুলিয়ে দেবে ! তারপর ত জান বাবা, লোক-লজ্জা গ্রাহ্য করি নি
—যথাসর্বস্ব রাক্ষসীর পায়ে ঢেলেছি—প্রথম প্রথম বিলিতি—তার
পর যখন পয়সাও কমে এলো, পিপাসাও বেড়ে গেল—তখন
একেবারে ধাত্তেশ্বরী । কিন্তু বাবা, ভুলতে পারলেম না—যখন
নেশা বাড়ে তখন বৃকের হাহাকারও বাড়ে—সে যে কি বাতনা—
ওঃ—অতি বড় শত্রুও যেন সে বাতনা না পায় । লাভের মধ্যে
হ'য়েছে এই, এখন আর মদ না হ'লে এক দণ্ডও টিকতে পারি না—
এক জ্বালা নেবাতে গিয়ে আর এক জ্বালা বাড়িয়েছি ! কি দুর্গাশঙ্কর
—কাঁদছ ? কাঁদ—কাঁদ—বরং সে ভাল ! কাঁদলে যাতনা অনেক
কমে । এখানে শোও ত বাবা—তুমি এখানে শুয়ে শুয়ে কাঁদ,
আর আমি তোমার গায়ে হাত বুলিয়ে দি, আর মায়ের নাম করি—
তারা—তারা—পাষাণী—

গীত

এ সব ক্ষেপা মায়ের খেলা ।

যার মায়ায় ত্রিভুবন বিভোলা ॥

সে যে আপনি ক্ষেপা,

কর্ত্তা ক্ষেপা—ক্ষেপা হুঁটো চেলা ॥

কি রূপ কি গুণ ভঙ্গি কি ভাব কিছুই যায় না বলা,

যার নাম করিলে কপাল পোড়ে

কণ্ঠে বিষের জ্বালা ॥

দুর্গাশঙ্কর ঘুমিয়ে পড়েছে । যাক, একটু ত ভুলে থাকবে ।

ব্যস্তভাবে অনাদির প্রবেশ

অনাদি । বাবু—বাবু—

নিধু । চুপ্—ঘুমিয়েছে—

অনাদি। কিন্তু বড্ড জরুরী খুড়ো—

নিধু। লোকটাকে কি মেরে ফেলতে চাও অনাদি—

অনাদি। এ দিকেও যে সর্বনাশ! তাইত—কি করি—কি করি—

উদ্ভ্রান্তভাবে প্রশ্ন

নিধু। একটু ব'সতে হ'ল নইলে এরা লোকটাকে ঘুমুতে দেবে না—

মেরেই ফেলবে।

নিধু সন্মুখে হুগাঁওর গায়ে হাত বুলাইতে লাগিলেন



তৃতীয় দৃশ্য

একতলায় রান্নাঘরের সম্মুখের বারান্দা

তহপরি চক্মিলান বাড়ীর ঝুলবারান্দা। রান্নাঘরে স্থখদা পাক করিতেছে।

বেলা দশটা তপনও বাজে নাই নিবারণসহ যোগেশ রান্নাঘরের

সম্মুখে আসিয়া দাঁড়াইয়া ব্যস্তভাবে ডাকিল—

“মা—মা—”

স্থখদা। (রান্নাঘরের বাহিরে আসিয়া) কি ! ডাকছিস্ কেন ? (নিম্ন-
স্বরে) হতভাগা ছেলে একশ’দিন বলেছি না, যে আস্তে কথা বলবি—
ঐ দাদার শোবার ঘর থেকে এ যায়গাটা স্পষ্ট দেখা যায়। নিধুঠাকুর ঐ
খাটের উপর বসে আছে, বুদ্ধির দোষে তুই সব মাটি ক’রবি দেখছি।
যোগেশ। দেওয়ান শালা, ভীষণ খোঁজাখুঁজি আরম্ভ ক’রে দিয়েছে—
সে একেবারে ক্ষেপে গেছে—শীঘ্র দলিলগুলো নিবারণের হাতে দেও
—ও এখনি রওনা হ’ক।

স্থখদা। তখন বলেছিলাম না যে এগুলি সরিয়ে ফেল ! কেমন খাটল
ত ! (উচ্চঃস্বরে) বোনের অস্থখ তা হ’লে যেতেই হবে। আহা
মা’র পেটের বোন। ভাই-বোনের মত আপনার জন কি আর আছে।
একেবারে টাটকা রক্তের টান। আমার রান্না ত সব হয়নি এখনও
—তা ভাল-ভাত খা হয়েছে দু’টা মুখে দিয়ে যাও বাছা (নিম্নস্বরে)
নিবারণ ঘরের ভিতর এস। দলিলগুলো আমার হাল্দের হাঁড়ীর
মধ্যে কাগজে মোড়া আছে—এখানে দাঁড়িয়ো না—ঐ দেখ নিধু
ব্যাটা তাকিয়ে আছে। (রান্না ঘরের ভিতর গেলেন)

নিবারণ। ফিরতে ত দেরি হবে—

যোগেশ। হাঁ তা ত হবেই। দলিল দেবে, টাকা আনবে। হাঁ
দেখ নিবারণ, টাকা হাতে না পেয়ে কিন্তু দলিল দিও না—হ’সিয়ার
—খুব হ’সিয়ার—

নিবারণ । সে বিষয় নিশ্চিন্ত থাকুন, কিন্তু আমার বাড়ীতে অল্প পুরুষ-
লোক নেই, ললিতা একা থাকবে—

যোগেশ । সে জন্ত তোমার চিন্তা নেই, আমি যখন আছি । একটা
ব্যবস্থা ক'রবই । তুমি নিশ্চিন্ত হ'য়ে রওনা দাও ।

নিবারণ । বথ'রা ?

যোগেশ । কেন ? দশ আনা ছয় আনা,—সেত আগেই স্থির হ'য়েছে ।

নিবারণ । হ'য়েছে ত, কিন্তু কাজটা যে আমারই সব ক'রতে হচ্ছে ।
ছয় আনায় আমার বড় ঠকা হয় যোগেশবাবু । ওটা আধাআধি
ক'রে দিন—কি বলেন ? রাজী ?

যোগেশ । (স্বগত) ব্যাটা কারে ফেলে, এখন মোচড় দিচ্ছে ! দাঁড়াও
সোনারচাঁদ—আমিও যোগেশ ঘোষ ! (প্রকাশ্যে) টাকার মধ্যে
কি আছে নিবারণ—ও দু'দশ টাকার কম বেশীতে কি আসে যায় ।
আমাদের দু'জনেরই উদ্দেশ্য হ'চ্ছে দেওয়ান ব্যাটাকে জব্দ করা—
সেটা হ'লেই হ'ল—কি বল ?

নিবারণ । আজ্ঞে হাঁ—তা বৈ কি—তা বৈ কি । তবে—তাহ'লে—
আপনি রাজী ত ?

যোগেশ । হাঁ—হাঁ—রাজী বৈ কি—নিও না তুমি আট আনা । ও
টাকা কড়িতে আমার কোন দিনই বড় একটা আশঙ্কি নেই । হাঁ,
আর তুমি দেয় ক'র না—দলিলগুলো নিয়ে চট্ট পট্ট বেরিয়ে পড়—
আবার কি ফ্যাসাদ বাধাবে—যে শত্রুপুরি !—

নিবারণ । ললিতার কিন্তু বড় ভয় ।

যোগেশ । সে জন্ত কোন চিন্তা নেই যখন আমি আছি ।

নিবারণ রান্না ঘরে ঢুকিল

আচ্ছা শালা, দেখে নেব তুমি কত বড় চালবাজ । বড় বড় সাগর
সাঁত'রে পার হ'য়ে এলাম, আর তুমি ত ঘাছ পচা ডোবা । ললিতার

বড় ভয় ! হাঃ হাঃ হাঃ —‘সে জন্তু কোন চিন্তা নেই, আমি যখন আছি !’ খাঁটি সত্য কথা—একেবারে খাঁটি ! এক এক ডিলে যদি তিনটে ক’রে পাখী মারতে না পারলেম—তবে আর বাহাদুরী কিসের । দলিলগুলোর জন্তু দেওয়ান ব্যাটা মামাবাবুর কাছে অপদস্ত হ’বে—চাকরী ত যাবেই—পুলিশেও যেতে পারে । এই হ’ল এক । দলিলের বিনিময়ে শিবনারায়ণ বস্তুর পাঁচ হাজার টাকা—যদিও আপাততঃ অর্ধেক নিবারণকে দিচ্ছি—কিন্তু সে অর্ধেকও হাতে আনতে আমার কতক্লণ ! এই দুই । আর তৃতীয় হ’চ্ছে, সুন্দরী ললিতা,—নিবারণের বাড়ীতে সে দিন তাকে দেখে আমি মুগ্ধ হ’য়েছি—তার গান শুনে আমি আত্মহারা হ’য়েছি,—ললিতাও হাবভাবে ইসারায় প্রকাশ ক’রেছে যে, সে আমায় চায় ! মিলনের অন্তরায় ছিল—এই নিবারণ । যাক্ দিন কয়েক ত নিশ্চিন্ত !

নিবারণ রান্নাঘর হইতে বাহির হইল

এই যে পেয়েছ ? হুঁসিয়ার—খুব হুঁসিয়ার ! আমার পত্রখানা শিবনারায়ণ বাবু ব্যতীত আর কারও হাতে দিও না—বুঝলে ? নিবারণ । হাঁ, তাহ’লে আমি বাড়ী থেকে জামা-কাপড় নিয়ে বেরিয়ে পড়ি ? যোগেশ । নিশ্চয় । (উঠেঃস্বরে) তোমার বোনের অসুখ কি রকম থাকে আমাদের জানিও নিবারণ—আমরা বিশেষ উৎকণ্ঠিত থাকব—নিবারণ । আধা আধি ত ?

যোগেশ । হাঁ—হাঁ—জান ত, আমি এক কথার লোক ।

নিবারণ । তবু—তবু—আচ্ছা, তাহ’লে আমি বেরিয়ে পড়ি । প্রহান

যোগেশ । শালা কি পাজি ! আচ্ছা দেখা যাবে ।

প্রস্থানোক্ত

সুখদা রান্নাঘর হইতে বাহিরে আসিল

সুখদা । আবার কোথায় বেরুচ্ছ বাছা এই অবেলায় ? রান্না-বান্না প্রায় হ’য়ে গেছে । (নিম্নস্বরে) হাঁরে গুঁড়োটা ত তেমন জোরের নহ—

যোগেশ। বল কি মা, ভাল ডাক্তারখানা থেকে কিনেছি।

সুখদা। না, তেমন ক্রিয়া পাচ্ছি না ত।

যোগেশ। তবে মাত্রাটা বাড়িও—কিন্তু একেবারে বেশী বাড়িও না
যেন—আস্তে—আস্তে—

সুখদা। নে—নে—আমাকে আর তোর বুদ্ধি দিতে হবে না। আমি
তোর মা—তাকে পেটে ধরেছি।—ঐ দেওয়ান আসছে,—ওদিকে
তাকাস্ না—খবরদার (উচ্চৈঃস্বরে) তিথিধন্মো যা করাবি তুই, তা
ত বুঝতেই পারছি—সকাল সকাল খেয়ে দেয়ে কোলকাতা থেকে
যে বইখানা এনেছিচ্ তা আমায় শোনাতে হবে—

যোগেশ। কি—গীতা শুনবে? সে যে সংস্কৃত। তুমি তা বুঝতে পারবে না।

অনাদির উদ্ভাদের স্থায় প্রবেশ

অনাদি। যোগেশবাবু, এদিকে নিবারণ এসেছিল?

যোগেশ। (স্বগত) নিবারণের খোঁজ! তবে কি সন্ধান পেয়েছে!
(প্রকাশ্যে) হাঁ দেওয়ানজী, এই যে কিছুক্ষণ পূর্বে তার বোনের
অসুখ দেখতে গেল। এত সকালে বাড়ীতে রান্না হয়নি বলে
এখান থেকে খেয়ে গেল।

অনাদি। (আপন মনে) তা হ'লে লোক পাঠাতে হয়—শ্রামা শ্রামা—
পাড়ে—

সুখদা ও যোগেশ অর্থপূর্ণ দৃষ্টি নিরূপ করিল

সুখদা। (স্বগত) আর কিছু সময় না পেলে ত যোগেশ ধরা পড়ে যাবে।

(প্রকাশ্যে) ব্যাপার কি দেওয়ানজী?

অনাদি। কেন তুমি জান না। শোননি?

সুখদা। কি ক'রে জানব ভাই—তোমরা না ব'ললে কার কাছে শুনব।

কি হয়েছে দেওয়ানজী?

অনাদি। আর কি হবে—আমার সর্বনাশ হয়েছে! বুকের রক্ত ঢেলে

এই ত্রিশ বছর ধরে বিশ্বাসী বলে—প্রভুভক্ত বলে যে সুনাম, যে খ্যাতি অর্জন করেছিলাম—গিয়েছে—সে সব গিয়েছে। সিন্দুক চাবি বন্ধ—অথচ ভিতরে একখানা কাগজও নেই। ওঃ—আমি কি ক'র্ব্ব—কি ক'র্ব্ব—কি ক'রে এ পোড়া মুখ মনিবকে দেখাব!

সুখদা। কাগজ! কি কাগজ দেওয়ানজী?

অনাদি। চরের মোকদ্দমার সমস্ত দলিল—(সহসা)—যোগেশবাবু—যোগেশবাবু! দয়া কর—এই বৃদ্ধ ব্রাহ্মণের উপর দয়া কর—তোমাদের অগ্নে প্রতিপালিত আমি—আমায় মেরে ফেল না—দলিল না পেলে আত্মহত্যা ভিন্ন আমার অন্য উপায় নেই—উপায় নেই—বাবা, আমি ব্রাহ্মণ, এই পৈতে দিয়ে তোমার হাত দু'খানি ধরছি—আমায় রক্ষা কর—দয়া কর—কাগজগুলো ফিরিয়ে দাও—

যোগেশ। দলিল ফিরিয়ে দেব আমি! আপনি বলছেন কি দেওয়ানজী! আপনি কি বলতে চান, যে সিন্দুক থেকে আমি চুরি করেছি। এত বড় সাহস আপনার!

সুখদা। কি! যত বড় মুখ নয় তত বড় কথা! ছোটলোকের মত স্পর্দ্ধা! তুমি ভেবেছ কি বল ত অনাদি চক্রবর্তী! জান তুমি আজ কাকে কি বলছ! বরাতেই দোষে চারটে ভাতের কাঁদাল হয়ে না হয় আজ আমার দোরে এসে পড়েছে—জান, তোমার মতন দু'দশ জন চাকর একদিন ওর বাড়ীতেও ছিল! (সহসা ক্রন্দন) ও গো, তুমি কোথায় আছ গো—দেখে যাও একবার তোমার যোগেশের দুর্দশা! চাকর আজ তাকে চোর বলছে—ও হোহো—আমাদের অদৃষ্টে এত-ও ছিল—~~সেই সময় মোতলার সুল বারান্দার উপর~~ “অত গোলমাল কিসের” বলিয়া ~~রেডিং ধরিয়া দুর্গাশঙ্কর আসিয়া পাড়াইলেন। পচাং পচাং~~ নিধ খড়ো—~~আহা~~ আহাহা, কেন আবার ওখানে যাচ্ছ!”—বলিয়া তাঁহার পার্শ্বে আসিয়া দাঁড়াইলেন।

অনাদি । শোন যোগেশবাবু, আমার অবস্থা বুঝতে পারছ ; আমি মরিয়াম—আমার মন ব'লছে দলিলগুলি তুমি নিয়েছ । আমি প্রতিজ্ঞা ক'রছি, ব্রাহ্মণ আমি, এই পৈতে ছুঁয়ে প্রতিজ্ঞা ক'রছি—এই মুহূর্তে আমি চাকরী ছেড়ে যাব—তোমার পথ প্রাণান্তেও আর মাড়াব না—শুধু কাগজ ক'থানি মনিবকে বুঝিয়ে দিয়ে আমি মানে মানে বিদায় হব । নীরব রইলে—যোগেশবাবু, নীরব রইলে—দেবে না—দেবে না,—শোন তবে, আমি ত ম'রেছি—তোমায়ও আমি সহজে ছাড়বো না—না,—কিছুতে ছাড়ব না ।

যোগেশ । কি, মারবে নাকি !

সুখদা । ওরে, কে কোথায় আছিস্, শীগ্গির আয়—অনাদি চক্রবর্তী আমার যোগেশকে মেরে খুন ক'রলে—কেন আমি ম'রতে ভাইয়ের দোরে এসেছিলাম—এর চেয়ে যে ভিক্ষে ক'রে খাওয়াও আমার ভাল ছিল ।

যোগেশ । কি, এত বড় স্পর্ধা তোমার দেওয়ানজী—তুমি আমায় মারতে তেড়ে আস । বেশ, আমি যাচ্ছি মামাবাবুর কাছে—প্রস্থানোত্ত

অনাদি । (পথ আগলাইয়া) না—না—কোথায় যাও, কোথায় যাও—আমায় মেরে না ফেলে যেতে পারবে না—আমি পাগল হ'য়েছি—পাগল হ'য়েছি—যোগেশবাবু,—দিদিমণি, তোমাদের পায়ে ধ'রছি—ব্রাহ্মণ আমি—তোমাদের পায়ের উপর মাথা খুঁড়ছি—দয়া কর—আমায় বাঁচাও ।

শ্রামার প্রবেশ

শ্রামা । এ কি দেওয়ানজী—দেওয়ানজী—ক'রছেন কি ?

দোতলা হইতে সিঁড়ি বাহিয়া দুর্গাশঙ্কর ও তৎপশ্চাৎ নিধু নামিয়া

আসিতে লাগিলেন

সুখদা । আর কি ক'রবেন ! এমন করেও লোকে শত্রুতা শোধ দেয়

গা! যতদূর পেরেছে অপমান ক'রেছে—গাল দিয়েছে—ধেয়ে ধেয়ে
মায়ুতে এসেছে—এখন ব্রাহ্মণ হ'য়ে পায়ের উপর আছড়ে পড়ে
পরকালের পথেও কাঁটা দিচ্ছে—যাও বাপু, ও সব বুজুকী—
অনাদি। পায়ের উপর মাথা খুঁড়লুম—তবু তোমাদের দয়া হ'ল না—
তবে সত্যি সত্যি আমায় মেরে ফেলবে—বেশ তাই হ'ক—তোমাদের
সামনে এই দেয়ালে মাথা ঠুকে ম'রব।

মাথা ঠুকিতে লাগিলেন—শ্রামা খরিয় ফেলিল

সুখদা। শ্রামা—শ্রামা! ধরু—ধরু—কি সর্ব্বনেশে লোক গা—এখন
আমাদের মায়ে ছেলের হাতে দড়ি দেবার চেষ্টা—কেন আমি ম'মুতে
এখানে এসেছিলাম!

দুর্গাশঙ্কর ও নিধু-খুড়া সেই সময়ে সে স্থানে আসিয়া উপস্থিত হইলেন

দুর্গা। অনাদি! (অনাদি মুখ ঢাকিয়া কাঁদিতে লাগিল)

সুখদা। দাদা—দাদা—তোমার সংসারে এসে—

দুর্গা। (হস্তের ইঙ্গিতে সুখদাকে স্তব্ধ করিয়া) অনাদি! ব্যাপার কি ?

অনাদি। বাবু—বাবু (হাউ হাউ করিয়া কাঁদিয়া উঠিয়া) সিন্দুক থেকে
দলিল চুরি হ'য়েছে—

দুর্গা। সে কি! কি দলিল ?

অনাদি। চরের সমস্ত দলিল—

দুর্গা। চরের সমস্ত দলিল!

অনাদি। আজ জেলায় যাব ব'লে কাল বেছে গুছে মিল ক'রে তাড়া
বৈধে সিন্দুক তুলে রেখেছিলাম। আজ সিন্দুক খুলে দেখি—
একখানিও নেই—সব চুরি হ'য়েছে—

সুখদা। অথচ সিন্দুক ঠিক তালা-বন্ধই আছে।

দুর্গা। অনাদি!

অনাদি। আজ্ঞে হাঁ—যেখানকার যা সব ঠিক আছে, কেবল সেই তাড়াটা নেই—

দুর্গা। সিন্দুকের চাবি ত একটা তোমার কাছে আর একটা আমার কাছে থাকে। তৃতীয় চাবি ত নেই। সব বিলিতি কল। ওঃ এত বড় জেদের মকদ্দমাটা—পঞ্চাশ হাজার টাকার সম্পত্তি! খুঁড়ো, সংসারটা বাস্তবিকই উন্টে গেল!

সুখদা। আর বুড়ো মিসেস আমার যোগেশকে ব'লছে যে, তুমি দলিল চুরি ক'রেছ!

দুর্গা। যোগেশ কি ক'রে দলিল পাবে অনাদি? এ তোমার অতি অন্ত্যায় কথা। তুমি ত নিজেই ব'লছ যে তুমি আজ তালা বন্ধ দেখেছ।

সুখা। মিসের সে কি ঢং! একবার তেড়ে মারতে আসছে—একবার পা ধরছে—একবার মাথা খুঁড়ছে—একবার দেয়ালে মাথা ভাসছে! এ যে সর্ব্বনেশে লোক গো! দুধ-কলা দিয়ে এমন কালসাপও মানুষে পোষে!

দুর্গা। অনাদি, আমি কিন্তু সন্তুষ্ট হ'তে পারছি না; তালা বন্ধ র'য়েছে—
—হাঁ, সিন্দুকে টাকা কড়ি ছিল?

অনাদি। আজ্ঞে হাঁ—সাড়ে বার শ' টাকা ছিল।

দুর্গা। সে টাকা আছে?

অনাদি। আজ্ঞে হাঁ।

দুর্গা। সব?

অনাদি। আজ্ঞে হাঁ—

যোগেশ। চোর বুঝি সে সাড়ে বার শ' টাকা রেখে যেত!

দুর্গা। এ যে আরও সন্দেহের কথা অনাদি—

অনাদি। বাবু, আমি এই পৈতে ছুঁয়ে ব'লছি, আমি নির্দোষী—আমি কিছুই জানি না—

দুর্গা। এ সব অবস্থা শুনলে কি তোমার কথা কেউ বিশ্বাস ক'রতে পারে অনাদি? অনাদি! সহোদরের অধিক তোমায় স্নেহ করেছি—সংসারের কাকেও যে কথা বলতে পারিনি, অকপটে তোমায় তা' বলেছি—আজ কি সেই বিশ্বাসের—সেই স্নেহের—ওঃ—(চোখে একবিন্দু অশ্রু দেখা দিল)

অনাদি। পৃথিবী! তুমি দ্বিধা হও—তোমার গর্ভে মুখ লুকিয়ে এ লজ্জা থেকে আমি নিষ্কৃতি পাই। বাবু—বাবু—আর বলবেন না—তার চেয়ে আমায় জেলে দিন—তাও আমি সহিতে পারব; কিন্তু আপনার এক একটা কথা আমার মর্ষ পুড়িয়ে ছাই ক'রে দিচ্ছে।

দুর্গা। আর আমার কি হচ্ছে অনাদি। দাঁড়িয়ে দেখছি একমাত্র পুত্রকে ত্যাগ ক'রেছি চোখ দিয়ে এক ফোঁটা জল পড়েনি—আর আজ তোমায় বিদায় দিতে—(কণ্ঠরুদ্ধ হইয়া আসিল, আর কথা বলিতে পারিলেন না।—ক্ষণকাল পরে) ওঃ—অনাদি! কি ক'ম্বেল কি ক'ম্বেল! তোমায় যে আমি বড় ভালবাসতেন—বড় বিশ্বাস ক'ম্বেলেন।

অনাদি। বাবু, অনাদি চক্রবর্তী আপনার সে বিশ্বাসের অমর্যাদা করেনি। এক আধ দিন নয়—আজ ত্রিশ বৎসর আপনার অয়ে প্রতিপালিত হ'য়েছি—আপনারই অমুগ্রহে আজ সাতটা তরপের লোক এই দরিদ্র ব্রাহ্মণকে দেখলে সসম্মানে মাথা নোয়ায়। অনাদি পিশাচ নয়—সে মাছুষ; সে সব কথা সে তোলে নি—ভুলতে পারে না। কিন্তু কি ক'রব বাবু—দশ-চক্রে আজ ভগবান ভূত হ'য়ে দাঁড়িয়েছেন। বুঝতে পারছি—মনে মনে সব বুঝতে পারছি—কিন্তু আয়নার ছবি, ধ'রতে পারছি না। আমি জেলায় যাচ্ছি—আপনার মকদ্দমা ক'ম্বেল। ঐ চর যখন দখল হয়, তখন এই অনাদি চক্রবর্তীই প্রথম মাথা দিতে গিয়েছিল—ঐ চরের জন্ত এই অনাদি

চক্রবর্তী সাত রাত্রি হাজত বাস ক'রেছিল—যাক সে কথা। আপনি নিশ্চিন্ত থাকুন, কোন চক্রান্ত টিকবে না, যতক্ষণ এই বৃদ্ধ বেঁচে আছে। মকদ্দমা আমি জিতে দেব, কিন্তু চাকরী আমি আর ক'ন্ব না। আপনারও যখন আমার উপর সন্দেহ হ'য়েছে, তখন আর আমাকে রাখা উচিত নয়। ভেবেছিলাম জেলা থেকে এসে, সুনামের সঙ্গে চলে যাব, কিন্তু তা হ'ল না। তবে আমি বলে যাচ্ছি, বিনা দোষে যারা এই পলিত-কেশ বৃদ্ধকে অপদস্থ ক'রেছে—মেহময় মনিবের নিকট বিনা কারণে অপরাধী প্রতিপন্ন করিয়েছে তারা এর যোগ্য প্রতিফল পাবে—পাবে। নইলে—নইলে আমার নারায়ণ পূজা মিথ্যা—গায়ত্রী উচ্চারণ ব্যর্থ—ব্রাহ্মণের পবিত্র শোণিতে আমার জন্ম হয়নি—হয়নি—হয়নি—

পৈতেটা দুই তিন খণ্ড করিয়া ছিঁড়িয়া ফেলিয়া টলিতে টলিতে প্রস্থান

সুখদা। চোরের বড় গলা—

নিধু। আর কেন মা, গিয়েছে ত।

সুখদা। (স্বগত) এ আবার আর এক আপদ উড়ে এসে জুড়ে ব'সল !

একটা না তাড়াতে আর একটা ! এযে মহীরাবণের গুপ্তি।

প্রস্থান

নিধু। কি ভাবছ হুর্গাশঙ্কর - চল উপরে যাই।

হুর্গাশঙ্কর নিশ্চক্ষে নিধুর অমুখতা হইলেন। কয়েকপদ গিয়াই নিধু গান ধরিল—

“আমার কি হবে শঙ্করি !

তুমি থাকতে ওমা আমার

জাগা ঘরে হ'ল চুরি ॥”

গান করিতে করিতে নিধু হুর্গাশঙ্করকে লইয়া দোতলায় উঠিল

চতুর্থ দৃশ্য

নলিনীর ভাড়াটীয়া বাড়ীর কক্ষ

নলিনী ও গোবিন্দ

নলিনী । এমন আপিস নেই যে ঘুরি নি । কিন্তু এমন অদৃষ্ট যে পনর টাকা মাইনের একটা চাকরীও জুটল না । কোথাও যদি সামান্য বেতনেরও একটা চাকরী খালি হ'ল—হাজার হাজার এম-এ, বি-এ, সেখানে হুম্‌ড়ি খেয়ে প'ড়বে ! আমার না আছে সহি সুপারিশ—না আছে বড় পাশের সার্টিফিকেট ।—কে আমার চাকরী দেবে বল ।

গোবিন্দ । তবে কি হবে দাদাবাবু ?

নলিনী । আবার এমনি গ্রহের ফের যে কাকার তার পেয়ে দু'জন লোকের বাড়ী যাতায়াতে খামকা কতকগুলো টাকা খরচ হ'য়ে গেল ।

গোবিন্দ । বুড়োবাবু দেখাটা পর্য্যন্ত ক'ম্‌লে না !

নলিনী । আবার সে কথা কেন গোবিন্দ—সে সব কথা ভুলে যাও—ভুলে যাও । আর সে অতীত কাহিনী স্বপ্নেও মনে ক'র না—ভুলেও মুখে এনো না ।

গোবিন্দ । বাড়ীওয়ারালার দারোয়ান আজ আবার এসেছিল ।

নলিনী । রাস্তায় তার সঙ্গে আমার দেখা হ'য়েছে—ও-বেলায় আসতে ব'লে দিয়েছি । ও-বেলায় যদি তাকে টাকা দিতে না পারি, তবে আর ইজ্জত থাকবে না । আজ প্রায় পঁচিশ দিন ওয়াদার পর ওয়াদা করে তাকে ঘুরিয়ে হয়রান করেছি—দারোয়ানটা খুব ভদ্র, তাই রক্ষে । মুদী কাল ব'লে দিয়েছে পূর্ব্বের টাকা না পেলে আর সে ধারে জিনিষ দেবে না । এখন ভাবছি গোবিন্দ, যে পারুল যদি তখন বুদ্ধি ক'রে বিন্দে আর ঠাকুরকে বিদায় না ক'ন্নত, তবে আজ কি অবস্থা হ'ত—কোথা থেকে গুণ্‌তেম তাদের মাইনে—তার

উপর এই সাত আট মাসে দু'জন লোকের খাওয়াতেও ত কম ব্যয় হ'ত না।—

গোবিন্দ। তুমি অত ভেব না দাদাবাবু—ভেবে ভেবে তোমার সোনার বর্ণ কালী হ'য়ে গেছে।

নলিনী। অদৃষ্টে আরও কি আছে কে জানে। এই হাতে একটি পয়সাও নেই, অথচ আজ সন্ধ্যার মধ্যে বাড়ীওয়ালার ত্রিশ আর মুদির কুড়ি— এই পঞ্চাশ টাকা যোগাড় ক'রতে না পারলে জ্বর হাত ধ'রে রাস্তায় গিয়ে দাঁড়াতে হবে, না খেয়ে ম'রতে হবে। গোবিন্দ! যে ভাবে হয় পঞ্চাশ টাকা আমি সন্ধ্যার মধ্যে যোগাড় ক'রবই ক'রব। তুমি একটা থাকবার ব্যয়গা দেখ। কুড়ি টাকা ভাড়ার বাড়ীতে আর থাকা চ'লবে না—কুড়ি টাকায় যে এখন আমার সংসার চালাতে হ'বে। তুমি কোন বস্তি-টস্টিতে তিন চার টাকা ভাড়ায় একখানা খোলার ঘর দেখ—কোন রকমে সেখানে মাথা গুঁজে পড়ে থাকা যায়। আজ সন্ধ্যাবেলায় সেখানে উঠে যাব।

গোবিন্দ। ঈশ্বর! এও আমায় কাণে শুন্তে হ'ল!

নলিনী। কি গোবিন্দ, কঁাদছিস্! এতেই চোখ দিয়ে টস্ টস্ ক'রে জল পড়ছে। এতে যদি চোখ দিয়ে জল ফেলিস্—তবে এর পর যখন তোর সামনে খেতে না পেয়ে শুকিয়ে কুঁকড়ে ম'রব তখন ত চোখ দিয়ে রক্ত ফেলেও কুল পাবি না। পিতা—জন্মদাতা—দেবতার দেবতা,— মনস্তাপের তীব্র যাতনায় তাঁর অন্তর থেকে অজ্ঞাতে যে কঠোর অভিষাপের বাণী ধ্বনিত হ'য়েছে—সে কি সহজ জিনিষ রে। সে আমায় চূর্ণ ক'রবে, ধ্বংস ক'রবে—জ্বালিয়ে পুড়িয়ে ছাই ক'রে দিয়ে যাবে—বাই দেখি গে' টাকা কোথায় পাই—

ব্যস্তভাবে প্রস্থান

গোবিন্দ। না,—কোন মতে এই ঘম বেটার দেখাটা একবার পেতাম—

তবে তার হাড় মাংস চুষে চিবিয়ে খেতাম। এত লোক ম'রছে—
 শুধু আমার মরণ নেই! আর ত চোখে দেখতে পারি না—আর ত
 সহ্য ক'রতে পারি না! যার বাড়ীর চাকর-বাকরদের পর্য্যন্ত দালানে
 ভিন্ন ঘুম হয় না—আজ সে রাজ্যেশ্বর রাজা, মাথা গুঁজবে একথানা
 খোলার ঘরে—এই ছপূর রদু'রে পঞ্চাশটি টাকার জন্ম আজ সে
 দোরে দোরে ঘুরছে। ভগবান! আমায় মরণ দাও—মরণ দাও—

কাঁদিতে লাগিল

পারুলের প্রবেশ

পারুল। তাকে অত নিমজ্ঞ ক'রে ডেকে আনতে হবে না গোবিন্দ-দা
 —সময় হ'লে সে আপনিই হাজির হবে। দেখ, তখন যেন পেছিত্ত
 না! হাঁ গোবিন্দ-দা, বুড়ো হ'য়েছ—এখনও কচি খোকার মত
 কাঁদতে তোমার লজ্জা করে না!

গোবিন্দ। কি দুঃখে যে কাঁদি দিদিমণি তা যদি জানতে!

পারুল। বল কি! দুঃখে তোমার কান্না আসে! ভারি আশ্চর্য্য ত!
 আমার ত হাসি আসে—এই দেখ না হাসছি—

গোবিন্দ। এমন হাসি চিরদিন তোমার মুখে যেন লেগে থাকে দিদিমণি!

পারুল। তা যেন থাকল—এখন বলত তোমার দাদাবাবু গেলেন কোথায়?

গোবিন্দ। এই কোথাও হয়ত বজ্রবাক্রবের সঙ্গে দেখা ক'রতে গেছেন!

পারুল। দেখলে গোবিন্দ-দা, তোমার দাদাবাবুর আক্কেলটা! চালে
 ডালে আমি তোফা রাজভোগ রেঁধে নিয়ে বসে আছি, আর তিনি
 গেলেন এখন বজ্রবাক্রবদের সঙ্গে দেখা ক'রতে। আজ মহাপ্রলয়
 হবে—আমি কিন্তু আগে থাকতে ব'লে রাখছি—

গোবিন্দ। না—না—দিদিমণি, দাদাবাবু তেতে পুড়ে আসছেন, এর পর
 আর তার সঙ্গে ঝগড়াঝাটি কর' না—লক্ষ্মী দিদিটা আমার—

পারুল। আমি তোমার সব কথা শুনতে রাজী আছি গোবিন্দ-দা—শুধু

আমায় ঐ অমুরোধটা ক'র না—দেখ্ছ ত, আমি কি রকম রেগে
গিয়েছি—

গোবিন্দ । না—না দিদিমণি, রে'গ না রে'গ না, ঘরের লক্ষ্মী তুমি, তুমি রাগ-
লেই যে সর্বনাশ, দাদাবাবু আমার তাহ'লে যে পাগল হ'য়ে যাবে—
পারুল । আচ্ছা গোবিন্দ-দা, তোমার অমুরোধে না হয় রাগব না—কিন্তু
আমার একটা কাজ তাহ'লে তোমায় ক'রতে হবে—

গোবিন্দ । বল দিদিমণি, কি ক'রতে হবে—এক দৌড়ে আমি তোমার
কাজ ক'রছি ।

পারুল । কাছে কোথাও শ্রাক্রার দোকান আছে ?

গোবিন্দ । শ্রাক্রার দোকান । সে ত লক্ষ্য করিনি দিদিমণি—তা
একটা শ্রাক্রার দোকান খুঁজে বের ক'রতে আমার দেরি হবে না ।
শ্রাক্রার দোকানে গিয়ে কি ক'ব দিদিমণি ?

পারুল । এই হারগাছা বিক্রী ক'রতে হবে—তৈরী ক'রতে দেড়শ'
টাকা লেগেছিল—এখন যা পাও—

গোবিন্দ । হার বেচব ! কার হার ? দিদিমণি—দিদিমণি, না—না, আমার
দ্বারা কখন তা হবে না, প্রাণান্তেও আমি তা পারব না । ভগবান—
পারুল । বাঃ রে তুমি যে কেঁদেই আকুল ! কাঁদছ কেন ?

গোবিন্দ । না দিদিমণি প্রাণান্তেও আমি তোমার হার বেচতে পারব না ।

পারুল । ওঃ—তাই বল । সেই জন্ত কাঁদছ । আমি ত অবাঁক । গোবিন্দ-
দাদা, এ হার ত আমার নয়—ঐ যে ও-বাড়ীর বউটা কাল আমাদের
এখানে বেড়াতে এসেছিল, সে বেচতে দিয়ে গেছে । তাদের লোকজন
কেউ নেই কি না । নিজেদেরও—এক সময়ে ওদের খুব ভাল অবস্থা
ছিল কি না—তাই আমার কাছে দিয়ে গেছে—

গোবিন্দ । দেখ দিদিমণি, বোকা পেয়ে বুড়ো গোবিন্দকে ফাঁকি দিও
না যেন—

পারুল। তুমি কি পাগল হ'য়েছ গোবিন্দ-দা। বেশী দেরি ক'র না কিন্তু—

গোবিন্দ বাইতে বাইতে কিরিয়্য বলিল

গোবিন্দ। দিদিমণি, আমি বোকা মুখ্য লোক—দাদাবাবুকে দিয়ে বিক্রী ক'রলে হ'ত না—দাদাবাবু দোকানে গেলে বেশী টাকায় বিক্রী হ'ত—

পারুল। বোটা যে এখনই আসবে গোবিন্দ-দা, তা'দের বড্ড দরকার—এসেই যদি টাকা না পায় তবে কেঁদে অনর্থ ক'রবে। আর তোমার দাদাবাবু ক্লান্ত হয়ে আসছেন—তাকে আর ও ঝঞ্ঝাটের ভিতর নিতে চাই না। আমাদের ত নয়—তু'টাকা কম বেশীতে আমাদের আসবে যাবে কি।—বেচতে দিয়েছে—বেচে দিলাম—ফুরিয়ে গেল।

গোবিন্দ। তা ঠিক বলেছ দিদিমণি, তেতে পুড়ে এসে দাদাবাবু আবার স্রাকরার দোকানে দোড়বে—আচ্ছা আমি-ই যাচ্ছি।

প্রস্থান

পারুল। তিনি এসে যখন জিজ্ঞাসা করবেন—কি বলব তাঁকে! সত্য কথাই বলব। রাগ ক'রবেন? আমি সব বুঝিয়ে বলব। এই কাটকাটা রোদ মাথায় ক'রে যার স্বামী 'হা টাকা হা টাকা' ক'রে দোরে দোরে ঘুরে বেড়াচ্ছেন—তার কি গহনা পরা শোভা পায়। না কালী! আলীকাদ কর মা যেন আমার সর্বাপেক্ষা শ্রেষ্ঠ অলঙ্কার আমার শ'াখা সিন্দুর যেন বজায় থাকে। দাদার একটা ভুলে কি সর্বনাশ হয়েছে! পিতা-পুত্রের মিলন পথের কাঁটা আমি—ঐশ্বৰ্য্যের ক্রোড়ে বর্জিত স্বামী আমার, আজ দারিদ্র্যের কষাঘাতে জর্জরিত। আর সে আমারই জন্তু—আমায়ই জন্তু। একটা কাল ব্যাধির মত আমি তাঁর সর্বান্ন ছেয়ে আছি। এ চিন্তার দাহ—তৃষানলের ন্যায়—আমার মন্মথ পুড়িয়ে ছাই ক'রে দিচ্ছে। স্বপ্নেও যাকে কামনা ক'রতে পারি নি, সেই দেবতা স্বামীর চরণে স্থান পেয়ে আমার এ নারী-জন্ম সার্থক

হয়েছে, কিন্তু তাঁর জীবন যে আমি বিষময় ক'রে দিয়েছি। প্রাণ
দিয়েও যদি পিতা-পুত্রের মিলন ঘটাতে পারতাম।

(নেপথ্যে—রাধা। “কৈ গো—”)

পারুল। কে? রাধা না? এ দিকে আয় না ভাই—

(দ্রুতিতে চোখের জল মুছিয়া ফেলিল)

গীত গাইতে গাইতে রাধার প্রবেশ

যশোমতী কোলে নাচে ব্রজ গোপাল।

মায়ের কোলে হেলে ছলে নাচে মায়ের হুলাল ॥

(তার) রাজ্য পায়ের সুপূর বাজে, থিয়া থিয়া গোপাল নাচে—

(ও তার) কচি হাতে তালি দিয়ে, থিয়া থিয়া গোপাল নাচে—

মায়ের শ্রাণ সঙ্গে নাচে, নন্দরাগীর নয়ন নাচে

তোরা দেখে যা দেখে যা—

বৃন্দাবন করি আলো, নাচে যশোমতীর কালো :

হেরে নয়ন জুড়াল।

কোটা মদন জিনি, অপরূপ নীলমণি

চাঁদমুখে “মা” “মা” বোল,

হৃদি চাঁদ চাঁদমুগ, চুখই চুখই,

যশোমতী ভেল পাগল ॥

কি গো নূতন গিন্নী—কি ভাবছ? ছেলে হবে—চাঁদ মুখে মা ব'লে
ডাকবে—আধ আধ স্বরে—

পারুল। তোকে ‘পিসীমা’ ব'লে ডাকবে—

রাধা। তা বৈ কি। তাহ'লেই আমার ‘রায়বাধিনী ননদিনী’র দলে
নিতে পারিস্। না?

পারুল। তবে কি হবি—‘মাসী’?

রাধা। হাঁ—তাতে রাজী আছি। ‘মাসী’ ডাকের সঙ্গে যে মায়ের গর
জড়ান আছে। কচি ছেলের আধ আধ স্বরের ‘মা’ ডাক—সে

চতুর্থ দৃশ্য

বড় মিষ্টি—বড় মিষ্টি—বুঝি সুধার সাগর মছন ক’রে তার জন্ম হয়েছে—মুহূর্তে মায়ের সমস্ত যাতনা দূর ক’রে দিয়ে তার প্রাণ অব্যক্ত পুলকে ভরে দেয়—নারীত্ব মাতৃত্বের ক্ষীর-সাগরে স্নান করে ধন্ত হয় ! (দীর্ঘশ্বাস)

পারুল । (স্বগত) কত বড় একটা তীব্র আকাজ্জক হতভাগিনীর বৃকের ভিতরে নুকিয়ে আছে । অথচ ইহ-জীবনে আর তা পূর্ণ হবে না । (প্রকাশ্যে) রাধা, আমার যদি ছেলে হয়, তবে সে তোকে ‘মা’ বলে ডাকবে—

রাধা । আর—আর—আমি তাই শুনতে শুনতে ঘুমিয়ে পড়ব । জীবনটা আমার সার্থক হ’য়ে যাবে ! দেখলে ভাই, কি দুর্ভাগ্য ! নাঃ, এ মনটাকে আর কিছুতেই বশে আনতে পারলেম না । এই দেখ, আবার চঞ্চল হ’য়ে উঠেছে—(সহসা) রাগসী ! করেছিচ্ কি—করেছিচ্ কি !

পারুল । কি—কি—রাধা ?

রাধা । না—না—সে ত মরেনি, ঘুমিয়েছিল মাত্র । যেই নাড়া পেয়েছে, ২ অমনি জেগে উঠেছে । অভ্যাস, সাধনা, সংযম—সব মুহূর্তে ভুসিয়ে দিয়েছে—সব মুছে নিয়েছে—সব বার্থ ক’রেছে ! সেই হাহাকার—সেই তীব্র হাহাকার—বৃকের মাঝে সেই তীব্র হাহাকার ! বৃক যে শূন্য—একেবারে শূন্য ! কই—কই—আমার ঠাকুর কই—আমার ঠাকুর কই—কোথায়—কোথায় ! দেখি খুঁজে দেখি— বেগে প্রস্থান

পারুল । রাধা—রাধা—চলে গেল ! এমন ত ওকে কখনও দেখিনি—পাগল হ’ল না কি । অত জ্বালা বৃকে ক’রে বে বেঁচে আছে এই আশ্চর্য্য !

নেপথ্যে—(নলিনী । গোবিন্দ—গোবিন্দ—)

এই যে এসেছেন ।

শুষ্কমুখে ক্লান্ত নলিনীর উত্তেজিত অবস্থায় প্রবেশ

নলিনী । না—মানুষকে আর বিশ্বাস করব না—এত অকৃতজ্ঞ—এমন
শয়তান সে ! ওঃ—

পারুল । কেন ? বিড়ালছানাও ত কম অকৃতজ্ঞ নয় ! মা-মরা একটা
বিড়ালছানাকে কত দুখ খাইয়ে কত নাছ খাইয়ে যেই একটু বড় ক’রে
তুলেছি অমনি একদিন সে আমার হাত কামড়ে দিল । এই দেখ না,
আজও আমার হাতে সে দাগ রয়েছে । মানুষ ত ঢের ভাল—
কামড়ায় না ।

নলিনী । কামড়ালে আর বেশী কি হয়—শরীরে একটু ব্যথা লাগে, বড়
জোর একটু রক্ত পড়ে । কিন্তু মানুষের অকৃতজ্ঞতা মর্শ্ব পুড়িয়ে ছাই
ক’রে দেয় । আজ সতীশের কাছে গিয়েছিলেম—পঞ্চাশটা টাকার
জন্ম—সতীশ—আমার অভিন্নহৃদয় বন্ধু সতীশ—বুঝলে পারুল ?

পারুল । উদ্দুটা ভাল জানি না, কিন্তু বাঙ্গালা ব’ল্লে পরিকার বুঝতে
পারি ।

নলিনী । ঠাট্টা নয় পারুল—শোন—পঞ্চাশটি টাকার জন্ম সতীশের কাছে
গিয়েছিলেম ! বাবু শনিবার ক’রতে যাবেন ব’লে ইয়ার বন্ধুদের
নিয়ে মোটরে উঠতে যাচ্ছেন—সে সময় আমায় দেখে এক বন্ধুকে কি
ব’ল্লে জান ! আমায় শুনিয়ে শুনিয়ে ব’ল্লে—“নাঃ, এই শালা
ভিথিরিদের জালায় অস্থির !” ভিথিরি—ভিথিরি—আমি ভিথিরি !
আর যখন টাকার অভাবে দেশে ফিরে যাচ্ছিলে, তখন বই, কলেজের
মাইনে, মায় জামা কাপড় জুগিয়ে, বাড়ীতে রেখে কে তোকে লেখা-
পড়া শিখিয়েছিল—সে এই ভিথিরি ! আজ বড় এটর্নির মেয়ে বিয়ে
ক’রে তার ফার্মের অংশীদার হ’য়েছে—না ?

পারুল । ওঃ—তাই বল । বড় এটর্নির মেয়ে বিয়ে করেছে ! তবে ত
সে ব’ল্বেই ।

নলিনী। ব'ল্বেই! কেন? আমি কি তার কাছে ভিক্ষা ক'রতে গিয়ে-
ছিলাম। এখনও আমি তার কাছে পাঁচ-ছশ' টাকার উপর পাই, যা সে
আমার কাছ থেকে হাওলাত নিয়েছে। আজ পঞ্চাশটি টাকা চেয়ে
আমি হ'লেম ভিথিরি! আজ টাকার মুখ দেখেছি, মোটর
চড়চিস্—না?

পারুল। আচ্ছা, এক কাজ কর—

নলিনী। কি?

পারুল। তাকে একদিন নিমন্ত্রণ ক'রে খুব ভাল ক'রে খাইয়ে দাও—

নলিনী। অপমানের তীব্র বিষে আমার শরীরের প্রত্যেকটি লোমকূপ
রি রি ক'রে জলছে, আর তুমি তাই নিয়ে রহস্ত ক'রছ—তুমি হাস্ছ!।
এ দুর্দিন আমার চিরকাল ছিল না—জান, ইচ্ছা করলে এ আমি
এড়িয়েও চ'লতে পারতাম।

ক্ষণকালের জন্ত পারুলের মুখখানি কাগজের মত শাদা হইয়া গেল। কিন্তু

সে শুধু ক্ষণিকের জন্ত। মুহূর্তে নিজেকে সামলাইয়া লইয়া

প্রশান্ত-বদনে পারুল বলিল—

“নাথ—ইষ্টদেবতা! সুখা পায় ঠেলে স্বেচ্ছায় আদর ক'রে বিশ্বের
অনাদৃত হলাহল পান ক'রেছ, এখন যদি বিশ্বের জালায় ছট্ফট্ কর,
তবে তোমার হলাহল পানের সার্থকতা থাকবে কোণায়।”

(নেপথ্যে—গোবিন্দ। দিদিমণি—)

যাচ্ছি গোবিন্দ-দা। এইবার চানটা ক'রে চারটা খেয়ে নাও লক্ষ্মীটা,
আমি আস্ছি এখনি।

নলিনী। টাকাটার যোগাড় হ'ল না। আবার দারোয়ান আসবে।
একবার বাড়ীওয়ালার বাড়ী থেকে ঘুরে আসি—দেখি যদি ব'লে
ক'রে আর দু'টো দিন সময় নিতে পারি।

পারুলের পুনঃ প্রবেশ

পারুল । হাঃ হাঃ হাঃ—

নলিনী । হঠাৎ এত হাসির কোয়ারা ছুটল যে ?

পারুল । ছোট্টাতে জানলেই ছোট্টে—তবে কথা হ'চ্ছে জানা চাই—

হাঃ হাঃ হাঃ—

নলিনী । তোমার মাথা খারাপ হ'ল না কি ।

পারুল । আমার সতীনের হ'ক । বল—বল—তোমার ক'টাকা চাই ? বল

বল—আজ আমি দাতাকর্ণ—বল না—বল না—ক'টাকা চাই ?

নলিনী । ক'টাকা চাই । টাকা ?

পারুল । জরুর । জলদি বোল !

নলিনী । কি বলছ পারুল ?

পারুল । পারুল ঠিক কথাই বলছে,—বল—বল—ক'টাকা চাই ?

নলিনী । কেন তুমি দেবে নাকি !

পারুল । বলেই দেখ না—দিই কি না ।

নলিনী । আচ্ছা পঞ্চাশ টাকা ।

পারুল । হাত পাত ।

নলিনী । কি পাগলাম শুরু ক'বুলে এই আড়াই প্রহরে—

পারুল । ব'ললে ত আবার পুরুষের রাগ হবে । সৃষ্টির লোকের কাছে

হাত পাততে পার । আর স্ত্রীর কাছে হাত পাততেই বৃষ্টি বত দোষ ।

না ?—আহা—পাতোই না হাতখানা এক ঠার —

নলিনী । আচ্ছা, দেখি তোমার কি পর্য্যন্ত দৌড় । এই হাত পেতেছি ।

পারুল । বেশ এখন চোখ বোঁজ—

নলিনী । পাগলামোর আর সময় শেলে না ! ও সব রেখে এখন দুটি

দেবে ত দাও, খেয়ে দেয়ে আবার বাড়ীওয়ালার কাছে যেতে হবে ।

পারুল । ঐ ত—ঐ ত তোমার দোষ—অগ্নেই অধৈর্য্য হয়ে পড়—লক্ষ্মীটি

আমার—~~আমার সেরা মাণিক আমার!~~ পঞ্চাশ নয়ন দু'টা একবার
নিমীলিত কর দেখি—

নলিনী। (বিরক্ত ভাবে) আচ্ছা পাগলের হাতে পড়েছি ত— এই নাও,
এই চোখ বুজেছি—

পারুল। লেগে যা ভানুমতির ভেঙ্কি! এক,—দুই,—তিন—

নলিনীর হাতে পঞ্চাশ টাকার নোট দিল

নলিনী। এ কি! নোট—পঞ্চাশ টাকার! এ তুমি কোথায় পেলে?

পারুল। বলছি—বলছি—ক্রমে—ক্রমে—সবুরে ঠিক মেওয়া ফ'লাবো।

আচ্ছা, পাত দেখি বা হাতখানি—

নলিনী। কেন, আরও আছে না কি?

পারুল। আহা—কেন তর্ক ক'রে সময় নষ্ট কর। সময়ের মূল্য বোঝ
না আমার হাঁড়ীশালের শূন্য সিংহাসন যে খাঁ খাঁ ক'রছে—আমি ত
আর বিলম্ব ক'রতে পারি না—পাত দেখি বা হাতখানি—

নলিনী। আচ্ছা, এই পাতলুম। চোখও বুজতে হবে নাকি?

পারুল। হুঁ:—(৭০ টাকার নোট প্রদান) এইবার চোখ খুলে দেখ দেখি।

নলিনী। এ্যা! আরও সত্তর টাকার নোট! পারুল—পারুল!

কোথায় পেলে এত টাকা? বল আমায়—

পারুল। আরে সে মজার কথা আর বল কেন! একেবারে দেশ ছাড়া
ক'রেছি—

নলিনী। দেশ ছাড়া ক'রেছ! কাকে?—

পারুল। সতীনকে—

নলিনী। সতীনকে!

পারুল। হাঁ গো—হাঁ, ঐ যে সেই হতভাগা হারছড়া সতীনের মত তোমার
~~কক~~ আমার ~~কক~~ মিলন-পথের বাধা হ'য়ে রোজ জ্বালাতন করে, এত
দিন ত স'য়ে হিংস্র, ভাবতাম দেখি যদি এর দরবারে যাবে,

আজ যখন দেখলাম যে তুমি হিংস্র হস্তে আমার পোষারবার দর—সে—আশা
বৃষ্টি তখন গোবিন্দ-দার মারফত একদম বিক্রমপুর চালান দিয়েছি।

নলিনী। কি! তুমি গলার হার বিক্রী ক'রেছ!

পারুল। উপায় কি বল! সত্যকাল হ'লে না হয় একজনকে দানই
ক'রতাম, কিন্তু এটা যে কলিকাল। এ কালে দান ক'রলে লোকে
যে মতলব খোঁজে! তাইত বাধ্য হ'য়ে বিক্রমপুরে চালান দিলাম।
নলিনী। পারুল—পারুল—কি ক'রেছ—কি ক'রেছ তুমি! উঃ, এ-ও
আমার অদৃষ্টে ছিল! স্ত্রীর অলঙ্কার বিক্রয়! বাবা, বাবা, আর কত
শাস্তি দেবেন—এতেও কি আপনার তৃপ্তি হয় নি!

পারুল। তুমি পুরুষ,—তুমি বীর,—তুমি বিজয়ী,—তুমি হবে শত বিপদে
পর্যন্তের মত অচল অটল, এই সব ভুচ্ছ ব্যাপারে কি তোমার এত
বিচলিত হওয়া সাজে!

নলিনী। কিন্তু, এ যে—এ যে—আমি সহ্য ক'রতে পারছি না। দুর্গাশঙ্কর
রায়ের পুত্র আমি, আজ সামান্য পঞ্চাশ টাকা—যাতে আমার
একদিনের বাজে খরচ কুলোয় নি, আজ সেই সামান্য পঞ্চাশ টাকার
জন্ত আমার স্ত্রীর গলার হার বেচতে হ'ল!

পারুল। আমার দিকে একবার তাকাও দেখি নাথ, আমি কিভাবে সহ্য
ক'রছি একবার ভাব দিখি! শত বিলাসিতার মাঝে পালিত তুমি,
ঐশ্বর্যের ক্রোড়ে বর্জিত তুমি—দারিদ্র্যের কঠিন পীড়নে তোমার বন্ধ-
পঞ্জর অপেক্ষা প্রিয় বিলাস-উপকরণগুলি একে একে বিক্রয় ক'রেছ—
এক একখানি ক'রে আমার চোখের সন্মুখে নিঃশেষ ক'রেছ—আমি
কি ক'রে তা দাঁড়িয়ে দেখেছি? কই, বুকের রক্ত ত চোখ কেটে
বেরোয় নি! লক্ষ্যেছ, ইষ্টদেবতা! রাজরাজেশ্বরের আজ কেন
দীন স্থিতির বেষ—কার জন্ত নাথ! এই কাঠকাটা রোদ, রাত্তার
কুকুরটা পর্যন্ত যাতে বেরতে সাহস করে না, তার ভিতর তুমি এই

আড়াই প্রহর বেলায়—মাথায় এক বিন্দু জল পড়েনি, পেটে এতটুকু খাবার পড়েনি, “হা টাকা, হা টাকা” ক’রে পাগলের মত ছুটে বেড়াচ্ছ আর—আমি কোন প্রাণে স্বর্ণালঙ্কারে ভূষিতা হ’য়ে ঘরে ব’সে তাই চেয়ে দেখব।

নলিনী। কিন্তু—কিন্তু পারুল, তোমার ঐ শূন্ত গলা আমার পাগল ক’রে দিচ্ছে—

পারুল। স্বামিন্, ইষ্টদেবতা, আমার ইহকালের সর্বস্ব, পরকালের মোক্ষ! কে চায় ঐ ছার সোণার হার! এস প্রভু, আমার কত জন্মের তপস্তার ফল—আমার কত জন্মের সাধনার ধন—(নলিনীর হাতখানি লইয়া গলার উপর রাখিয়া) আমার চিরবাহিত চিরকাম্য এই হার আমার গলায় পরিয়ে দাও—জীবন আমার ধন হ’ক। আর আশীর্বাদ কর যেন জন্ম জন্ম আমার এই বড় সাধের হার থেকে আমি বঞ্চিত না হই।

বলিতে বলিতে পারুলের মুখমণ্ডল এক স্বর্গীয় জ্যোতিঃতে উদ্ভাসিত হইয়া উঠিল—

তাহার মস্তক যেন ঈষৎ উর্ধ্বে উখিত হইল—নলিনী মুগ্ধ-বিস্ময়ে তাহার

দিকে চাহিয়া রহিল। তাহার নয়নে অন্ধা কুটিয়া উঠিল।

পঞ্চম দৃশ্য নিবারণের বাটী

খড়ের ঘর—পরিষ্কার—পরিচ্ছন্ন। গৃহমধ্যে শয্যার উপর ললিতা ও যোগেশ
উপবিষ্ট। যোগেশের সম্মুখে সুরাপাত্র প্রভৃতি সজ্জিত। ললিতা পাশে
বসিয়া হারমনিয়াম সহযোগে গীত গাইতেছে।

গীত

আজি নূতন সুরে বাঁধ বীণা নূতন গান গাও,
নূতন আঘোর নূতন চোখে নূতন ক'রে চাও।
যার লাগি তোমরা আঁখি লোরে কেটেছে রাত্টি,—
আজ দুয়ারে সেই নূতন অতিথি,
তুলি নূতন কেশী, জু'ই, চামেলী, মল্লিকা জাতি
ঐ নূতন মালা গাঁথি

তারে আঁধারে পরাও।

ললিতা। কি যোগেশবাবু, কেমন enjoy ক'রলেন?

যোগেশ। বেশ! তুমি ইংরিজীও জান। এঁা তুমি যে একটা রত্ন!

ললিতা। আমি যে মেমের স্কুলে পড়েছিলাম। সেখান থেকেই ত
আমার হাতে খড়ি। সেকেন্ড মাস্টার আঁক কষাতে Tiffin hour এ
রোজ বাসায় নিয়ে যেত। বছর খানেক বেড়ে কেটেছিল—তার-
পরই মেম ধ'রে ফেল্লে!

যোগেশ। তারপর—তারপর?

ললিতা। 'তারপর যা' হয়—নাম কেটে স্কুল থেকে তাড়িয়ে দিলে!
বাবা টের পেয়ে একটা অজ-পাড়াগৈয়ে গাঁড়ল চাবার সঙ্গে বিয়ে দিয়ে
একেবারে আমার খণ্ডরবাড়ী বীপান্তর দিলেন। ~~আমিও উপাসান্তর~~
~~না দেখে নতুনদের বিশদতরুন নাম করণ করতে লাগলেন। ডাকের~~
~~জোড় নতুনদের খুল পালিয়ে গেল, বুঝ থেকে বড় বড়িয়ে উঠেই~~

ভিনি তক্তবাঁধা পূর্ণ ক'রবার জন্ত কমাণ্ডার ইন-চিফ কলেসাকে
পঠানলেন, আর বিয়ের ছ'মাসের মধ্যে আমার স্বামী-দেবতা পটল
উৎপাটন ক'রলেন—আমিও হাঁক ছেড়ে বাঁচলেম !

যোগেশ । বটে ! বটে ! মধুসূদন ত খুব রক্ষা ক'রেছেন !

ললিতা । সে কথা আর ব'লতে । আমি হলুম ইংরেজিপড়া, মেমের
স্কুল ফেরত একম্প্রিশড্ লেডি—গাইতে জানি, বাজাতে জানি—ছ'দশ
খানা নভেল নাটক পড়েছি—আমায় কি না বলে সাত হাত ঘোমটা
টেনে বরের কোণে ব'সে থাকতে !

যোগেশ । আরে রাম ! সে কি একটা কথা !

ললিতা । আর সেই অসভ্য গৈয়ো চাষাটা—মুখে খোঁচ্ খোঁচ্ দাড়ী, পায়ে
এক হাঁটু ধুলো—তাকে আমার কথায় কথায় দেবতা দেবতা ক'রতে
হবে—আর সেই ~~কোঁকড়া~~ ত্রীচরণের ধুলো নিয়ে মাথায় মাখতে হবে !

যোগেশ । আরে ছোঃ ছোঃ ছোঃ—

ললিতা । এই দেখ, তোমার সঙ্গে ভাই কথা বলেও স্নেহ আছে—

যোগেশ । সে ভাই তোমার কৃপাদৃষ্টি ! তা নিবারণের বরাত ফিরল
কবে থেকে ?

ললিতা । কেন তোমায় বলিনি সে কথা ! “মনের কথা” ক'লকাতায়
যেতে চিঠি লিখল । আমিও ক'লকাতায় যাব মনে ক'রলাম । সেই
সময় নিবারণটা মামাবাড়ী যায়—ওর মামাবাড়ী আবার ঐ গাঁয়ে ।
নিবারণ আবার আমার দূর সম্পর্কে ভগ্নীপতিও হয় । তাই ভাবলেম
যে নিবারণের সঙ্গে এ নরকপুরি থেকে ত বেঝই । তারপর স্নযোগ
মত ক'লকাতায় চলে যাব ! পথে ক'দিন একসঙ্গে থেকে নিবারণের
সঙ্গে কেমন একটু ভাবও হ'য়ে গেল ! তার উপর—এখানে এসে
নিবারণ আমার সঙ্গে খুব ভদ্রতাও ক'রেছে—এসেই তার পরদিনই
স্ত্রীকে আর ছেলেমেয়েকে এখান থেকে বিদেয় করেছে । কাজেই একটু

চক্ষু লজ্জা হ'ল। আবার যেতে চাইলে নিবারণটা পায় ধ'রে হাউ হাউ ক'রে কাঁদে ! তাই ভেবেছিলাম যাক আর ক'টা দিন—তারপর ত ভাই তোমার সঙ্গে দেখা, এখন যে পায়ে শেকড় গজিয়ে গেছে— যোগেশ। কেন আর ভাই ছলনা কর—তেমন অদৃষ্ট আমার হবে ! এ অধমকে তুমি চরণে স্থান দেবে—

ললিতা। দে'খ ভাই শেষ কালে তুমি অবলা কুলবালাকে মজিয়ে মাঝ দরিয়ায় না ভাসাও—

যোগেশ। ললিতা—ললিতা—তুমি যদি আমার হও—তোমাকে আমি মাথায় ক'রে রাখ'ব। নিবারণ তার স্ত্রীকে আর ছেলেমেয়েকে তাড়িয়েছে—আমি আমার মাকে পর্যন্ত তাড়াব। তুমি আমার হও ললিতা—

ললিতা। হবে কি হে—বহু দিন ত হ'য়েছি—

যোগেশ। সত্যি ! মাইরি !—আমার মাথায় হাত দিয়ে বল ললিতা—

ললিতা। তোমার—তোমার—তোমার—কেমন এইবার হ'ল ত !

যোগেশ। তা'হলে নিবারণের কি ব্যবস্থা ক'রবে ? সে যে কালই আসছে—

ললিতা। এ'্যা—কাল আসছে ?

যোগেশ। হাঁ—ললিতা। সে এলে আমার কি উপায় হ'বে—কেমন ক'রে আমি তোমার বিরহ সহিব—আমি যে মরে খাব ললিতা !

ললিতা। Idiotটা কাল আসছে—আবার সেই ঘ্যান্ ঘ্যান্ প্যান্ প্যান্ !

তাই ত ! যোগেশবাবু, তোমার মামার জমিদারীটা তুমি পাবে ত ?

যোগেশ। নিশ্চয় ! নলিনীটাকে তাড়িয়েছি—অনাদি চক্রবর্তীকে দূর ক'রেছি—আর আমার জমিদারী পাওয়া ঠেকায় কে !

ললিতা। বেশ, বেশ, এই ত চাই। সাথে কি তোমাকে আমার অত ভাল লাগে। হাঁ যোগেশবাবু, তোমার বিধবা বিবাহে আপত্তি আছে ?

যোগেশ। কিছু মাত্র না। তোমার মত বিধবা পেলে, তিন পুরুষে
বিধবাকেও বিয়ে ক'রতে রাজী আছি।

ললিতা। তুমি ভাই বেশ up-to-date। সেইটা আমার আরও ভাল
লাগে।

যোগেশ। সে ভাই তোমার মহিমে।

ললিতা। কিন্তু idiotটা কাল যদি এসে পড়ে—তা'হলে—তাইত—

যোগেশ। তুমি কোলকাতা যাবে ঠিক ক'রেছিলে না?

ললিতা। এই দেখত, তোমায় আমার কেমন মিশ খায়! আমিও ঠিক
ঐ কথাই ভাবছি।

যোগেশ। ব্যস, তবে আর ভাবনা কি! আজ রাত্রেই তুমি কোল-
কাতায় চলে যাও। আমিও হাতের জরুরি কাজ ক'টা সেরে দু'
চার দিনের ভেতর হজুরে হাজির হ'ব। কি বল?

ললিতা। সেই ভাল।

যোগেশ। তুমি দে'খ ললিতা, আমি তোমাকে কি যত্নেই রাখি! ইঁ,
নিবারণ সে টাকাটা কোথায় রেখেছে?

ললিতা। কোন্ টাকা?

যোগেশ। ঐ যে, সেই পাঁচ হাজারের অর্ধেক আড়াই হাজার—

ললিতা। ও—সেই টাকা! সে ত আমার কাছে। তোমার সঙ্গেও
সে রকম আলাপ হ'ক—তখন দে'খ, ও সব টাকা কড়ির হাদ্দাম
তোমায় মোটেই পোরাতে হবে না।

যোগেশ। বেশ—বেশ—তাহলে সে টাকাটা ত অবশ্য নিয়ে যাচ্ছ?

ললিতা। নিশ্চয়। আমরা ভাই শিক্ষিতা মহিলা, টাকা-কড়ির ব্যাপারে
আমাদের ভারি উদারতা। 'পর' বলে কোন কথা আমাদের মনেই
আসে না।

যোগেশ। ব্যস, তা'হলে সব ঠিক, আজ রাত্রেই। ওঃ আজ আমার

সুপ্রভাত—কি আনন্দ—কি আনন্দ ! এখন তা'হলে ভাই একটু
drink—(মস্ত ঢালিয়া মাস ললিতার মুখের কাছে ধরিল)

ললিতা । ওকি ! জান ত ওটা আমার বড় একটা অভ্যাস নেই—

যোগেশ । হ'য়ে যাক—হ'য়ে যাক—drink হ'ল আমাদের 'কারণ',
drink নইলে কি আমোদ জমে ! চাঁদ-মুখে গেলাসটা তুলে ধরেছি
একটু প্রসাদ ক'রে দাও !

ললিতা । তোমার অমুরোধে কিন্তু ভাই যোগেশবাবু—(ললিতা প্রসাদ
করিয়া দিল—যোগেশ মহা আনন্দে তাহা পান করিল)

যোগেশ । ব্যস্—পান হ'ল এইবার একটা নাচ গান—
ললিতা । দূর ! তুমি কি যে বল—আমি কি ^{গায়ে} নাচতে জানি—

যোগেশ । কেন আর অধীনকে ছলনা কর প্রেমময়ী ।

ললিতা । একান্তই ছাড়বে না, তোমার অমুরোধ—~~দেখি গায়ে ভারী হ'য়ে~~
~~পড়েছি—আগের মত কি আর পারবু ।~~ ~~আমাত ভাই সজা ক'রেছে~~

~~যোগেশ । কিছু না—কিছু না—~~

~~ললিতা । আমি অবশ্য সরল। তার প্রেম বিহবলা তোমার অমুরোধ—~~
~~দেখি ধারণ হ'লে কিন্তু, হেল না ভাই—~~

গীত

আজি যমুনা কেন উজান বয় !

হাসিয়া লুটিয়া মন্দ ছানিয়া

মুখরা কি কথা কর ।

তার তীরে বাঁধী কত না বেজেছে,

ব্রজবালা জলে কত না থেলেছে,

জাগেনি কখন (ও) এ স্থপ শিহরণ,

যমুনারি দেহময় ॥

নিধু খুড়ার প্রবেশ

নিধু। কি বাবা চাঁদবদন! এই ছপুর বেলায়—একেবারে যে আমাদের
হস্তা ছুটিয়ে দিয়েছ! গ্রামে ঘরে অতটা বাড়াবাড়ী কি ভাল!
বিশেষ এই ভদ্রপল্লীতে! আরে কেও? বাবাজীবন যে—আরে
তাইত বলি (স্বর) ‘কমল ছাড়া হয় কি কতু ভুল’—

যোগেশ। (স্বগত) সর্কনাশ! এখনই মামাবাবুকে সব বলে দেবে!
নিধু। তারপর বাবাজীবন, এখানে কি জন্তু শুভাগমন—বাড়ীতে নেই
নিবারণ—

যোগেশ। সেইটাই ত খুড়ো—

নিধু। আসবার কারণ—কি বল বাপধন? এখন বল দেখি বিবরণ—
ললিতা। (স্বগত) বুড়ো বেশ রসিক ত—কথাগুলি ত ভারি মিষ্টি—
বেশ লাগছে। একে সঙ্গে নিলে ত হয়। (প্রকাশে) আসুন—বসুন—
যোগেশ। হাঁ, এস খুড়ো—ব’স—(স্বগত) আপদটাকে এখন বিদেয়
করি কি ব’লে। (প্রকাশে) এই খুড়ো নিবারণ মহালে গিয়াছে—
যাবার সময় বার বার ক’রে একে দেখাশুনা ক’রতে অমুরোধ ক’রে
গেল—তাই ভাবলুম মাসুখটা একা আছে—

নিধু। আমি গিয়ে দোকা করি। কেমন না? তা বাপধন, তুমি যে
মাসুখটাকে বড় বেশী দোকা করা আরম্ভ ক’রেছ! এই সকাল
নেই, সন্ধ্যা নেই, ছপুর নেই—

যোগেশ। কি করি খুড়ো ওর যে ব্যামো—

নিধু। ব্যামো! কি ব্যামো?

যোগেশ। এই—এই—পেট বেদনায় আজ ক’দিন বড্ড কষ্ট পাচ্ছে—

(স্বগত) ঝাটা যেন কাঁটালের ঝাটা—

নিধু। তুমি বাপধন চাঁদবদনের পেট বেদনার দাওয়াই?

যোগেশ। আমি যে খুড়ো ওকে চিকিৎসা ক'রছি—(স্বগত) ক্রমেই
যে জড়িয়ে পড়ছি।

নিধু। চিকিৎসা ক'রছ! কি রকম—কি রকম—

যোগেশ। এই—এই হোমিওপ্যাথি ওষুধ দিচ্ছি—

নিধু। বটে—বটে—কিন্তু বাবা ডোজ চালাচ্ছ যে এলোপ্যাথির। তা
বাবাজী, তোমাদের হোমিওপ্যাথি মতে নাচ গানটা কি আজ কাল
পেট বেদনার একটা বড় রকম দাওয়াই বলে গণ্য হয়েছে!

যোগেশ। এঁ্যা!

ললিতা। হোঃহোঃ হোঃ—(পাছু'থানি নাচের ভাবে নাড়িয়া, শব্দ করিল)

নিধু। ঐ যে! এখনও চাঁদবদনের শ্রী-অঙ্গে—(সুরে) তালে, তালে,
রিনি বিনি—রিনি বিনি ন্পুর বোলে।

যোগেশ। ওটা কি জ্ঞান খুড়ো (মাথা চুলকাইতে চুলকাইতে) ওটা
ওটা—

নিধু। ওটা—ওটা—

ললিতা। নিপাতনে সিদ্ধ!

নিধু। ঠিক—ঠিক—ঠিক বলেছ চাঁদবদন—ঐ নিপাতনে সিদ্ধ! কি
বাবাজীবন?

যোগেশ। বুঝতেই ত পারছ খুড়ো—কেন আর লজ্জা দাও! হ্যাঁ হ্যাঁ হ্যাঁ।

নিধু। হ্যাঁ হ্যাঁ হ্যাঁ—খুড়ো ও এক আঁচড়েই বুঝেছে রে বাবা—তা
বাপধন, এতক্ষণ পায়তারা ক'রছিলে কেন? খুড়ো কি চিরকালটা
এই রকম বুড়ো ছিল! খুড়োর প্রাণেও একদিন মলয়ার সুরসুরে
হাওয়া বইত—খুড়োর চোখেও একদিন ইন্দ্রধনুর রঙ্গিন ছবি জাগত।
এক কালে তোমার খুড়োকে লোকে “রসের সাগর” বলত! তারপর
তিন রাবণের চুল্লী বুকের উপর জলে এমন শোখ শুবলে যে,
সাগর গেল—রস কম শুকাল—মাটি পর্য্যন্ত ফেটে চৌচির—

(সুরে) দু'দিনের হাসি দু'দিনে ছুটিল

রহিল না আর কেউ—

ভবসিদ্ধ পারে একা ব'সে ক্ষেপা

গুণিছে ভবের ঢেউ—

ও: —এঞ্জিন একদম খালি—আর দম নেই—

ললিতা । সে কি !

নিধু । বুঝলে না চাঁদবদন—মোতাতের সময় হ'য়েছে—

ললিতা । ও:, এই কথা ! এটা চলবে কি ?

নিধু । এঁ্যা ! একেবারে খেতাসিনী ! জিতারও বাবা—জন্ম জন্ম

এমনি পেট বেদনায় ছট্‌কট্‌ কর আর খুড়োর প্রাণ শীতল কর—

ললিতা । খুব আশীর্বাদ ক'রলেন ত খুড়ো—

নিধু । আ হা হা বুঝলে না, ওটা নিপাতনে সিদ্ধ ! কিন্তু চাঁদবদন, এ যে

হরিষে বিষাদ হ'ল—এ যে একেবারে হাঁটু পর্য্যন্ত পৌছেছে, এ পা

দু'খানা নিয়ে কি ক'রব ? পূর্ণাঙ্গ না পেলে ত ধ্যান চলবে না—

ললিতা । ও:, এই কথা ! খান না কত খাবেন—ঐ আলমারি ভরা রয়েছে ।

নিধু । আহা হা ! অভয়া, কি অভয় বাণীই শোনালি, আর জন্মে তুই আমার

মাসী ছিলি ।—তাহ'লে চাঁদবদন একবার শ্রীঅঙ্গখানি নাড়তে হচ্ছে—

ললিতা । আচ্ছা, ওটা থাক, আমি আপনাকে আস্ত একটা বোতল দিচ্ছি ।

নিধু । আহা হা—তাই দাও—এটা থাক, তোমরা যুগলে হোমিওপ্যাথি

ক'র—অবশ্য এলোপ্যাথিক ডোজে—

ললিতা । এই নিন—(বোতল দিল)

নিধু । আহা হা—খেতাজ রূপসি !—কতকাল পরে - কতকাল পরে—

জুড়িয়ে গেল—বুখানা জুড়িয়ে গেল—

যোগেশ । (বিবিস্মিতকৈ ললিতাকে) কি ক'রলে বলত ! ও কি আর

এখন  ঠিক হবে !

ললিতা । (জনাস্তিকে) লোকটাকে আমার বড় ভাল লেগেছে—
যোগেশ । (জনাস্তিকে) এখনই যে সব মামাবাবুকে ব'লে দিয়ে আমার
আত্মশ্রদ্ধের ব্যবস্থা ক'রবে ।

ললিতা । (জনাস্তিকে) বেশ, এক কাজ কর না—ওকে বলে ক'য়ে
আমার সঙ্গে ক'লকাতায় পাঠিয়ে দাও না ! যতদিন তুমি যেতে
না পার—ওকে নিয়ে আমার দিনগুলো যা'হক এক রকম কেটে
যাবে ।

যোগেশ । (স্বগত) এ কথা মন্দ নয় । নিধু ব্যাটা আজকাল বড়
মামাবাবুর কাছে যাওয়া আসা ক'রছে । ওকে সরান দরকার !
তারপর ললিতার সঙ্গে ওকে পাঠাতে পারলে ললিতা হরণের সম্পূর্ণ
দোষটা ওর ঘাড়ে চাপিয়ে দিতে পারব ।

ললিতা । (জনাস্তিকে) কি ভাবছ ! ভয় নেই । বড়োর প্রেমে মজে
তোমার বুদ্ধাঙ্গুষ্ঠ দেখাব না ।

যোগেশ । (জনাস্তিকে) দূর ! আমি কি তাই ভাবছি ! ও কি যেতে
চাইবে ?

ললিতা । (জনাস্তিকে) দেখি ! (প্রকাশে) ও কি খুড়ো ! বোতল
কোলে ক'রে কি ভাবছ ?

নিধু । তারল্যরূপিণী, মূৰ্খ-বিদ্বান-ধনী-নিধনী-জ্ঞানী-অজ্ঞানী একাকার-
কারিণী, মনুষ্যঅনাশিনী, লাঞ্ছনাদায়িনী, বোতল বাহিনী খেতাদিনী !
সর্বস্ব দিইছি, এইবার প্রাণ আহুতি দিচ্ছি—গ্রহণ কর—আমায় মুক্ত
কর—(বোতলের গলাটা এক আঘাতে ভাঙ্গিয়া খানিকটা সুরা
উদরস্থ করিল)

ললিতা । খুড়ো খুড়ো—

নিধু । রোস বাবা, পূর্ণাহুতি হয় নি—(পুনরায় পা' বাস—কি
ব'লছিলে চাঁদবদন ?

ললিতা। খুড়ো তুমি যদি আমার একটা কাজ কর, তবে বত মদ খেতে পার আমি খাওয়াব।

নিধু। মাইরি।

ললিতা। নিশ্চয়।

নিধু। অভয়া! আজ যে অভয়বাণী শোনাচ্ছ তাতে তোমার জন্ত নিধু শর্ম্মার জ্ঞান কবুল। বল, কি ক'রতে হবে?

ললিতা। ক'লকাতায় আমার এক বোনের শক্ত ব্যায়রাম—

নিধু। কি, পেট ব্যথা? তিনিও কি তোমারই মত বেওয়ারিশ! তা বাবা, আমি ত হোমিওপ্যাথি জানি না।

ললিতা। যাও খুড়ো—তোমার কেবল ঠাট্টা।

নিধু। আচ্ছা, তারপর—

ললিতা। আমি তাকে দেখতে যাব। নিবারণ এখানে নাই, যোগেশবাবুও তাঁর নামার অসুখের জন্ত যেতে পারছে না, অথচ তার এমন অবস্থা যে, আছে কি নেই। আজ না গেলে হয়ত ইহজন্মে আর দেখাই হবে না। কিন্তু কার সঙ্গে যাব খুড়ো—একে মেয়েমানুষ তার উপর এই কাঁচা বরস—একা ত যেতে পারি না—তুমি যদি খুড়ো, আমাকে সঙ্গে ক'রে নিয়ে যেতে।

নিধু। তাহিত চাঁদবদন, বড় মুন্সিলে ফেললে যে—

ললিতা। নাঃ, গরীবের হুঃখ কেউ বোঝে না—ওঃ—একটা মাত্র বোন—একবার শেষ দেখাটাও— (চক্ষে অঞ্চল প্রদান)

নিধু। একেবারে ব্রহ্মাস্ত্র ছাড়লে চাঁদবদন—নাঃ, এর পর আর কথা চলে না। তবে চল। হাঁ, আমি দুর্গাশঙ্করকে একবার বলে আসি—

যোগেশ। (স্বগত) অর্থাৎ যোগেশ ঘোষের আত্মজ্ঞানের ব্যবস্থাটা ক'রে দিবে। (প্রকাশ্যে) মামাবাবু জানলে কি আর তোমাকে যেতে দিবে, খুড়ো, তিনি কিছুতেই ছাড়বেন না।

নিধু। কথা নেহাৎ মিছে বলনি বাবাজী। চল চাঁদবদন তোমার ঐ
চাঁদমুখেরই জয় হ'ক।

ললিতা। সাথে কি তোমায় এত ভালবাসি খুড়ো—

নিধু। এঃ—একেবারে জল ক'রে দিলে ধনমণি—

ললিতা। না খুড়ো, ওসব ধনমণি টনমণি না—তোমার মুখের ঐ
চাঁদবদন ডাক আমার ভাবি মিষ্টি লাগছে—

নিধু। আচ্ছা, তোমার আজ্ঞাই শিরোধার্য। বাবাজী সর্বদা দুর্গাশঙ্করের
কাছে থেক'—তাকে জ্বালাতনটা একটু কম ক'র। আর এই
অবস্থাটা তাকে বুঝিয়ে ব'ল।

যোগেশ। (স্বগত) সে আমার মনেই আছে। এমন কথা ব'লব!
(প্রকাশ্যে) সে জ্ঞাত তোমার কোন চিন্তা নেই, যা ব'লতে হয়, তা
আমি ব'লব—তোমার কিন্তু এখনই যেতে হবে খুড়ো!

নিধু। আমার আর কি! এইত আমি এক পায়ে খাড়া—তবে চাদরখানা,
গামছাখানা, আর কাপড়খানা নিয়ে আসি। হাঁ, আর কবাট
জোড়ায়-ও একটা তাল লাগাতে হবে, বাটিটা বাটিটা আছে—

ললিতা। দে'খ খুড়ো, আশা দিয়ে সরলা অবলাকে নিরাশ ক'র না—
গরীব ব'লে ভুলে যেও না—

নিধু। সে পথ কি আর রেখেছ চাঁদবদন—খুড়ো যে মজ্জুগল—

ললিতা। সত্যি না কি!

নিধুর হাসিতে হাসিতে প্রস্থান

যোগেশ। এই দোসরা গজের কিস্তি!

ষষ্ঠ দৃশ্য

বস্তির মধ্যে ক্ষুদ্র একখানি খোলার ঘরের অভ্যন্তর

রোগশয্যায় শায়িত শিশুপুত্রের পার্শ্বে পারুল উপবিষ্ট। নলিনী

পার্শ্বে দণ্ডায়মান। তাহাদের বসনে ভূষণে সামান্ত আসবাব

পত্রে মুষ্টিমান দারিদ্র্য একটি

পারুল। নিজের কথা বলি নি—আজ দুই দিনের মধ্যে ছেলেটার মুখে
ওষুধ দূরে থাক, একটু বার্ণির জলও দিতে পারুলেম না—গায়ে জ্বর
খাঁ খাঁ ক'রছে—আজ যে একেবারে নেতিয়ে প'ড়েছে—

নলিনী। কি ক'রব। এই দেখ, আজ ক'দিন ঘুরতে ঘুরতে কি ভাবে
পায়ের তলা খয়ে গেছে! চারটে পয়সা কোথাও জুটল না—
শেষে রাস্তায় দাঁড়িয়ে ভিক্ষা চাইতে লাগলেম, মুখের দিকে চেয়ে
কেউ একটু মুচকি হেসে চলে গেল—কেউ ব'ল্লে টিকটিক পুলিশ
—কেউ একটু মুকুঝিয়ানা ক'রে খেটে খেতে উপদেশ দিয়ে চলে গেল!
শুভ্র হাতে ফিরে এলাম! শেষে যে আমার এ অবস্থা হবে—ওঃ—

পারুল। তবে কি হবে! কি ক'রে বাছাকে বাঁচাব!

নলিনী। এখনও বাছাকে বাঁচাবে আশা ক'রছ পারুল। হায় অভাগিনী!

পারুল। ওগো, অমন কথা মুখে এনো না; দেখ যদি কোন রকমে
বাছার জন্ত যা হয় কিছু আনতে পার—

নলিনী। কোথা থেকে আনব—কি দিয়ে আনব—কেমন ক'রে আনব!
চেয়ে দেখ, এমন আমাদের কিছু নেই—যার বিনিময়ে কেউ একটা
পয়সা দেয়। ময়লা, দুর্গন্ধ খান কয়েক হেঁড়া ঝাকড়া—আর গোটা
দুই মাছির ভাঁড়। বুঝতে পারছ না পারুল—এ আমার শাস্তি, নইলে
আমারি ব'লুন সর্ব্বনেশে রোগ হবে কেন। সেই রোগের চিকিৎসায়
তোমার পুত্রের গহনাগুলো, জিনিষ-পত্র, খাট-বিছানা, বাস, মায়

পিতল কাঁসাগুলি—আমার ব'লতে যা কিছু ছিল, সব গেল।—

একেবারে আমার রাস্তার ভিত্তারী ক'রে দিল !

পারুল । ও গো, আর একবার যাও না—দেখ যদি কোথাও কিছু পাও—

কেউ কি আমাদের এই দুর্দশার কথা শুনে একটি পয়সাও দেবে না ।

নলিনী । হু—যাচ্ছি । কিন্তু বৃথা—

পারুল । ^{হু তৌন} খোঁজ পেলে ?

নলিনী । কোথায় তার খোঁজ পাব ! এখানে থেকে কি সে আমাদের

সঙ্গে না খেয়ে ম'রবে—গোবিন্দ বুদ্ধিমানের কাজই ক'রেছে—অবস্থা

বুঝে সবে পড়েছে ।

পারুল । না—না—গোবিন্দ তেমন নয় ! নিশ্চয় তার কোন বিপদ ঘটেছে ।

রোগে ছয় মাসের উপর তুমি প'ড়েছিলে, বখন একেবারে অচল হ'য়ে

উঠল—তখন বুড়ো-মানুষ মোট ব'য়ে পয়সা রোজগার ক'রে তোমার

ওষুধ পথ্য জুগিয়েছে । সে না থাকলে আমার অদৃষ্টে—

নলিনী । এ্যা—তাই ত—মনে হয় নি । রোস—আচ্ছা, পারুল আমি

আর একবার দেখে আসি—

গ্রহান

পারুল । মা কালি !—মা—এ কি ক'রলে—এ কি ক'রলে ! স্বামী

আমার রাজ্যেখর হ'য়েও আজ চার দিন অনাহারী, রুগ্ন পুত্রের মুখে

এক ফোটা বালির জল দেবার জন্য রাস্তায় দাঁড়িয়ে ভিক্ষা ক'রছেন,

—আর এই ছয় মাসের ছেলে—রাজার ছেলে—আজ খেতে না

পেয়ে, শুকিয়ে কুঁকড়ে ধীরে ধীরে—ও হো হো—এত অভিশপ্ত আমার

এ জীবন—এত বিষাক্ত আমার এ নিশ্বাস ! কেন জ'মেছি আমি—

এই দেবতার জীবনাকাশে ধূমকেতুর মত কেন আমি উদয় হ'য়েছি—

পারুল কাঁদতে লাগিল । সেই সময় উন্মুক্ত দরজা দিয়া দেখা গেল ^৮ শখিকতর

ছিন্ন বস্ত্র পরিধান করিয়া অতি সন্তর্পণে পারুল দেখিতে—

এই ভাবে নলিনী উঠান দিয়া বাহিরে চলিয়া গেল

পারুল পুত্রের নিকটে গিয়া বলিল—

খোকন আমার—সোনা আমার—চাঁদ আমার বক জুড়ান ধন
আমার—সমস্ত দুঃখের সাস্থনা আমার—চোখ মেল বাবা—আধ
আধ স্বরে একটি কথা কও বাবা। আহা—বাছা আমার নেতিয়ে
পড়েছে! যদি তিনি এবারও কিছু আনতে না পারেন, তবে কেমন
ক’রে আমি বাছাকে বাঁচাব—কেমন ক’রে!—ভগবান! যদি
কোলে দিয়েছ প্রভু—তবে কেড়ে নিও না ঠাকুর—এমন ক’রে
মায়ের বুকে বজ্র হেনে, মায়ের কোল খালি ক’রে তার বুক জুড়ান
ধনকে কেড়ে নিও না—কেড়ে নিও না—

গোবিন্দের প্রবেশ

গোবিন্দ। দিদিমণি—দিদিমণি—

পারুল। এসেছ—এসেছ গোবিন্দ-দা! আঃ—বাঁচলেম—তবে আমার
কাতর নিবেদন ভগবানের চরণে পৌছেছে—কথা বল না—ব’স,
আগে একটু স্নান হও, এত হাঁপাচ্ছ! মাথায় এ পটী বাঁধা কেন?

গোবিন্দ। গাড়ী চাপা প’ড়েছিলাম দিদিমণি—

পারুল। সে কি!

গোবিন্দ। মোট নিয়ে যাচ্ছি—মোড় ফিরবার সময় একখানা মটরগাড়ী
ঘাড়ের উপর এসে প’ড়ল।

পারুল। আ-হা-হা—তারপর—তারপর—

গোবিন্দ। বুড়ো মানুষ, টাল সামলাতে না পেরে পড়ে গিয়ে অজ্ঞান
হ’লেম। দিন সাতেক নাকি বেহুঁস ছিলাম—জ্ঞান হ’য়ে দেখি
আমি হাঁসপাতালে।

পারুল। হাঁসপাতাল!

গোবিন্দ। আস্তে আস্তে চাই, তারা আস্তে দেবে না। বলে, বাবে

কি ক'রে—রাত্তার মাঝে প'ড়ে ম'রবে যে।—তোমাদের যে অবস্থায় দেখে গিয়েছি, আজ আর কিছুতেই থাকতে পারলেম না—একরকম জোরাজুরি ক'রে আজ সেখান থেকে বেরিয়ে এসেছি। তোমাদের ছেড়ে যে আমি স্বর্গে গিয়েও স্থির থাকতে পারি না দিদিমণি—এ ক'দিন যে কি ভাবে কেটেছে—কই, আমার খোকনমণি কই?

পারুল। আর খোকনমণি! গোবিন্দ-দা—আর বুঝি তাকে বাঁচাতে পারলেম না—(কাঁদিতে লাগিল)

গোবিন্দ। এঁা—সে কি—কি হ'য়েছে তার?

পারুল। ঐ দেখ, অরে অজ্ঞান—বুকে স্নেহা জমে ঘড় ঘড় শব্দ হ'চ্ছে।

গোবিন্দ। ওষুধ দিয়েছ দিদিমণি—

পারুল। ওষুধ! গোবিন্দ-দা, আজ দু'দিনের মধ্যে বাছার মুখে এক ফোঁটা বালির জলও দিতে পারিনি—

গোবিন্দ। কেন—কেন দিদিমণি? (পারুল চোখে অঞ্চল দিয়া কাঁদিতে লাগিল) হঃ—বুঝেছি। দাদাবাবু কোথায়?

পারুল। (হাউ হাউ করিয়া কাঁদিয়া উঠিল) ভিক্ষা ক'রতে গিয়েছেন গোবিন্দ-দা—আজ চার দিন তাঁর পেটে দানা পড়েনি।

গোবিন্দ। বেশ—বেশ! আর তোমার তার চাইতেও বেশীদিন বোধ হয়, না? বুড়োবাবু, খুব আরাম ক'রে তোমার জমিদারী, তোমার টাকাকড়ি, তোমার ঘর-বাড়ী ধুয়ে ধুয়ে জল খাও। খুব আরাম ক'রে—খুব আরাম ক'রে! আমি চল্লেম দিদি—বেমন ক'রে পারি চুরি ক'রে হোক—ডাকাতি ক'রে হোক—ভিক্ষে ক'রে হোক—এখনই খোকনমণির খাবার আনব—

উঠিতে বাইরা পড়িয়া গেল; পুনরায় চেষ্টা করিতে লাগিল।

পারুল। না—না—পারবে না—উঠতে গিয়ে মাথাঘুরে গিয়েছে—এ কি! তোমার মাথার পটী বে রক্তে ভিজে উ

গোবিন্দ । উঠুক—একবার সোজা হ'য়ে দাঁড়াতে পারতেন ! ধর দেখি
দিদিমণি হাতখানা—একবার দাঁড় ক'রিয়ে দাও দেখি—ধর—ধর—
কেন দেবী ক'রছ—

পারুল । সোজা হ'য়ে দাঁড়াতে পারছ না—উঠতে গিয়ে পড়ে তোমার
মাথার ঘা দিয়ে যে রক্ত ছুটছে—তুমি যাবে কি ক'রে !

গোবিন্দ । যেমন ক'রে হোক আমার যেতেই হবে । আমার খোকন-
মণি আজ দু'দিন উপবাসী—যেতে হবে—আমায় যেতেই হবে—
ধর—হাত ধর—

পারুল হাত ধরিল ; গোবিন্দ অতি কষ্টে উঠিয়া লাঠিতে ভর দিয়া প্রস্থান করিল ।

পারুল । গোবিন্দ-দা ! আর জন্মে তুমি আমাদের কে ছিলে ! এমন
মানুষও সংসারে আছে ! খোকন—খোকন—আর ত নড়ে না—
চোখও মেলছে না !

পাতার চৌকি হাতে করিয়া অর্ধোন্মাদ নলিনীর প্রবেশ ;

মাথা কাটিয়া দর দর ধারে রক্ত ছুটিতেছে

নলিনী । পারুল—পারুল ! এনেছি—আর ভয় নেই । তোমার খোকনের
জন্ম সংসারের সব চেয়ে সেরা জিনিষ, যা কোন বাপ কোন ছেলেকে এ
পর্যন্ত খাওয়াতে পারে নি—তাই এনেছি—নাও, পেট ভরে খাওয়াও ।

পারুল । কই ? দাও—দাও—দেখি, যদি এখনও বাছাকে বাঁচাতে
পারি । বাছা আমার কেমন হ'য়ে—একি ! এ যে রক্ত !

নলিনী । হাঁ রক্ত—বাপের রক্ত ! চৌকি ভ'রে ছেলের জন্ম এনেছি ।
আমার বাবার মেরুদণ্ড ভেঙ্গে দিয়ে, বুকে শেল হেনে আমি চ'লে
এসেছি—আমার ছেলেকে যদি রক্ত না খাওয়ালেম তবে শাস্তি হ'ল
কই ! নাও—নাও—পেট ভরে খাওয়াও !

পারুল । ই—ই—তুমি কি—এ কি ! তোমার কপাল কেটে যে দর
দর ধরে প'ড়ছে, আমার মাথা খেতে কোথায় গিয়েছিলে !

নলিনী । রক্তটাই শুধু দেখলে—পদাঘাতটা দেখতে পেল না । এই দেখ,

পিঠে জুতোর লোহাগুলো কেমন সুন্দর ফুটেছে—কেমন সুন্দর—

পারুল । ভগবান ! ভগবান ! আর জন্মে কত পাপ ক'রে এসেছি ! ওঃ !

রাজ্যেশ্বরের—আমি রাক্ষসী—আমি রাক্ষসী—(কাদিতে লাগিলে)

নলিনী । তুমি কাদছ পারুল ! আমি কিন্তু কাদিনি । শোন তবে,

মোট বইতে গিয়েছিলেম । বেশী পরসা পাব বলে বড় মোটটা বেছে

নিলাম—একে রোগে দুর্বল হয়েছি, তার উপর চার দিন—হাঁ,

এই চার দিন কিছু খাইনি কি না—কিছু দূরে গিয়ে কাঁপতে কাঁপতে

পড়ে গেলাম । মাথার মোট পড়ে গেল—বাবুর ক'টা জিনিষ ভেঙ্গে

গেল—রেগে তিনি পিঠে বিলাতী জুতো শুদ্ধ লাথি মারলেন—হুম্‌ডি

থেয়ে ছটকে পড়লেম—রাস্তায় এক পাগল হাত ধরে টেনে তুলল

—চেয়ে দেখি,—কপাল কেটে গা বেয়ে রক্ত পড়ছে ।

পারুল । ভগবান—ভগবান—আর কত—

নলিনী । তুমি দ্বিবারাত্র ভগবানকে ডাকছ কিনা তাই তিনি আজ

আমার ভারি উপকার করেছেন—চেয়ে দেখি সামনেই এই পাতার

ঠোকাটা—কে হয় ত খাবার খেয়ে ফেলে গেছে—আমার আর

খুঁজতে হ'ল না—কষ্ট পেতে হ'ল না—সেইটে তুলে নিয়ে রক্ত ভরে

ছুটে এসেছি—খাওয়াও পারুল—তোমার ছেলেকে খাওয়াও—দেখ,

কেমন টকটকে লাল—দুর্গাশঙ্কর রায়ের রক্ত কি না ! কই আন—

হলে আন—দাও তাকে খাইয়ে দাও—দাঁড়িয়ে শুধু কাদছ ! মরে

যাবে যে ! তবে থাক তুমি—আমিই খাওয়াচ্ছি—পারুল, এত

ঠাণ্ডা কেন !

পারুল । এঁগা !

নলিনী । আসাড়া !

হাতের ঠোকা পড়িয়া গেল

পারুল । ওগো তবে কি আমার খোকন নেই !

নলিনী । না । হারে নিমকহারাম ! এত কষ্টের রক্ত একটু থেলি না !

খুব বেঁচে গেছিস । বম্ ভোলা ।

পারুল । ঐ্যা ! তবে আমার খোকন নেই—খোকন নেই—খোকন
আমার—যাহু আমার—বাবা—

মুচ্ছিতা হইয়া পড়িয়া গেল

নলিনী । খোকন—খোকন ! কই আমি ত কাঁদিতে পারছি না ! গলা
শুকিয়ে গেছে । একেবারে কাট—রোস, এই যে গায়ে রক্ত আছে—
এই দিয়ে ভিজিয়ে নি—তারপর—

ঠিক সেই সময়ে গোবিন্দ—“দিদিমণি ! ভয় নেই ভিক্ষা ক’রে
দুধ পেয়েছি আর ভয় নেই”—বলিতে বলিতে প্রবেশ করিল ।

নলিনী । এনেছ—এনেছ । কি ? দুধ ? বেশ—বেশ—দাও—দাও—
গোবিন্দ । দিদিমণি দিদিমণি—এই দাও—খোকনমণিকে দুধ খাওয়াও—
নলিনী । আর তাকে খাওয়াতে হবে না গোবিন্দ—নিশ্চিন্ত—একেবারে
নিশ্চিন্ত—সে মরে গেছে—চারদিন খাইনি—আমায় দাও—

গোবিন্দের হাত হইতে দুধের পাত্র কাড়িয়া লইল

গোবিন্দ । মরে গেছে !

নলিনী । হাঁ—হাঁ—নিশ্চিন্ত ।

গোবিন্দ কাঁপিতে কাঁপিতে অঙ্কুট আর্জনাৎ করিয়া বসিয়া

পড়িল । তাহার কথা বলিবার শক্তি নাই

নলিনী । চারদিন খাইনি—আঃ গলাটা ভিজ্বে—দুধ ভাল—দুধ ভাল !
(খাইতে গেল ও পাত্র কম্পিত হস্ত হইতে পড়িয়া গেল) গোবিন্দ—
খোকন—আমার খেতে না পেয়ে শুকিয়ে কুকড়ে মরেছে—খোকন—

তৃতীয় অঙ্ক

প্রথম দৃশ্য

দুর্গাশঙ্করের শয়ন-গৃহ

[সুখদা ও যোগেশ নিম্নস্থরে কথা বলিতেছেন]

সুখদা। যোগেশ, তুই কি সত্যিই আজ ক'লকাতায় যাবি ?

যোগেশ। বলছি ত, আমার যেতেই হবে।

সুখদা। না গেলে হয় না ?

যোগেশ। না—না—না। আর কতবার শুনতে চাও ?

সুখদা। তোর ভালর জন্যই বলছি বাছা ! চার দিকে এই আগুন জালিয়ে রেখে, এখান থেকে যাবি। কিসে কি সর্বনাশ হবে !

যোগেশ। (স্বগত) ললিতা বারবার চিঠি লিখছে—তার উপর সেই মেয়েকুলের মষ্টির শালা জানি না কি ক'রে সন্ধান পেয়ে আবার তার ওখানে আনাগোনা আরম্ভ ক'রেছে। না, আমার যেতেই হবে—যা হয় হ'ক।

সুখদা। যোগেশ, আমার কথা রাখ বাবা। ক'লকাতা যাবার সঙ্কল্প পরিত্যাগ কর। একটা হেস্তনেস্ত না ক'রে এখান থেকে এক পা-ও নড়িস না—

যোগেশ। বলেছি ত ক'লকাতায় আমার যেতেই হবে।

সুখদা। (হাত ধরিয়া) যোগেশ, আমার কথা রাখবি না ! কি, চুপ করে রইলি ! নাঃ মাহুকের সাধ্য কি যে অদৃষ্টের গতি প্রমাণ করে। বৃথা চেষ্টা—বৃথা ! আমি বুঝতে পেরেছি যোগেশ, তুমি যখন সেই

দ্বীলোকটির জন্ত তুই উন্মাদ হ'য়েছিস—আবার তোর মতিচ্ছন্ন ঘটেছে। মনে আছে আর একবার আমার অবাধ্য হ'য়েছিলি—আমার নিষেধ না শুনে এক রমণীর জন্ত উন্মাদ হ'য়ে নিজের যথা-সর্বস্ব-বিসর্জন দিয়েছিলি—সে বার প্রাণটা রক্ষা হ'য়েছিল—কিন্তু এবার—যোগেশ, যোগেশ, এখনও সাবধান হ'—আমার মায়ের প্রাণ জানি না কি এক অজ্ঞাত আশঙ্কায় কেঁপে উঠছে! যোগেশ—বাবা—যোগেশ। কেন বৃথা বিরক্ত ক'রছ মা। ব'লেছি ত' যা হয় হ'ক—আমার যেতেই হবে।

সুখদা। যা হয় হ'ক—তোমার যেতেই হবে। তবে ত অনেক দূর এগিয়েছ! কিন্তু আমি এ কি ক'রলাম—কার জন্ত ইহকাল পরকাল সব নষ্ট ক'রলাম! ওঃ—

প্রস্থান

যোগেশ। ললিতা—ললিতা! কি মিষ্টি নাম—কি মধুর তার কথাগুলি—কি সুন্দর তার মুখখানি! যদি না যাই, তাকে হারাব—নিশ্চিত হারাব। আর ক'লকাতায় গেলেই যে সব প্রকাশ হ'য়ে পড়ে আমার সর্বনাশ হবে তারও কিছু নিশ্চয়তা নেই। নাঃ, ও সব মায়ের অমূলক সন্দেহ—ভিত্তিহীন শঙ্কা। বুড়ো ত এখনও বাইরে আসছে না যে তাকে বলে যাব। যাক, ততক্ষণ সেরেস্তার কাজ-গুলো সেরে আসি।

প্রস্থান

শ্রামার অতি সন্তুর্পণে প্রবেশ

শ্রামা। একি বাবা! এ যে আগা গোড়া গি'ট আর প্যাঁচ! সোজা নয় জানতেম, কিন্তু এত বড় বাঁকা তা ত মনে করি নি। এই শুনলাম নিধু ঠাকুর ললিতা ঠাকরুণকে হরণ করেছে, আবার তুমি বাব 'ললিতা ললিতা' ক'রে বুক ফাটাচ্ছ কেন! তার উপর আবার 'ক'লকাতায় গেলে সব প্রকাশ হবে—তোমার সর্বনাশ

হবে! এ যে বিষম সমস্যা! ভিতরে ভিতরে একটা কিছু শয়তানি চক্র তোমাদের চ'লছে—নিশ্চয় চ'লছে। কিছুই ত বুঝতে পারছি না—যাই হ'ক, আমার আরও সতর্ক থাকতে হবে। দু'পুরুষ এ সংসারের ভুগ খাচ্ছি—পারব না—দেখা যাক।

দুর্গাশঙ্করের প্রবেশ

দুর্গা। ধীরে ধীরে জীবনের আলো নিশ্চিহ্ন হ'য়ে আসছে, আর কে তুমি আমার আবালা সংস্কার দূর ক'রে—আমার কঠোরতার দর্প চূর্ণ ক'রে, একটা তীব্র আকাজ্জক মূর্তি ধ'রে আমার বুকের ভিতর জেগে উঠেছে—কে তুমি—কে তুমি?

নিবারণের প্রবেশ

নিবারণ। (সভয়ে) আজ্ঞে আমি নিবারণ—

দুর্গা। (চমকিত হইয়া) এ্যা! (কিন্তু ~~কিন্তু~~ ~~আর~~ ~~অনেক~~ ~~চাহিয়া~~ ~~রহিয়া~~ ~~পড়া~~ ~~দিয়া~~ ~~প্রকৃতি~~ ~~হইব~~ ~~চরিত্র~~ ~~ও~~ ~~বলিলেন~~) ওঃ—হাঁ, তারপর নিবারণ, কোন খোঁজ পেলে?

নিবারণ। কোথায় আর খোঁজ পাব বাবু—নিধুঠাকুর তাকে নিয়ে দেশান্তরি হ'য়েছেন—

দুর্গা। নিধু খুড়ো—নিধু খুড়ো! সেই নিধু খুড়ো—নিবারণ, একি সম্ভব!

নিবারণ। আজ্ঞে প্রমাণ যা পাওয়া যাচ্ছে তাতে আর অবিশ্বাস ক'রবার কিছু নেই—

দুর্গা। প্রমাণ! প্রমাণ পেয়েছ?

নিবারণ। আজ্ঞে হাঁ! যে নৌকায় তারা গিয়েছিল তার মান্নি ফিরে এসেছে—আর যারা তাদের এক সঙ্গে ট্রেনে উঠতে দেখেছে তাদের মুখেও শুনেছি। বাবু—বাবু নিধুঠাকুর আমার সর্বনাশ ক'রেছে—

দুর্গা। শোকে অজ্ঞান, অরার জীর্ণ, আলায় বিদগ্ধ—~~ত্রি~~ তার মুখে

মায়ের নাম শুনে যে আমার শরীর রোমাঞ্চিত হ'ত! সেই নিঃস্থির প্রশান্ত আনন—সেই বিভোরতাময় সারল্য—তবে আর কি—তবে আর কি—নিবারণ—ঘরে আশুন আলিয়ে দাও গে'—শেয়াল কুকুরের সঙ্গে বনে জঙ্গলে বাস কর গে'—ছি: ছি: ছি: ছি:—

গবাক্ষের নিকট গিয়া দূরে আলোকিত প্রান্তরের দিকে চাহিয়া রহিলেন

যোগেশের প্রবেশ

যোগেশ। নিধুঠাকুরের কথা হ'চ্ছে বুঝি নিবারণ। নাঃ—লোকটা মাহুঘের উপর অভক্তি জন্মিয়ে দিয়েছে—কোন ছেলে ছোকরার ক'ম্বলেও মনকে একটা প্রবোধ দেওয়া যায়। কিন্তু—

দুর্গা। এঁ্যা! কি বললে?

যোগেশ। আজ্ঞে বলছিলাম যে ছেলে ছোকরার পক্ষে রমণীর রূপমোহে আকৃষ্ট হওয়া স্বাভাবিক। কিন্তু—

দুর্গা। স্বাভাবিক!

যোগেশ। আজ্ঞে হাঁ। অপরিণতি বুদ্ধি—খেয়ালের ঝোঁকে একটা কাজ ক'রে বসে। (~~দুর্গাশঙ্কর একদৃষ্টে যোগেশের মুখের দিকে তাকানো~~ ~~রহিলেন~~) কিন্তু নিধুঠাকুর যে খেয়ার নৌকায় পা বাড়িয়েছেন। তাঁর পক্ষে পাকা চুল মাথায় ক'রে পরজীহরণ—না, এর কোন কৈফিয়ত নেই।

দুর্গাশঙ্কর পাদচারণা করিতে লাগিলেন ও ক্ষণপরে আপন মনে বলিতে লাগিলেন—

• ‘রমণীর রূপবহির নিকট যদি বৃদ্ধের পলিতকেশ, বৃদ্ধের অভ্যস্ত সংযম মুহূর্তে ভঙ্গ হ'য়ে যায়—তবে প্রথম যৌবন উন্মেষে উদ্ভ্রান্তদৃষ্টি বালকের কি অপরাধ! না—কোন অপরাধ নেই—এইই জগতের নিয়ম। সৃষ্টির ব্যতিক্রম আমি—নিজের মাপকাঠিতে জগত মাপতে গিয়ে কি এক মহাপ্রম ক'রেছি—মহাপ্রম ক'রেছি—মহাপ্রম ক'রেছি!

দ্রুত পাদচারণা করিতে লাগিলেন

যোগেশ। মামাবাবু! আমি আজ ক'লকাতায় যাব ইচ্ছা ক'রেছি।

(দুর্গাশঙ্কর তাকাইলেন) বেদনার অসুখটা আবার বেড়ে প'ড়েছে
তাই মনে ক'রেছি সময় থাকতে একজন ভাল ডাক্তার দেখিয়ে
ওষুধের ব্যবস্থা ক'রে নিয়ে আসি।

দুর্গা। বেশ।

যোগেশ। আমার সব প্রস্তুত। শুধু আপনার অনুমতির অপেক্ষায় আছি—

দুর্গা। কখন যাবে?

যোগেশ। এখনই। আমার জিনিষ-পত্র সব নৌকায় উঠেছে—

সুখদার প্রবেশ

সুখদা। তুমি ত যাচ্ছ বাছা, দাদার শরীরের এই অবস্থা—

যোগেশ। নাঃ—এই মা-ই আমাকে পাগল ক'রবে। (প্রকাশ্যে)

ডাক্তারকে ভাল ক'রে বলে যাচ্ছি—আর তুমি ত আছ। (সুখদার
বিরক্তভাবে প্রস্থান) আমার বেশী দেরি হবে না—বড় জোর দু'তিন
দিন। আচ্ছ—তা হ'লে আমি রওনা হই।

দুর্গা। এস বাবা।

যোগেশের প্রস্থান

দুর্গাশঙ্কর পাদচারণা করিতে লাগিলেন, পরে সহসা ডাকিলেন

“যোগেশ—যোগেশ - দেখত নিবারণ, ডাকত যোগেশকে”—

নিবারণের প্রস্থান

দুর্গা। তার মায়ের অলঙ্কার স্নায়তঃ ধ্বংসতঃ তারই প্রাপ্য। কি অধিকার
আছে আমার এ থেকে তাকে বঞ্চিত ক'রবার। হয়ত হতভাগ্য
অর্থাভাবে—না—না—আর সে কথা ভাবব না—সেই স্বপ্নের কথা
—ওঃ—পাগল হ'রে যাব!

যোগেশ ও নিবারণ পুনঃ প্রবেশ

গেশ। আমার ডাকলেন?

দুর্গা। হাঁ—যোগেশ, খোকাকে মাসে মাসে একশ' ক'রে টাকা পাঠান হয় ত?

যোগেশ। এ আবার কি ফ্যাসাদ ! (প্রকাশ্যে) আজ্ঞে হাঁ।

দুর্গা। পাঠান হয় ?

যোগেশ। আজ্ঞে হাঁ। প্রতি মাসেই খাজাজি মশায়ের কাছ থেকে টাকা নিয়ে আমি নিজে পাঠাই !

দুর্গা। কোথায় পাঠাও ?

যোগেশ। সর্বনাশ ! নিবারণটা কিছু ব'লে দিয়েছে না কি ! (প্রকাশ্যে) আজ্ঞে তিনি তাঁর এক বন্ধুর নামে পাঠাতে লিখেছিলেন—

দুর্গা। লিখেছিল—সে লিখেছিল ! কই আমাকে বল নি ত ! কোথায় সে পত্র ?

যোগেশ। এখন কি উত্তর দি—ফিরেই দেখছি ঝকমারী ক'রেছি। (প্রকাশ্যে) আজ্ঞে যত দূর মনে পড়ে তাতে দাদা দেওয়ানজীকেই পত্র লিখেছিলেন এবং সে পত্রখানাও দেওয়ানজীর কাছে আছে !

দুর্গা। অনাদির কাছে।

যোগেশ। আজ্ঞে হাঁ। তিনি তাঁর এক বন্ধুর নামে পাঠাতে লিখেছিলেন, সেই নামেই বরাবর পাঠান হয়—

দুর্গা। বন্ধুর নামে কেন ?

যোগেশ। বোধ হয় নিজের ঠিকানা আমাদের নিরুট গোপন রাখতে চান। আমি সন্ধান নিয়েছি প্রতি মাসেই তিনি তাঁর বন্ধুর বাড়ী থেকে টাকা নিয়ে যান।

দুর্গা। তা'হলে তার বন্ধুর ঠিকানা যখন তোমার জানা আছে, তখন সেখানে খোঁজ ক'রে তুমি খোকার সন্ধান পেতে পারবে।

যোগেশ। আজ্ঞে হাঁ। খুব পারব। টাকা যা পাঠিয়েছি তা ভগবানই জানেন। যদি তাতে চায় ? নিবারণ শালা সব বলে দিলে না কি ?

দুর্গা। যোগেশ, আমার সঙ্গে এস।

বেগে স্মৃতিদার প্রবেশ

স্মৃতিদা। নিবারণ তুমি কিছু প্রকাশ ক'রেছ না কি ?

নিবারণ। কই ? না।

স্মৃতিদা। তবে ? মধুসূদন—মা কালী—রক্ষা ক'র মা। আমি জোড়া
মহিষ দেব মা। পায়ের শব্দ, আসছে,—হে মা কালী—হে মা
দুর্গা—রক্ষা কর মা—রক্ষা কর—

বেগে প্রস্থান

দুর্গাশব্দর ও যোগেশের পুনঃ প্রবেশ, যোগেশের হস্তে একটি গহনার বাস

দুর্গা। এ বাস্কে তার মায়ের সমস্ত গহনা আছে। প্রায় পনের হাজার
টাকার গহনা ! এ তারই প্রাপ্য। বাস্ক শিলমোহর করা আছে—
তার মায়ের মৃত্যুর পরদিনই আমি শিলমোহর ক'রেছিলাম। বাস্কের
চাবি তার কাছে আছে। বাস্কটি নিয়ে যাও—যদি তার সন্ধান
পাও—তাকে দেবে—দেখলেই সে চিন্তে পারবে। তার নিজের
হাতে দেবে—খবরদার আর কা'রও হাতে দিও না। খুব হুঁসিয়ার—
যোগেশ। যে আজ্ঞে—

দুর্গা। আর যদি তার সন্ধান না পাও—(গলার স্বর কাঁপিয়া উঠিল)
যদি সে না নেয়—তবে—তবে—ফিরিয়ে আনবে।

যোগেশ। যে আজ্ঞে। (স্বগত) তা আনব—একবার বেরুতে পারলে হয়—
দুর্গা। আচ্ছা যাও।

যোগেশ। (যাইতে যাওয়া) খোদা যখন দেন তখন এমনি করেই দেন !
আর

প্রস্থান

দুর্গা। যোগেশ—কে হাব !

(নেপথ্যে—যোগেশ—আমি নিবারণ পুনঃ

আর একটা কথা—(বেগে) হাঁ, তার নিজের হাতের
রসিদ আনবে। তার দেখলেই আমি চিন্তে পারব।

যোগেশ। যে আজ্ঞে। রসিদ আগে নিয়ে তারপর বাস্ক দেব।

দুর্গা। না—না—না—তা ক'ন্সতে যেও না—তা'হলে সে মোটেই নেবে না। তাকে আগে সব বুঝিয়ে দিও, তার পর সে যে পেলো তার একটা নিদর্শন তার কাছে চাইবে।

যোগেশ। বাস্কটা হাতে পেয়ে যদি নিদর্শন না দেন—

দুর্গা। নিশ্চয় দেবে—সে আমার ছেলে না।

যোগেশ। আমি তবে রওনা হই?

ঝড়ের মত স্থখদার প্রবেশ

স্থখদা। রওনা ত হ'চ্ছ! ক'লকাতা শহর চোর ডাকাতের মুগ্ধক—

অতগুলো টাকার গহনা নিয়ে একা যাচ্ছ—হারায় চুরি যায়—এর

জন্ত দায়ী হবে কে! আমি বাছা ঝড়টিটা পছন্দ করি না—

দুর্গা। যদি আবশ্যক মনে কর তবে কোন কৰ্মচারিকে না হয় সঙ্গে নিয়ে যাও।

স্থখদা। হাঁ, যজ্ঞেশ্বর বিশ্বাসী লোক। তাকে বরং নিয়ে যাও।

যোগেশ। (স্বগত) মা'র যে বুদ্ধি! যজ্ঞেশ্বরকে নিয়ে শেষে একটা মুষ্কিলে পড়ি আর কি! সাধে কি বলে বাইশ হাত কাপড়ে মেয়েলোকের কাছা আঁটে না। (প্রকাশ্যে) আজ্ঞে না, কিছু দরকার নেই।

স্থখদা। যা ভাল বোঝ বাছা। মোদা আমি ওর মধ্যে নেই।

দুর্গা। এখন তুমি যেতে পার। হাঁ, দেখ, আমি ডাকলেও আর কিরো না— বাও—

পেছন ফিরিয়া জানালার গরাদে ধরিয়। শ্রীমান প্রস্থান করিল

নিবারণ। (স্বগত) সার্থক হইল। এই যোগেশবাবু। পনের হাজার টাকার গহনা! ওঃ—আর বোকা বইতে আমরাই জন্মেছিলুম। যদি বা এক হাজার আড়াই টাকা

পেয়েছিলাম তাও বরাতে সইল না। শালী আমায় ধনে প্রাণে
মেরেছে।

দুর্গা। যোগেশ গিয়েছে নিবারণ ?

নিবারণ। আজ্ঞে হাঁ।

দুর্গা। যাক্, নিশ্চিন্ত।—বিশ্বাস নেই—অবাল্য সহচর সুযোগ পেলেই
মাথা খাড়া ক'রে উঠবে।

নিবারণ। বাবু আমার কি হবে ! আমি যে ধনে প্রাণে মরেছি।

দুর্গা। কি ক'রতে চাও ?

নিবারণ। আমি একবার তাদের খুঁজে দেখতে চাই।

দুর্গা। বেশ, ভাল কথা। কে আছিস্ ? খাজাঞ্জিকে একবার এখানে
আসতে বল ত। শোন নিবারণ, এমন দিন ছিল যখন আমার এই
বিত্তীর্ণ জমিদারীতে দ্বিপ্রহর রজনীতে সর্বদা অলঙ্কারে ভূষিতা হ'য়েও
কোন রমণী রাস্তায় বের হ'লেও তার দিকে কেউ কুদৃষ্টিতে চাইতে
সাহস ক'রত না—এমন কঠোর শাসন আমার ছিল। কিন্তু কি
ক'রবে—সে দিন আর আজ নেই।

নিবারণ। সে কি বাবু। এখনও যে আমরা আপনার রাম-রাজত্বে
বাস ক'রছি।

খাজাঞ্জির প্রবেশ

খাজাঞ্জি। আমায় ডেকেছেন ?

দুর্গা। হাঁ। নিবারণকে তই শ' টাকা দাও গে'—আর তার কাগজ
পত্র বুঝে নিয়ে যা—আর তে ছেড়ে দিও।

খাজাঞ্জি। যে আজ্ঞে যাব !

দুর্গা। যাও। (খাজাঞ্জি নিবারণকে পুনরায় পথে ও অন্ত্যস্ত খরচের
জন্ত আপাততঃ আমি তই শ' টাকা দিচ্ছি নিবারণ।
দরকার হয় আমার নিজস্ব দাসের সাহায্য পাবে। তুমি সর্ব প্রথমে

কাশী যাও। আমার বিশ্বাস—খুব দৃঢ় বিশ্বাস তারা কাশীতেই অজ্ঞাতবাস ক'রছে। বারাণসীর পবিত্র ভূমি ব্যতীত এত পাপ ভার বহিবার আর কার শক্তি আছে—অন্ত দেশ হ'লে ধ্বসে যাবে যে! তুমি সর্বাগ্রে কাশী যাও।

নিবারণ। যে আজ্ঞে—

হুর্গা। শোন নিবারণ, যদি তাদের খুঁজে বের করতে পার—নিধুঠাকুরকে যদি বেঁধে আমার সামনে আনতে পার আমি তোমায় পাঁচ হাজার টাকা পুরস্কার দেব। আমি একবার তাকে দেখব—হ্যাঁ, একবার তাকে দেখব। (ক্রত পাদচারণা) আচ্ছা, তুমি তা'হলে এস। কাগজ পত্র বুঝিয়ে দিয়ে সম্বর বেরিয়ে পড় গে'।

নিবারণ। যে আজ্ঞে। (স্বগত) যোগেশবাবুর দলে মিশে দলীল চুরি ক'রে এমন মনিবেরও আমি সর্বনাশ করেছি। আমার শাস্তির হয়েছে কি! ঢের বাকী—এখনও ঢের বাকী! গ্রন্থান

হুর্গাশব্দর নতমন্তকে কিছুক্ষণ পাদচারণা করিলেন, পরে
ধীরে ধীরে বলিলেন—

- হায় রমণীর রূপ! জানি না তোমার ভিতর কি মাদকতা আছে। পুত্র পিতার মেহ বিস্মৃত হয়, বন্ধু বন্ধুর বুকে ছুরি বসায়, বৃদ্ধের সংযম শ্রোতের তৃণের মত ভেসে যায়!

শ্রামার প্রবেশ

কে? ওঃ—শ্রামা! হাঁরে শ্রামা, খোবলার চাকর? দিন দেখেছিলি তুই?

শ্রামা। আজ্ঞে হাঁ।

হুর্গা। কেমন দেখতে রে?

শ্রামা। খুব সুন্দর বাবু, যেন সাঁতার কাটছে। ঠাকুরপা।

হুর্গা। আর শশীর মেয়েকে দেখেও

শ্রামা। আঙো হাঁ। কতবার দাদাবাবুর সঙ্গে তাঁদের বাড়ী গিয়েছি—

কতবার দেখেছি।

দুর্গা। কে বেশী সুন্দরী?

শ্রামা। বাবু বোদিদির তুলনা হয় না।

দুর্গা। এত সুন্দরী?

শ্রামা। আমি মুখ্য লোক—কি করে আপনাকে বোঝাব বাবু! সে মুখের দিকে একবার তাকালে চোখ ফেরান যায় না আর কি মিষ্টি কথা!

দুর্গাশঙ্কর বিহ্বলের স্থায় শ্রামার মুখের দিকে তাকাইয়া

রহিলেন। শ্রামা বলিতে লাগিল—

আপনি ত একবার দেখলেন না আমার বোদিদিকে—যদি আপনি একবার দেখতেন—যদি তাঁর মুখের একটা কথা আপনি শুনতেন—আপনি গলে যেতেন—

দুর্গাশঙ্কর দ্রুত পানচারণা করিতে লাগিলেন

কখনও অমন ক’রে আপনি তাড়িয়ে দিতে পারতেন না। বোগেশবাবু আর পিসীমা কতকগুলো মিথ্যা কথা লাগিয়ে আপনার মন ধারাপ ক’রে দিল—আমার দাদাবাবু কি তেমন ছেলে যে বাপের সঙ্গে মকর্দ্দমা ক’রবেন—বাপ বলতে যে তিনি অজ্ঞান’—

দুর্গা। এঁয়া! তবে কি সব মিথ্যা—

শ্রামা। মিথ্যা নয়! কই, এই ত দু’টো বছর হ’য়ে গেল—তিনি ত কোন মকর্দ্দমা কা—আর

দুর্গা। না, তা করে যাব!

শ্রামা। বাবু, আমি চাকর নিবাবু পুনঃক। আমি আর আপনাকে কি বোঝাব! তবে দু’পু—
অল্প আঙনে ঝাঁপ দিতে—নাসে/আমাদের দাদাবাবু যাতে আর এ

বাড়ীতে ফিরে আসতে না পারে, যোগেশবাবু আর পিসীমা তারই চক্রান্ত করেছে। মিথ্যা কথা লাগিয়ে লাগিয়ে দাদাবাবুকে আপনার ঢ'চক্ষের বিষ ক'রে তুলেছে—

দুর্গাশঙ্কর অপলক দৃষ্টিতে শ্রামার মুখের দিকে তাকাইয়া

রহিলেন। শ্রামা বলিয়া যাইতে লাগিল

যে অবস্থায়, যে ভাবে যোগেশবাবু আমার দাদাবাবু আর বৌদিদিকে ক'লকাতার বাড়ী থেকে তাড়িয়ে দেয়, তা শুনলে বাবু আপনার চোখ দিয়ে টস্ টস্ ক'রে জল গড়িয়ে পড়বে। আড়াই প্রহরের সময় দাদাবাবু তেল মেখে চান ক'রতে যাচ্ছেন—বৌদিদি আমার ভাত বেড়ে নিয়ে ব'সে আছেন, সেই অবস্থায় সংবাদটা দিয়ে তাদের বাড়ী থেকে তাড়িয়ে দিয়েছে যোগেশবাবু। দেওয়ানজী মাথা ভান্ডতে লাগলেন—কাঁদতে লাগলেন—যোগেশবাবুর পায় পর্য্যন্ত ধরলেন—তবু কি যোগেশবাবু থামে! তাদের বাড়ী থেকে তাড়িয়ে দিয়ে তবে—

দুর্গা। কি! এত বড় স্পর্ধা যোগেশের! যোগেশ—যোগেশ—

শ্রামা। যোগেশ বাবু ক'লকাতা গিয়েছেন বাবু—

সুখদার প্রবেশ

সুখদা। যোগেশকে ডাকছ দাদা—সে যে একটু আগে ক'লকাতায় গেল।

দুর্গা। হুঃ—আচ্ছা।

সুখদা। (যাইতে যাইতে) ছেলেও যেমন মামা-অন্ত প্রাণ—দাদারও উঠতে

বসতে 'যোগেশ—যোগেশ'। যোগেশ! মুহূর্তও চলে না।

প্রস্থান

দুর্গাশঙ্কর অধীর ভাবে কয়েকবার তাকান, শেষে বলিলেন—

বড় দেরি—সময় পাব ত—এত দেরি! ধিরাবার মত আয়ু এখনও আছে ত! দেখি, শ্রামা—আমি! শ্রামাকে লইয়া প্রস্থান

সুখদা পা টিপিয়া টিপিয়া প্রবেশ করিল ও যে দরজা দিয়া দুর্গাশঙ্কর ও শ্রামা
বাহির হইয়া গেল সেই দরজায় কাণ পাতিয়া শুনিতে লাগিল

সুখদা। হতচ্ছাড়া ক'লকাতায় যেতে বারবার নিষেধ ক'রলাম—আমার
কথা কাণে তুলল না। কত দিক এখন আমি সামলাব! সুযোগ পেয়ে
শ্রামাটাও এতক্ষণ কি ফাসুর ফুসুর ক'রে গিয়েছে। কি কাগজ পত্র
বের করছে! এদিকে আবার আসছে—তাকে তাকে থাকতে হ'ল।

প্রস্থান

দুর্গাশঙ্কর ও শ্রামার পুনঃ প্রবেশ উইলখানি হাতে লইয়া

দুর্গাশঙ্কর করেক বার পাদচারণা করিলেন

দুর্গা। নাঃ, এ কলিযুগে শ্রীরামচন্দ্র বা ভীষ্ম জন্মাতে পারেন না—তার
জন্ত অভিমান করা শোভা পায় না। এ উইল আমি পরিবর্তন ক'রব
—তার জন্মগত অধিকার থেকে আমি তাকে বঞ্চিত ক'রব না। তবে
দাতব্য ঔষধালয়ের সঙ্কল্পটা মনে জেগেছে—

উইলখানা খুলিয়া পড়িতে লাগিলেন। জানালার আড়ালে দাঁড়াইয়া সুখদা

সমস্তই দেখিতেছে। তাহার মুখ ভয়ে বিবর্ণ হইয়া গেল ও বলিল—

সর্বনাশ! উইল পড়ছে—হতভাগা আমাকে জিজ্ঞাসা না ক'রে—

ওঃ—গেল—সব গেল—সব প্রকাশ হ'য়ে পড়ল—

দস্তে দস্তে অধর দংশন করিতে লাগিল

দুর্গা। এ কি!

শ্রামা। কি বাবু?—আর তে?

দুর্গা। ভুল দেখিনি বাব!

চন্দ্রা খুলিয়া মুহিলেন ও নিবারণ করিয়া ও পুনরায় পড়িতে লাগিলেন

সুখদা। (আড়াল হইতে) ও সব পণ্ড ক'রল! এবার জেল—

দুর্গা। না, ভুল নয় ত—আসে আসে

শ্রামা। কি হয়েছে বাবু?

দুর্গা। কিছু না—যজ্ঞেশ্বরকে ডাক।

সুখদা। (অন্তরাল হইতে) ব'ল্লাম যজ্ঞেশ্বরকে সঙ্গে ক'রে ক'লকাতা নিয়ে যা—আমার কথা কাণে তুল্লাম না—এখন যে আগুন দাউ দাউ ক'রে জলে উঠবে—ওঃ—হু' হু'বার—হু' হু'বার ছার স্ত্রীলোকের জন্ত আখের নষ্ট কর্লাম!

দুর্গা। দাতব্য ঔষধালয়ের নামও নেই এ উইলে—সমস্ত সম্পত্তি যোগেশ পাবে! আশ্চর্য্য!

যজ্ঞেশ্বরের সহিত শ্রামার পুনঃ প্রবেশ

এই যে যজ্ঞেশ্বর! আমি তোমাকে কি মর্মে উইল লিখতে বলেছিলাম আর তুমি আমাকে কি পড়ে শুনিয়েছিলে? কি, চুপ ক'রে রইলে যে—উত্তর দাও—

শ্রামা। উত্তর দাও বাবু—

যজ্ঞেশ্বর। খাম রে বাপু! বাবু, আমি ছাপোষা মামুষ। ভয় পাই পাছে সত্যি কথা ব'লে চাকরিটা হারাই!

দুর্গা। সত্যি কথা বললে চাকরি হারাবে কেন?

যজ্ঞেশ্বর। যোগেশবাবুর সঙ্গে বিরোধ ক'রে কতক্ষণ আপনার সংসারে টিকতে পার্লাম। দেওয়ানজী পারেননি আর আমি ত আট টাকার মুহুরি। যাক, আপনি মনিব—আপনার অরে প্রতিপালিত হচ্ছি—সত্যি কথাই বলব—তাতে অদৃষ্টে যা একটা দাতব্য ঔষধালয় প্রতিষ্ঠার জন্ত আপনি আপনার স্থান ত্যাগ করছেন? সমস্ত সম্পত্তি দান করছেন এই মর্মে আমাকে উইল লিখেছিলেন—আমি ঠিক তাই লিখেছিলাম এবং আশ্চর্য্যে নিয়ন্ত্রিত—

দুর্গা। তাই লিখেছিলে! কই উইল লিখতে ও ত উইলে দেখছি না—যজ্ঞেশ্বর। কি ক'রে দেখবেন বাবু! উইল উইল নয়।

হুর্গা। সে উইল নয়!

যজ্ঞেশ্বর। আজ্ঞে না! ওখানা সেই দিন রাতে যে দ্বিতীয় উইল হ'য়েছে তাই।

হুর্গা। দ্বিতীয় উইল কে ক'রলে?

যজ্ঞেশ্বর। আপনার নামে যোগেশবাবু—আর লিখেছি আমি।

হুর্গা। হুঁ—তুমি লিখলে কেন?

যজ্ঞেশ্বর। না লিখলে চাকরি যায়। স্ত্রী-পুত্র নিয়ে না ধৈর্যে মরতে হয়!

শ্রামা। বরাবর জমিদারী হাত করবার চক্র! সেই জন্তই ত দাদাবাবুকে

আপনার চক্ষুশূল ক'রে এখান থেকে সরিয়েছে।

হুর্গা। এ সব এত দিন আমার জানাও নি কেন?

যজ্ঞেশ্বর। আমাদের ত উপরে আসবার হুকুম নেই।

হুর্গা। হুকুম নেই! কার হুকুম নেই?

যজ্ঞেশ্বর। আজ্ঞে যোগেশবাবুর—

হুর্গা। বেশ, শ্রামাকে দিয়ে জানাওনি কেন, চিঠি লিখে জানাও নি কেন?

যজ্ঞেশ্বর। চেষ্টা ক'রলে যে জানাতে না পারতেন তা নয়।

হুর্গা। তবে? তুমিও বুঝি এর ভিতর লিপ্ত আছ?

যজ্ঞেশ্বর। আজ্ঞে আপনি মনিব, প্রতিপালক—পিতৃতুল্য—আপনার

নিকট মিথ্যা বলব না। ঐ জাল উইল লিখে দেওয়ায় যতটুকু এর

ভিতর লিপ্ত হ'তে হয় তার চেয়ে একচুলও বেশী নয়! কি ক'রব

বাবু, সামান্ত লেখা পড়া জানি—পাঁচ ছ'টা পোয়, ভরসা—আপনার

ঐ আটটা টাকা—দেওয়ানজীর অবস্থা দেখে যোগেশবাবুর ভয়ে

আপনাকে জানাও নি—

হুর্গা। দেওয়ানজীর অবস্থা! শাস্বতক বলে আমিই তাকে তাড়িয়ে

দিয়েছি।

যজ্ঞেশ্বর। বাবু! আমার পক্ষ ক'রবেন। ঘটনাচক্রে তাঁকে

অপরাধী মনে হলেও তিনি আসে নন্দোষী।

দুর্গা। নির্দোষী!

যজ্ঞেশ্বর। হাঁ বাবু নির্দোষী। শুধু নির্দোষী নন—বৃদ্ধ ব্রাহ্মণ আপনার পরম হিতৈষী। বোধ হয় আপনার মঙ্গলের জন্ত হাস্তে হাস্তে তিনি প্রাণটা ছুঁড়ে ফেলে দিতে পারেন। আপনার এই অগাধ সম্পত্তি হস্তগত ক'রতে হ'লে সর্বাগ্রে দেওয়ানজীকে এখান থেকে সরান দরকার। কাজেও হয়েছে তাই। বাবু! আপনার ছোট খাট এক একটা মহলের নায়েবী ক'রে আপনার কত চাকর দালান দিচ্ছে, পুকুর কাটিছে, দোল দুর্গোৎসব ক'রছে—আর এত বড় জমিদারীটার সর্বময় কর্তা হয়েও দেওয়ানজীর খড়ের চালের ছাউনি জোটে না—পাঁচ সিকের চাদর আর চোদ্দ আনার কোটকি জুতোর উপরে এ জীবনে তিনি উঠতে পারলেন না।

দুর্গা। হুঁঃ—দলিলগুলো কি হ'ল তবে?

যজ্ঞেশ্বর। তা আমি জানি না বাবু।

দুর্গা। এ সব আশ্রয় তখন বল নি কেন?

যজ্ঞেশ্বর। আট টাকার মুহুরির কথায় কে কাণ দিত—কে বিশ্বাস ক'রত বাবু।

দুর্গা। আজ ব'ল্ছ কেন?

যজ্ঞেশ্বর। আজ এ সব আপনার বিশ্বাস হবে—আপনার অন্তরে বিঁধবে।

দুর্গা। কেন?

যজ্ঞেশ্বর। ঐ জাল উইল আজ আপনার হাতে।

দুর্গা। আচ্ছা যাও কাজ কর গে'—

যজ্ঞেশ্বরের প্রস্থান

স্বন্দা। (অন্তরাল হইতে) এক ভু - এক ভুলে সর্বনাশ।

বেড়া আগুন—বেড়া আগুন—কোন্ আগুন? বা?

দুর্গা। এত বড় পাষাণ এই যোগেশ্বর! একলা দিয়ে এতকাল একটা কাল সাপ পুষেছি! আচ্ছা! উপর ব'সে আমারই জুপিও টেনে ছিঁড়েছে।

শ্রামা। জমিদারীতে নেবে ব'লে কি চক্রটাই মায়ে ছেলের না করেছে !

মিথ্যা অপবাদ দিয়ে দেওয়ানজীকে অপদস্থ ক'রে তাড়িয়েছে—
ভিতরে ভিতরে আরও কি করেছে কে জানে। দিন রাত দুইজনে
কেবল পরামর্শ আটছে—

সুখদা। (অন্তরাল হইতে) বল্ হারামজাদা—চাকা ঘুরে গেছে—দিন
পেয়েছি—প্রাণ ভ'রে বল্। না—মরেছি ত—হাল ছাড়ব না।
একবার অন্তিম চিকিৎসা ক'রব—

দুর্গা। ওঃ—আমি কি ক'রেছি—কি ক'রেছি ! পিশাচের কথায় বিশ্বাস
ক'রে—শয়তানের ছলনায় আত্মবিস্মৃত হ'য়ে আমি নিজের বৃকে নিজে
কুঠার হেনেছি ! ও হোহোঃ—আমার চির আদরের খোকা—
আমার মাতৃহারা গোপাল—আমার কত সাধের—কত কামনার
পুত্রবধু—তাদের আমি কুকুরের মত বাড়ী থেকে তাড়িয়ে দিয়েছি—
কুকুরের মত তাড়িয়ে দিয়েছি !

শ্রামা। বাবু—বাবু ! স্থির হ'ন। যা হবার হ'য়ে গেছে। এখন
প্রতিকার করুন।

দুর্গা। হাঁ। প্রতিকার ক'রব—প্রতিকার ক'রব। ডাক যোগেশকে—
শ্রামা। আজ্ঞে যোগেশবাবু ত ক'লকাতায় পালিয়েছে—

দুর্গা। কোথায় পালাবে ! নরকের গর্ভে পালালেও আর তার নিস্তার
নেই। ডাক তার মাকে—

শ্রামা। (দ্বারের দিকে একটু অগ্রসর হইয়া) পিসীমা—পিসীমা !
কর্তাবাবু ডাকছেন—আর পিসীমা আসছেন—

দুর্গা। কই—কোথায় আসবে।

এই যে—

সুখদা। আমায় ডেকেছ দা—

দুর্গা। চোপ ! আমি পিশাচীর দাদা নই।

সুখদা। শ্রামা দাঁড়িয়ে দেখ্‌ছিস কি ! শীগ্গির ডাক্তারের কাছে ছুটে যা। দাদা কেন অমন ক'রছে !

দুর্গা। কি ! আমাকে পাগল প্রমাণ ক'রবে ! তা তোমরা পার। তোমাদের মাতা-পুত্রের অসাহ্য এ জগতে কিছু নেই ! কিন্তু আর তা হবে না। আমি তোমাদের চিন্তে পেরেছি—তোমাদের স্বরূপ দেখ্‌তে পেরেছি। ধর্ম্মের ঢাক প্রলয়নাদে বেজে উঠে তোমাদের মুখ থেকে দরদের মুখোস খুলে দিয়ে তোমাদের নারকীয় মূর্ত্তি প্রকাশ ক'রে দিয়েছে। কি সুখদা ! যোগেশ জমিদার হবে ! হাঃ হাঃ হাঃ হাঃ—খুব মাথা ঝাটিয়েছিলে—বেড়ে চক্রান্তটা করে ছিলে দু'জনে !—কিন্তু এই জাল উইল আজ তোমাদের বড় আশায় ছাই দিয়ে সব প্রকাশ ক'রে দিয়েছে।

সুখদা। আমাদের ত এখন দোষ হ'বেই। যা শুনেছি সরলভাবে তোমার হিতের জন্তে—

দুর্গা। চোপরাও জালিয়াত ! সরলভাবে আমার হিতের জন্ত ! হাঁ এই জাল উইলও সরলভাবে আমারই হিতের জন্ত তোমরা ক'রেছ—কেমন ?

সুখদা। উইল জাল ক'রেছি !

দুর্গা। হাঁ। তোমার ছেলে যজ্ঞেশ্বরকে দিয়ে এই জাল উইল লিখিয়েছে। এইমাত্র সে ব'লে গেল। শুনতে চাও ? ডাক ত যজ্ঞেশ্বরকে—

সুখদা। কোন দরকার নেই। তোমার কথাই যথেষ্ট !

দুর্গা। বেশ। তারপর ?

সুখদা। তারপর কি ?

দুর্গা। কেন তোমরা আমার উইল জাল ফাট ?

সুখদা। আমরা !

দুর্গা। হাঁ, তুমিও এতে লিপ্ত আছ।

সুখদা। কিসে বুঝলে ? যজ্ঞেশ্বরকে

দুর্গা। না।

সুখদা। তবে?

দুর্গা। তোমার ইচ্ছা যে যোগেশ আমার এই জমিদারীর মালিক হয়।

সুখদা। যোগেশ জমিদারীর মালিক হ'লে আমার লাভ? বিধবার

প্রয়োজন এক মুঠো আতপ চাল। যোগেশ এই জমিদারীর মালিক হ'লে কি সে আমাকে সোনার ভাত খাওয়াবে! যোগেশের একটা পৈত্রিক জমিদারী ছিল না! তখন কি আমি সর্ব্বদা হীরা মতি পান্নার গহনা প'রতাম! এখন আছি তোমার গলগ্রহ, যদি যোগেশ তোমার জমিদারী পেত তখন হতেম তার মুখাপেক্ষী। বল তবে কোন আশায়, কোন স্বার্থে, যোগেশের সঙ্গে জালিয়াতিতে লিপ্ত হ'য়ে আমি পরকালটাও নষ্ট ক'রব! সম্পত্তির লোভে যোগেশের পক্ষে উইল জাল করা সম্পূর্ণ স্বাভাবিক। কিন্তু ভাই ব'লে আমি তার মা এই জন্ত তার যত কুকার্য্যে আমার লিপ্ত থাকতে হবে! আমি তার মা ব'লে যদি অপরাধী হই, তবে আমার চেয়েও বেশী অপরাধী তুমি! এক মাতাল লম্পটের সঙ্গে যখন ভগ্নীর বিবাহ দিয়েছিলে, তখন কি ক'রে আশা করেছিলে যে, এ ভগ্নীর গর্ভে ধার্মিক সচ্চরিত্র যুধিষ্ঠির জন্মাবে! জাল জোচ্ছুরি ত যোগেশের পক্ষে স্বাভাবিক। মনে ক'রে দেখ' দেখি একবার, কার পুত্র সে! আজ আমায় তিরস্কার ক'রতে তোমার লজ্জা হয় না। ভাব দেখি একবার কি ভাবে আমার একটা জন্ম তুমি ব্যর্থ করেছ! স্বামী হ'তে কোন দিন সুখী হয়েছি! আমার পিঠের কাপড়খানা তুলে দেখ, আজ চোদ্দ বৎসর বিধবা হয়েছি, এই চোদ্দ বৎসরেও সে মারের দাগ মিলাতে পারেনি, মাতাল হ'য়ে এমন মার আমাকে মেরেছে। ছেলে হ'তে কোন দিন সুখী হ'য়েছি! আমার ছেলে মাতাল, আমার ছেলে লম্পট—আমার ছেলে জালিয়াত! ভাব দেখি একবার কি স্নেহের জীবন আমার! এখন তোমার আশ্রয়ে

এসেছি—মার, কাট, জেলে দাও, মাথা মুড়িয়ে ঘোল ঢাল—বা ইচ্ছা
কর—আর আমার সহ হয় না ! (কাঁদিতে লাগিল)
দুর্গা। তাইত ! (নত মস্তকে পাদচারণা করিতে লাগিলেন)
শ্রামা। (স্বগত) ও বাবা—এ যে উকীলের বাবা ! এক বক্তৃতায়
কর্তাব্যবস্কে ভাবিয়ে দিয়েছে !
সুখদা। শোন দাদা, আমার ছেলে নেই—আমার ছেলে মরেছে ! ঐ
কুলাস্ত্রকে যদি তুমি ক্ষমা কর—ঐ জালিয়াতকে যদি তুমি শাস্তি না
দেও, তবে আমি গলায় দড়ি দেব—রাস্তায় ছুটে বেরুব—জেলে ঝাঁপ
দেব। বল, ওকে জেলে দেবে—বল—বল—প্রতিজ্ঞা কর—নইলে
আমি তোমার পায়ের তলায় মাথা খুঁড়ে ম’রব—

প্রকৃতই ছুটিয়া গিয়া দুর্গাশব্বরের পায়ের তলে মাথা খুঁড়িতে লাগিল

দুর্গা। আ হা হা—করিস্ কি—করিস্ কি সুখী—তুই কি পাগল হলি—
সুখদা। না, আমি শুনব না—কোন কথা শুনব না—বল, ওকে তুমি
জেলে দেবে।

দুর্গা। হাঁ—হাঁ—করব—যা হয় একটা ব্যবস্থা ক’রব। এঃ দেখত কি
করেছি—এ যে দর দর ধারে রক্ত ছুটছে—কপালটা যে কেটে গেছে
—শ্রামা শিগুীর জল আন—(শ্রামার প্রস্থান) কি ক’রলি—দেখত
পাগলী ! এমন ছেলেমানুষী ক’রতে হয় ! রক্ত পড়ে ভেসে যাচ্ছে !
সুখদা। রক্ত ! আমার বৃকের ভিতর আজ যা হচ্ছে ! দাদা—
কুলাস্ত্র শেষে তোমার মত মামার—

দুর্গা। চুপ কর। ও সব আর এখন মনে করিস্ না। শ্রামা—শ্রামা

শ্রামার জল লইয়া প্রবেশ

—একটু জল আনতে হারামজাদার একটা দিন গেল !

পুকুর কেটে জল আনছিলে ! নড়তে চড়তে তোমাদের ছয় মাস—

শ্রামা। আজ্ঞে নীচের গিয়ে জল আনতে হ'ল।

দুর্গা। কেন পাশের ঘরেই ত জল ছিল—

শ্রামা। আজ্ঞে সেটা আমার মনেই হয়নি—অত রক্ত দেখে আমার কেমন ভিরমি লেগেছিল—

দুর্গাশব্দের রক্ত মুছাইয়া পটা বাঁধিতে লাগিলেন

(স্বগত) পড়ুক না একটু রক্ত। সখের ঘা। আরও একটু দেরি ক'রে আসবার ইচ্ছা ছিল তা কর্তাবাবু যে চীৎকার আরম্ভ ক'রলেন। কর্তাবাবু কিন্তু একেবারে জল হ'য়ে গেছেন।

সুখদা। (স্বগত) বঁটীতে আঙ্গুল কাটলে রক্ত পড়ে না! হু' ফোটা রক্ত পড়লে কি আসে যায়! আর তুমি আমায় অবিশ্বাস ক'রবে না—এইবার আমার যোগেশের পথ নিষ্কণ্টক ক'রব! এখন দেখছি যোগেশ কলকাতায় গিয়ে ভালই করেছে।

(নেপথ্যে ডাক্তার। শ্রামা—শ্রামা—

দুর্গা। ঐ যে ডাক্তার এসেছে—যাক, ভালই হয়েছে। এই যে, উপরে এস বাবা—শ্রামা! যা ত—শিগ'গীর—

শ্রামা। (স্বগত) নাঃ—কর্তাবাবু বেজায় বাড়াবাড়ি ক'রছেন। গ্রহান সুখদা। ডাক্তারকে কিন্তু আমার সম্বন্ধে কিছু ব'ল না দাদা—

দুর্গা। কেন, ও ত আমাদের ঘরের ছেলের মত। অনেকটা কেটে গেছে, দেখুক না একবার।

সুখদা। না দাদা—তোমার পায়ে পড়ি—এ আমার আপনা হ'তেই সেরে যাবে।

ডাক্তারকে লইয়া শ্রামার প্রবেশ

ডাক্তার। একি! আপনার যে এখনও খাওয়া হয় নি দেখছি। শরীরের যে অবস্থা তাতে এ রকম অনিয়ম হওয়া ত ঠিক নয়। (সুখদার দিকে ফিরিয়া) আপনি থাকতে এ রকম অনিয়ম—ওকি আপনার কপালে কি হ'য়েছে?

দুর্গা। দেখত ডাক্তার—

সুখদা। না—না—এ আর দেখতে হবে না। প'ড়ে গিয়েছিলাম তাই কেটে গেছে। তুমি আমার দাদাকে একটু ভাল ক'রে ওষুধ দাও ডাক্তারবাবু, কাল খুব বেশী রক্ত পড়েছে। দাদার শরীরের দিকে ত আর তাকান যায় না ডাক্তারবাবু!

ডাক্তার। চেষ্টা কি আমি কম ক'রছি। কিন্তু কোন ওষুধে যে ফল পাচ্ছি না। আচ্ছা, দেখি আপনার হাতটা একবার, আপনাকে বড় exhausted বোধ হচ্ছে pulse feeble—

সুখদা। কি ব'ল্লে—কি ব'ল্লে ডাক্তারবাবু—দাদা আমার বাঁচবে ত! বাঁচবে ত! আমার দিকপালের মত ভাই! ঐ ভাইয়েরই মুখের দিকে চেয়ে আমি যে পাশাণে বুক বেঁধে বেঁচে আছি— (ক্রন্দন)

ডাক্তার। এ কি! আপনি যে কৈঁদে ফেললেন! কোন ভয় নেই। সকালে আজ বোধ হয় কিছু খান নি, এখন ঠুঁকে একটু গরম দুধ দিন ত—

সুখদা। আমি এখনই নিয়ে আসছি। (স্বগত) এইবার—এইবার—
প্রস্থান

শ্রামা। (স্বগত) পিসীমা'র চোখ দু'টো হঠাৎ শিকারী বাঘের মত জলে উঠল কেন?

প্রস্থান

ডাক্তার। এক বিষয়ে আপনি বড় fortunate, এমন বোন অতি অল্প লোকেরই আছে।

দুর্গা। সব দিক একাকার হ'লে কি মানুষ টিকতে পারে। তাই বোধ হয় ভগবান দয়া ক'রে ঐ টুকু অবশিষ্ট রেখেছেন। ভাই বোনের স্নেহের বাঁধন মায়ের শোণিতে গড়া কিনা তাই বোধ হয় এত অটুট—এত মধুর।

ডাক্তার। এ জীবনে আর তা উপভোগ ক'রতেই পান্স্লেম না। ভাইও নেই—বোনও নেই। হাঁ কাল রাত্রে ক'বার উঠতে হ'য়েছে?

দুর্গা। প্রায় সমস্ত রাত্রি। রক্তের পরিমাণও খুব বেশী। শরীর যেন দিন দিন নিস্তেজ হ'য়ে আসছে—

ডাক্তার। একটা injection নেবেন? কোন কষ্ট হবে না—মাত্র একটা সেকেন্ড—

দুর্গা। আর কেন বাবা এই শেষ সময় ফোঁড়া-ফুঁড়ি ক'রে কষ্ট দেবে—

ডাক্তার। আচ্ছা থাক। তাহ'লে ওষুধটা আজ বদলে দেব।

দ্রুত লইয়া সুখদার প্রবেশ

সুখদা। (স্বগত) এইবার শেষ চেষ্টা। (প্রকাশ্যে) হাঁ ডাক্তারবাবু,

ও ওষুধটা বদলে দিন। দাদা—এই দুধ এনেছি—

দুর্গা। এত দুধ! এ কি খাওয়া যায় তাই—

সুখদা। শুন্ছেন ডাক্তারবাবু! এই টুকু দুধ খেতে চান না। একটু না খেলে—

ডাক্তার। ও-টুকু দুধ আপনার খাওয়া উচিত।

দুর্গা। দেখি কত দূর পারি। (খাইতে উত্তত)

(নেপথ্যে) শ্রামা। 'বাবু—বাবু—থাবেন না—থাবেন না—' ও কি?

সুখদা। কিছু না—থাও—থাও—থাও—

শ্রামা ছুটিয়া আসিয়া দুধের বাটী দুর্গাশব্দের হাত হইতে কাড়িয়া লইল।

সুখদা ছুটিয়া গিয়া শ্রামার গলা চাপিয়া ধরিল ও বলিল—

“হারামজাদা—দে—দে—দুধ খেতে দে—দুধ খেতে দে—আমার যোগেশ নিষ্কটক হবে—আজ আমার যোগেশ নিষ্কটক হবে—”

দুর্গা। একি!

ডাক্তার। convulsions—

শ্রামা। বাবু—বাবু—আমায় মেরে ফেললে—আমায় বাঁচান—বাঁচান।

(দুর্গাশব্দের ও ডাক্তার অতি কষ্টে শ্রামাকে সুখদার হাত হইতে মুক্ত করিলেন।

সুখদা নিজের চুল টানিয়া ছিঁড়িতে লাগিল ও পিঞ্জরাবদ্ধ শাব্দের

স্তায় গর্জন করিতে লাগিল

দুর্গা । এ সব কি শ্রামা ?

শ্রামা । দম ছেড়ে নি বাবু, আমায় মেরেছিল আর কি ! কর্তাবাবু !

এই দুধের বাটীতে আজ শিশি খালি ক'রে বিব মিশিয়েছ—মা কালী
রক্ষা ক'রেছেন—এই দেখুন সে শিশি—

ডাক্তার । এঁা ! একি ! এষে arsenic ! উগ্র বিষ—horrible—
horrible !

দুর্গা । ডাক্তার আমায় ধর—

ডাক্তার । এ কি ! আপনি কাঁপছেন ! বম্বুন—বম্বুন—স্থির হ'ন—
স্থির হ'ন—বাতাস কর শ্রামা । তাই বল, ভিতরে ভিতরে arsenic-
এর slow poisoning চলছে । তাই কোন ঔষধে ফল হচ্ছে না ।
deliberate murder—কি ভয়ঙ্কর ! ভগবান আজ আপনাকে
খুব রক্ষা করেছেন, কিন্তু আর মুহূর্ত বিলম্ব ক'রবেন না—এখনই
কলকাতা রওনা হন । systemএ কতটা poison ঢুকেছে কে
জানে !

সুখদা । কে ? যোগেশ ! ক'লকাতা থেকে এসেছ ! এস বাবা—এস—
তোমার পথ পরিষ্কার ক'রেছি—আমার যোগেশ জমিদারী পেয়েছে
—আমার যোগেশ জমিদারী পেয়েছে । হাঃ—হাঃ—হাঃ—হাঃ—

ডাক্তার । হুঁ ! হতেই হবে । আশা ভঙ্গ sudden shock ! artery
ছিঁড়ে গেছে ; mental derangement হবেই ।

দুর্গা । শ্রামা, আমার কাছে আয়—আমার কোলে আয় । ডাক্তার !
এই আমার চাকর—আর ঐ আমার বোন—আমার মায়ের পেটের
বোন—যা আছে ব'লে এক মুহূর্ত পূর্বে তুমি আমায় ভাগ্যবান
ব'লছিলে এই দেখ জাল উইল—আর ঐ সেই বিষ মিশান দুধ—
ব'লত ডাক্তার, আমি হাসব না কাঁদব !

দ্বিতীয় দৃশ্য

কলিকাতা—ললিতার ভাড়াটীয়া বাটীর-কক্ষ

ললিতা ও যোগেশ উপবিষ্ট

ললিতা। কি গো! একদৃষ্টে হাঁ ক'রে চেয়ে কি দেখছ?

যোগেশ। তোমায় দেখছি। এ যে মোহিনী মূর্তি—

ললিতা। দেখ' ভাই—গিলে ফেলো না যেন—

যোগেশ। পারলে ছাড়তুম না...সত্যি ললিতা, কি চমৎকার মানিয়েছে

তোমায়। যেন তোমার জন্তই গহনাগুলি তৈরী হ'য়েছিল—

ললিতা। এখনই ত আমার খুলে দিতে হবে—

যোগেশ। কেন?

ললিতা। পরের জিনিষ—আমার ত নয় যে প'রে মনের সাধ মিটাব—

যোগেশ। না—না—ওসব যে তোমার—

ললিতা। আমার! সত্যি ব'লছ?

যোগেশ। হাঁ ললিতা—

ললিতা। গহনা প'রবার আমার বড় সাধ—গহনা আমি বড় ভালবাসি,

হাঁ যোগেশবাবু, একুনি আবার কেড়ে নেবে না ত?

যোগেশ। কেড়ে নেব ললিতা, তোমার গা থেকে গহনা! আমার কি

তুমি এমনি পিশাচ মনে কর—

ললিতা। দেখ ভাই, আমি কিন্তু অনাদর সহিতে পারি না—

যোগেশ। তোমায় অনাদর ক'রব! ললিতা, তোমায় আমি মাথার

মণি ক'রে রাখ'ব।

ললিতা। দেখ' ভাই, সরলা অবলাকে মজিয়ে শেষে মাঝ দরিয়ায়

ভাসিও না যেন।

যোগেশ । তোমার স্বথের জন্ত আমার সর্বস্ব পণ । তোমার মুখের
একটী কথায় আমি বোধ হয় হাস্তে হাস্তে প্রাণ দিতে পারি ।

বল—বল ললিতা, তুমি আমার ভালবাস—তুমি আমার—

ললিতা । যোগেশবাবু, প্রিয়তম ! ~~আমি যে তোমার প্রেমে উদ্ভাদিনী—
তাইত নিবারণকে ছেড়ে তোমার কাণ্ডারী ক'রে যৌবন-ভরী
সমিধে দিয়েছি—~~

গীত

বাজ লো আজ হৃদয়বীণা নূতন তানে ।

এ পুলক কোথায় ছিল—নূতন আলোক

ছুটলো বঁধু নূতন প্রাণে ॥

হৃদয়-কুঞ্জে নূতন সুরে কি গান ধরেছে পাপিয়া,

পুঞ্জে পুঞ্জে আছে ফুটে ফুল হৃদয়-স্বপ্ন ছাপিয়া

নূতন চোখে ফুটেছে আজি নূতন ক'রে ছনিয়া—

কি জানো যাদু, পরাণ বঁধু, মজলো নারী অঁপি-বাণে ॥

ছুরিকা হস্তে নিবারণের প্রবেশ

নিবারণ । এতদিনে তোমার সন্ধান পেয়েছি যোগেশবাবু ! যোগেশবাবু
—যোগেশ—

যোগেশ । (চমকিত হইয়া) কৈ কৈ (সভয়ে) নিবারণ !

নিবারণ । হাঁ, আমি নিবারণ—চিন্তে পারছ ? কে, ললিতা ? বাঃ !

—বেশ সেজেছ ত—খাসা আছ ! না ? শয়তানি ! বল, কোথায়

আমার টাকা ? দেখছিস্ এই ছুরি—

ললিতা । আমি কিছু জানি না—আমি কিছু করি নি—

নিবারণ । আচ্ছা । যোগেশবাবু, নিধুঠাকুর ললিতাকে চুরি ক'রেছিল

—না ? খুব মাথা খাটিয়েছিলে ! এখন ?

যোগেশ । যাও যাও, এখান থেকে বেরিয়ে যাও—দারোয়ান, দারোয়ান—

নিবারণ। দারোয়ান কি ক'র্বে বিশ্বাসঘাতক ! পাষাণ—তোর সঙ্গে
আজ আমার হিসাব নিকাশ—শয়তান। আমি তোকে খুন ক'র্ব—
তোকে টুকুরো টুকুরো ক'র্ব।

ললিতা। (ছুটিয়া নিবারণের সন্মুখে গিয়া)—না—না—মের না—
যোগেশবাবুকে মের না—

নিবারণ। ওঃ বড় দরদ ! পথ ছাড় শয়তানি ! ছাড়বি না—ছাড়বি না—
পদ্মঘাত করিয়া ললিতাকে মাটিতে ফেলিয়া দিল। ললিতা মুচ্ছিতা
হইল। তাহার কপাল কাড়িয়া রক্ত পড়িতে লাগিল। সেই অবসরে
নিবারণের হাত হইতে ছুরি কাড়িয়া লইয়া যোগেশ তাহাকে পুনঃ
পুনঃ আঘাত করিতে লাগিল। নিবারণ মাটিতে পড়িয়া গেল।
তাহার সর্বাঙ্গ হইতে দর-দর ধারে শোণিত ছুটিল। যোগেশ তাহা
—দেখিয়া সভয়ে বলিল—“এ্যা—খুন—খুন ক'রেছি !”

তৃতীয় দৃশ্য

কলিকাতা দুর্গাশঙ্করের বাটী-কক্ষ

দুর্গাশঙ্কর ও অনাদি

দুর্গা। কোন খোঁজ পেলে না?

অনাদি। এখনও ত কিছু পাই নি। আপনার তার পেয়ে ক'লকাতায় এসেই তিন তিন জন গোয়েন্দা লাগিয়েছি—তাদের পেছনে জলের মত টাকা খরচ ক'রছি—প্রত্যেককে হাজার টাকা ক'রে পুরস্কার দেব প্রতিশ্রুত হ'য়েছি! দিবারাত্র তারা সহরের অলি-গলিতে ঘুরছে, কিন্তু পাপিষ্ঠ যে কোথায় উধাও হ'য়েছে কেউ তা খুঁজে বের ক'রতে পারছে না। (দুর্গাশঙ্কর নতমস্তকে পাদচারণা করিতে লাগিলেন) আজকার দিনও দেখব মনে ক'রেছি তার পর সহরের বাইরেও লোক লাগাব। আমার মনে হয় ক'লকাতায়—

দুর্গাশঙ্কর পাদচারণা করিতে করিতে সহসা আচীর বিলম্বিত দর্পণের দিকে ঠাহার দৃষ্টি পড়ায় নিজের অতিবিষ দেখিয়া শিহরিয়া উঠিলেন ও বলিলেন—

“ও কে?”

অনাদি। কি বাবু?

দুর্গাশঙ্কর ধীরে ধীরে অঙ্গুলি নির্দেশ করিয়া আরনার ভিতর নিজের অতিবিষ দেখাইলেন! অনাদি সেই দিকে চাহিয়া দীর্ঘ-নিশ্বাস ফেলিয়া নতমস্তকে দাঁড়াইলেন। দুর্গাশঙ্কর দেখিতে দেখিতে বেন শিহরিয়া উঠিতে লাগিলেন—কণপরে ডাকিলেন—

“অনাদি—”

অনাদি। বাবু!

দুর্গা। দেখুছ, কত স্পষ্ট ছাপ পড়েছে। (মান হাসি হাসিয়া) সম্মন কর্তব্য—আর ত বেশী দেরী নেই অনাদি—

অনাদি। নারায়ণ—নারায়ণ—

হুর্গা। একটা আকাঙ্ক্ষা—সুধু একটা আকাঙ্ক্ষা—(ছুটিয়া অনাদির হাত হুঁটী জড়াইয়া ধরিলেন)—এই শেষ সাধ আমার পুরাও ভাই—

অনাদি। বাবু, সাহস ক'রে এ কথা আপনাকে আমি জানাতে পারিনি। আপনার অহুমতি না নিয়েই পাঁচ হাজার টাকা পুরস্কার ঘোষণা ক'রে সহরের সর্বশ্রেষ্ঠ গোয়েন্দা কৃষ্ণবাবুকে আমি সেই হতভাগ্যের সন্ধানে লাগিয়েছি।

হুর্গা। আছে—আজও কি বেঁচে আছে সে—বেঁচে আছে তারা!

অনাদি। আছে বই কি বাবু—নিশ্চয় বেঁচে আছে।

হুর্গা। তুমি ব'লছ—তুমি ব'লছ তারা বেঁচে আছে। বল—বল ব্রাহ্মণ—মুক্তকণ্ঠে প্রাণ খুলে বল—তোমার শ্রীমুখে একদিন বেদ ধ্বনিত হ'য়েছে—তোমার বাণীতে একদিন সৃষ্টি-স্থিতি-প্রলয় সংঘটিত হ'য়েছে—তোমার কথা মিথ্যা হবে না—বল ব্রাহ্মণ—আবার আমি হারানিধি ফিরে পাব—

(নিধুঠাকুর ও তৎপশ্চাৎ মুটিয়া গোবিন্দের মোট মাথায় প্রবেশ)

গোবিন্দ মোটটি অতিকণ্ঠে নামাইয়া ক্লাস্তির জন্ত এক ধারে বসিয়া পড়িল। তাহার সর্বাস্ত্র হইতে খেদবারি নির্গত হইতেছিল এবং অতিকণ্ঠে সে দম লইতেছিল

নিধুঠাকুরকে দেখিয়া হুর্গাপুত্র বলিলেন—

“কে—কে? সাহস বটে!”

নিধু। রসো বাবা, পয়সার অভাবে বুড়ো বামুনকে ইষ্টিশান থেকে হেঁটে আসতে হ'য়েছে। আগে দমটাই ছাড়তে দাও। ও কে? অনাদি না?

অনাদি। আছে হাঁ।

নিধু। বেশ—বেশ। তোমাকে যে এখানে পাব তা আমি স্বপ্নেও ভাবিনি—তা ভালই হ'য়েছে। এই নাও বাবা—তোমার দলিল—

অনাদি। দলিল!

নিধু। বুঝতে পারলে না! শোন তবে; তোমার জন্তই বাবা এতদূর এসেছি—নইলে বাবা, খাসা বিশ্বেশ্বরের শ্রীপাদপদ্মে প'ড়ে ছিলুম। বুঝলে দুর্গাশঙ্কর, এই যে প্রাণে এত জ্বালা—এত দাহ—বাবার আরতি দেখতে দেখতে সব যেন জুড়িয়ে যেত। আর কেবল তোমার কথা মনে হ'ত। এবার আমি তোমায় নিয়ে যাব।

অনাদি। দলিল কি ব'লছিলেন?

নিধু। হাঁ—হাঁ, শোন তারপর—তোমাদের নিবারণ আমার কাশীতে গিয়ে ধ'রেছে, আমি না কি তার রুক্মিণী হরণ ক'রেছি! শুনেই ত আমার চক্ষুস্থির! আর ধ'রতে গেলে দোষটা আমার ঘাড়েই পড়ে। তারপর বাবা তাকে বুঝিয়ে দিলাম যে আমার কোন দোষ নেই। বোনের অসুখ দেখতে ক'লকাতায় আস্বে, লোক অভাবে আসতে পারছে না ব'লে ছুঁড়ী বড় ধ'রে পড়ল—কাঁদাকাটা ক'স্বতে লাগল—বাবাজীবন যোগেশচন্দ্রও অসুখরোধ ক'স্বতে লাগল—তার উপর জানই ত বাবা; আমি নেশাখোর মানুষ—কিছু লোভও দেখাল—তাই তাকে সঙ্গে নিয়ে ক'লকাতায় এসেছি। তখন কি জানিয়ে বাবা, শ্রীমান যোগেশচন্দ্র আমার মাথায় কাঁটাল ভেঙ্গে মনের স্রুখে কোষ খাচ্ছে। এর ভিতরে যে এত প্যাচ তা' বোকা-বামুন আমি কি ক'রে জানব বল!

অনাদি। তারপর—তারপর?

নিধু। ক'লকাতায় এসে পরদিনই ছুঁড়ী নিজের ইটিশানে গিয়ে আমার টিকিট কিনে দিয়ে আরও নগদ পঁচিশ টাকা দিয়ে কাশীর গাড়ীতে তুলে দিয়ে গেল। গরীবের ছেলে বা কোনদিন অদৃষ্টে ঘ'টবে ব'লে আশা করি নি—আমার ত মহাফুর্টি—আনন্দে একেবারে ডগমগ হ'য়ে কাশীতে বাবা বিশ্বেশ্বরের শ্রীপাদপদ্ম দেখতে গেলাম।

আরে তখন কি জানি যে ছোড়া ছুঁড়ী সম্পূর্ণ দোবটা আমার বাড়ে
চাপাবার জন্য কোশল ক'রে আমার সরিয়ে দিচ্ছে।

দুর্গা। এত বড় পাষণ্ড!—একবার পেতাম তাকে—

নিধু। আহা, শেষ পর্যন্ত শোনই না দুর্গাশঙ্কর—আরও রহস্য আছে।

নিবারণের যখন বেশ বিশ্বাস হ'ল যে আমি নির্দোষ—যোগেশ
বাবাজীই তার মাথায় হাত বুগিয়েছেন—তখন সে কি বললে জান?

অনাদি। কি?

নিধু। নিবারণ ব'ললে যে খুড়ো আমি মহাপাণী। এ আমার উপযুক্ত
শাস্তি। নিজের ছেলের মত দেওয়ানজী আমার প্রতিপালন ক'রেছেন,
ঐ যোগেশের দলে মিশে আমি তাঁর সর্বনাশ ক'রেছি—সিন্দুকের
চাবী বাবুর বালিশের তলা থেকে যোগেশের মা চুরি ক'রেছিলেন—
সেই চাবী দিয়ে আমি আর যোগেশ সিন্দুক খুলে পাঁচ হাজার টাকা
নিয়ে চরের দলিল শিবনারায়ণবাবুকে দিয়েছিলাম।

দুর্গা। এঁ্যা!

অনাদি। নারায়ণ—নারায়ণ—

নিধু। কথাটা শুনে, তোমায় ব'লব কি অনাদি, আমার বা অবস্থা—না
আনন্দ—না দুঃখ—না রাগ—বুঝলে দুর্গাশঙ্কর, আমার তখনকার
অবস্থাটা আমি তোমাদের বোঝাতে পা'রছি না—

দুর্গা। তারপর?

নিধু। তারপর নিবারণ ব'ললে যে খুড়ো নিরপরাধ দেওয়ানজী
যোগেশের চক্রান্তে মনিবের কাছে লাহিত হ'য়েছেন,—আমায়
যোগেশের সন্ধানে যেতে হবে—তার সঙ্গে হিসাব নিকাশ পরিষ্কার
ক'রতেই হবে—আমি ত কর্তাবাবুকে গিয়ে সব ব'লতে পা'রছি না
—আপনি যদি দয়া ক'রে বান, তবে দেওয়ানজীর মিথ্যা কলঙ্ক দূর
হয়। তারপর এই পত্রখানা আমার হাতে দিয়ে ব'ললে যে, এই পত্র

লিখে যোগেশ শিবনারায়ণবাবুর কাছে টাকার তাগাদা ক'রেছিল—
পত্রখানি তাঁকে আর দিতে হয়নি—তাঁর লোক টাকা নিয়ে আসছিল
—পথেই আমার সঙ্গে দেখা হয়। পত্রখানি আমি কি জানি কি
ভেবে তুলে রেখেছিলাম। এখানা আপনি কর্তাবাবুকে দেখাবেন,
তাহ'লেই তিনি সব বুঝতে পারবেন। এই নাও বাবা, এই সে পত্র,
রক্ষাকবচের মত অতি যত্নে নামাবলীতে বেঁধে রেখেছি।

অনাদির হস্তে দিলেন

অনাদি। ধর্ম, তুমি তাহ'লে আছ !

নিধু। নিশ্চয়—নিশ্চয়—ওরে বাবা, পাপের ও লাকালারি ক'দিন।

হাঃ হাঃ হাঃ—এখনও যে চন্দ্র সূর্য্য উঠছে। আমি কিন্তু অনাদি,
মনে তোকে কখনও অপরাধী ভাবিনি—তবে মুখ ফুটে কিছু বলতে
সাহস পাই নি।

হুগা। অনাদি,—অনাদি—একবার সে পাপিষ্ঠ যোগেশটাকে আমার
সামনে আনতে পার—একবার—তাতে যত টাকা লাগে—

গোবিন্দ। (আপন মনে) হা রে যোগেশবাবু, মুখের ভাত কেড়ে নিয়ে
আমার দাদাবাবুকে এই বাড়ী থেকে তুমি কুকুরের মত ভাড়িয়ে
দিয়েছিলে !

অনাদি। ও কে ?

নিধু। আমার মুটে—মোট নিয়ে এসেছে। তুই ব্যাটা ত আচ্ছা
হতভাগ্য। আমি না হয় কথায় কথায় তোর পয়সা দিতে তুলে
গেছি—তুইও ত বেশ দিব্যি চুপটা ক'রে বসে আছিস্ ! এতক্ষণ যে
আর দু'টো মোট ব'য়ে আর দু'পয়সা রোজগার ক'রতে পারতিস্ !
এই নে বাবা তোর বার পয়সা—

গোবিন্দ। পয়সা নামাবলীতে বাঁধ ঠাকুর। তোমার মোট ব'য়ে পয়সা
না নিলে গোবিন্দের স্বর্গের সিঁড়ি তৈরি হবে কি দিয়ে ! দাও ঠাকুর

একটু পায়ের ধুলো, প্রণাম হই কর্তাবাবু, দিন দেওয়ানজী—বুড়োকে
একটু পায়ের ধুলো দিন—

অনাদি। গোবিন্দ না! তাইত! তুমি মুটে!

গোবিন্দ। আমি মোট টানছি এই দেখেই চ'মকে উঠলে দেওয়ানজী—

হাঃ হাঃ হাঃ হাঃ—

অনাদি। কেন গোবিন্দ, তুমি কি আজকাল খোকাবাবুর কাছে থাক
না! এই বয়সে তুমি মোট টানছ—আহা হা!

গোবিন্দ। আহা হা—

অনাদি। খোকাবাবুর সংবাদ কি গোবিন্দ? কোথায় আছে সে আজ
কাল? মা-লক্ষ্মী আমার ভাল আছেন ত? গোবিন্দ! আমি যে
গোয়েন্দা লাগিয়েও তোমাদের সন্ধান পাইনি—

গোবিন্দ। বড় অসময়ে খোঁজ ক'রছ দেওয়ানজী—আর যদি ছ'টামাস
আগেও খোঁজ নিতে—

অনাদি। কেন—কেন গোবিন্দ?

ভূর্গা। আছে ত—খোকা বেঁচে আছে ত?

গোবিন্দ। থাকাই সম্ভব—মাস খানেক হ'ল আমি তাদের হারিয়ে
ফেলেছি। দাদাবাবু হয়ত বেঁচে আছে, কিন্তু কর্তাবাবু—তোমার
সাগর সৈঁচা মাণিক—তোমার সাত রাজার ধন—তোমার বংশের
দুলাল—তোমার স্বর্গের সিঁড়ি—আমার থোকনমণি—ও হো হো—

ভূর্গা। কার কথা বলছ?

গোবিন্দ। তোমার খোকার ছেলে—

ভূর্গা। এ্যা! আমার খোকার ছেলে হ'য়েছে! অনাদি—অনাদি—
কই, শ্রামা কই—(শ্রামার প্রবেশ) ওরে আমার খোকার ছেলে
হয়েছে। অনাদি, গাড়ী জুততে বল—তুমি কাঁদছ কেন গোবিন্দ,
এখনই আমি নিজে গিয়ে আমার দাদাকে নিয়ে আসছি—

গোবিন্দ । কাকে আর আনবে কর্তাবাবু—সে পালিয়েছে । বাপমায়ের
বুকে শেল হেনে সে ফাঁকি দিয়ে পালিয়েছে—সে আর নেই—

দুর্গা । নেই—সে নেই !

গোবিন্দ । না—সে নেই । পয়সার অভাবে তার মুখে এক ফোঁটা
বার্লির জল জ্বোটেনি—পয়সার অভাবে তার মুখে এক ফোঁটা—ওষুধ
পড়েনি—থেতে না পেয়ে রোগে ভুগে শুকিয়ে কুঁকড়ে—ওহোহো !
আর আমি তাই দাঁড়িয়ে দেখছি এই চোখে তাই দাঁড়িয়ে দেখছি
তবু এ পোড়া প্রাণ বের হয় নি—তবু বুকখানা ফেটে যায় নি—
(বুক চাপড়াইতে লাগিল)

দুর্গা । ও হোহোঃ—না—না—আর ব'ল না—আর শুনতে পারি না !
পালাল—পালাল—মাথাটা ছুটে পালাল—অনাদি ধব, ধর, চেপে ধর—
অনাদি । শ্রামা—শ্রামা ! বাতাস কর—বাতাস কর । (শ্রামার
তথাকরণ) গোবিন্দ, তুমি আমার সঙ্গে ও-ঘরে এস ।

দুর্গা । না—না—না—দাঁড়াও—আমার থোকা ?

নিধু । এখন থাক । দুর্গাশঙ্কর ! একটু সামলে নাও বাবা । বাও
গোবিন্দ, অনাদির সঙ্গে যাও—

বেগে যোগেশের প্রবেশ

যোগেশ । এই যে মামাবাবু এখানে ! বাঁচলুম—রক্ষা করুন—রক্ষা
করুন মামাবাবু—আমায় পুলিশে তাড়া ক'রছে ।

দুর্গা । কে ?—হাঁ, এইবার পেয়েছি—এইবার পেয়েছি তোকে, শয়তান ;
—রাক্ষস ! তুই আমার, বংশ নাশ ক'রেছিস্—আমার সর্বনাশ
ক'রেছিস্—আমি তোর বুকের রক্ত—

দুর্গাশঙ্কর ছুটিয়া যোগেশকে আক্রমণ করিতে গেলেন ও নিজে ভূপতিত হইয়া
মুচ্ছিত হইলেন । শ্রামা অনাদি ও নিধু ধরাধরি করিয়া তাঁহাকে বিছানার
উপর তুলিয়া শোয়াইয়া দিল । শ্রামা মাথায় জল দিয়া বাতাস করিতে লাগিল

নিধু। তুমি আবার যোগেশবাবু এ সময় কোথা থেকে উন্নয়ন হ'লে বলত—
যোগেশ। আমার বাঁচাও আমি নিবারণকে খুন করি নি—সত্যি
বলছি—খুন করি নি—আমায় পুলিশে তাড়া করেছে—পেছন
পেছন আসছে—এলো ব'লে—চারদিন পেছন মিয়েছে—এক
মুহূর্ত্ত ব'সতে দেয় নি—এক মুহূর্ত্ত ঘুমতে দেয় নি—এক মুঠো
ভাত মুখে দিতে দেয় নি—দিন রাত তাড়া করেছে—বাঁচাও—
আমায় বাঁচাও—

শ্রামা। গোবিন্দ-দা! শীগ্গির যাও—পুলিশকে ডেকে ধরিয়ে দাও—
যোগেশ। না—না—ডে'ক না—ডে'ক না—আমায় তারা বেঁধে নিয়ে
যাবে—হাতকড়ি পরাবে—আমায় ফাঁসিকাঠে ঝোলাবে—আমায়
বাঁচাও—গোবিন্দ, শ্রামা, তোদের পায়ে পড়ি আমায় বাঁচা—

নিধু। তবু লোকে মনে করে যে ধর্ম নেই! কি ক'রলে যোগেশবাবু—
নিজে গেলে, আর আমারও সর্বনাশ ক'রলে!—

যোগেশ। না—না—আমি কিছু করি নি—আজ চারদিন কিছু খাই নি
—এই দেখ, পেট শুকিয়ে গিয়েছে—বুক শুকিয়ে গিয়েছে—আমায়
দু'টা খেতে দাও—আমায় বাঁচাও—

গোবিন্দ। কি যোগেশবাবু, তুমি না এই বাড়ী থেকে একদিন আমার
দাদাবাবুকে মুখের ভাত কেড়ে নিয়ে কুকুরের মত তাড়িয়ে দিয়েছিলে
—আজ?—

শ্রামা। দাঁড়িয়ে ক'রছ কি গোবিন্দ-দা—গলাধাক্কা দিয়ে বের ক'রে
দাও—পুলিশ—পুলিশ—

অনাদি। চুপ কর শ্রামা—

শ্রামা। কি বলছেন দেওয়ানজী! চুপ ক'রব! ও কাকে বাদ দিয়েছে
—সোণার সংসারটা মায়ে ছেলের স্বপ্নান ক'রেছে—

যোগেশ। এঁ্যা, দেওয়ানজী! এতক্ষণ দেখতে পাইনি। যাক, আর

ভয় নেই। দেওয়ানজী—দেওয়ানজী—আমায় রক্ষা করুন—
আপনার পায়ে পড়ি দেওয়ানজী—(পায়ের উপর পড়িল)

নিধু। তোমার বাহাদুরি আছে যোগেশ। এই লোকটাকে তুমি কি
লাহুতই না ক'রেছ—আবার এখন—নাঃ, তোমার বাহাদুরি আছে!

যোগেশ। আমায় ক্ষমা করুন দেওয়ানজী—আপনার পায় পড়ি
দেওয়ানজী, আমায় বাঁচান। ছেলে বেলায় আপনার কোলে মানুষ
হয়েছি—আমায় মেরে ফেলবেন না, দোহাই আপনার—

অনাদি। যোগেশবাবু—না—আমি তোমায় রক্ষা ক'রব।

নিধু। কি ব'লছ অনাদি?

অনাদি। শরণাগত—পায়ে ধরে কাঁদছে থুড়ো—

নিধু। দুর্গাশঙ্করের মনের অবস্থা বুঝতে পেরেছ?

অনাদি। বুঝেছি থুড়ো। যোগেশবাবুকে নিয়ে এখনই আমি এ বাড়ী
ছেড়ে যাচ্ছি! চল যোগেশবাবু—কোন চিন্তা নেই। তোমার জগৎ
আমার সর্বস্ব পণ।

যোগেশ। আপনার এ উপকার দেওয়ানজী—

অনাদি। আমি তোমাকে বেশ চিনি—বাড়াবাড়ি ক'রে আগায়
উত্ত্যক্ত ক'র না—

যোগেশ। আজ্ঞে না—আজ্ঞে না—

অনাদি। নিঃশব্দে আমার সঙ্গে এস—

যোগেশসহ অনাদি প্রস্থানোক্ত ও ঠিক সেই সময়

সম্মুখ হইতে রাধা বৈষ্ণবীর প্রবেশ

রাধা। বাবু কি এখানে আছেন?

অনাদি। কে তুমি মা? কি চাও?

রাধা। আমি একজন ভিখারিণী—জমিদারবাবুকে চাই? এখানে কি
তিনি—কে—কে—

যোগেশ। কে? তু—তু—তু—

রাধা। হাঁ—আমি শৈলবালা—চিনতে পারছ না যোগেশবাবু—

যোগেশ। তু—তুমি—এ—এখানে?

রাধা। তুমি এখানে কেন যোগেশবাবু?

অনাদি। যোগেশবাবু যে আমাদের জমিদারবাবুর ভাগিনেয়।

রাধা। এঁ্যা! ওঃ—তাই—তাই—কিন্তু—কিন্তু এ বিচার—একের
পাপে অস্ত্র—না—একি অস্ত্রায়! একি অস্ত্রায় বিচার!

অনাদি। উম্মাদিনী! একে চেন যোগেশবাবু?

যোগেশ। চিনি। হাঁ—কই—না!

রাধা। কি বললে যোগেশবাবু? ‘চেন না’! আমায় চেন না! ব’লতে
লজ্জা ক’রছে? আচ্ছা, আমিই বলছি। এই আমাদের জমিদার
পুত্র—এর পিতা আমাদের বৃদ্ধ জমিদারের মৃত্যুর পর ইনি আমাদের
শুভাশুভ, মান-ইজ্জত, জাতিধর্মের মালিক হ’লেন। স্বামীর ভিটায়,
স্বামীর গৃহে, স্বামীর শয্যায় সুখসুপ্ত আমি, নিশুতি রাত্রে এক
পাইক নিয়ে ঘরের বেড়া কেটে আমাদের ঘরে ঢুকে আমার স্বামীর
মাথায় লাঠি মেরে কে আমায় স্বামীর বাহুপাশ থেকে হিনিয়ে নিয়ে
গিয়েছিল—এই ইনি—আমাদের শুভাশুভ মান-ইজ্জতের মালিক!
সেই রাত্রে হু’ক্কাশ পথ টেনে নিয়ে কে আমার ইহকাল পরকাল
নষ্ট ক’রেছে—এই ইনি—আমাদের জাতি-ধর্মের মালিক!

অনাদি। পাষণ্ড!

যোগেশ। না—না—ও কথা শুনবেন না—মিথ্যা—সব মিথ্যা—

রাধা। মিথ্যা—সব মিথ্যা! যোগেশবাবু, স্থিরভাবে কথাগুলো উচ্চারণ
ক’রতে পারলে—জিহ্বা আড়ষ্ট হ’য়ে উঠ’ল না—বুকের রক্ত জমাট
বেঁধে গেল না! আমার চোখের দিকে তাকিয়ে বল দেখি যে এ
সব মিথ্যা কথা—দেখি একবার শরভানন্দ তুমি কতটা ছাপিয়ে

